

Jamoatchilik kengashi raisi:
Abdulla ORIPOV

Jamoatchilik kengashi:
Najmaddin Jiyanov
Abulqosim MAMARASULOV
Minhajiddin MIRZO
Feruza MUHAMMADJONOVA
Ahmad OTABOYEV
Shuhrat SIROJIDDINOV
Ahmad USMONOV

Bosh muharrir:
Sobir O'NAR

Bosh muharrir o'rinnbosari:
Luqmon BO'RIXON

Mas'ul kotib:
Akbarali MAMASOLIYEV

Tahrir hay'ati:
Bobur ALIMOV
Iqbol MIRZO
Abduqayum YO'LADOSHEV
Abdusaid KO'CHIMOV
Sirojiddin SAYYID
Alisher NAZAR
O'rozboy ABDURAHMONOV

Sahifalovchi: Saodat RUSTAMOVA

Ushbu son "Yoshlik" jurnali tahririyatining kompyuter markazida sahifalandi.

Manzilimiz:
Toshkent. sh.
O'zbekiston shohko'chasi, 16-a" uy.
E-mail: yoshlik-xatlar@rambler.ru
Tel/faxc: (8371) 227-0-227,
245-5-793, 245-0-552



© "Yoshlik" № 7/8 (259) 2012-y.

O'zbekiston Yozuvchilar uyushmasi,
"Kamolot" yoshlar ijtimoiy harakati muassisligidagi
yoshlarning adabiy-ijtimoiy jurnali
1982-yildan chiqsa boshlagan.

MUNDARIJA

MINBAR

Alisher NAZAR. Ko'ngil ehtiyoji. 2

ADIB XONADONIDA

Farida AFRO'Z. Mangu ibodatgoh. 4

NASR

Nurulloh MUHAMMAD RAUFXON. Oddiy haqiqat. Hikoya. 9

Hamroxon MUSURMONOVA. Ikki hikoya. 20

Xoliyor SAFAROV. Bahor ifori. Hikoya. 28

Abdujalol RAHIMOV. Odamlar. Fantastik hikoya. 34

Xolmuhammad KARIMIY. Yong'oqqa tushgan qurt. Hikoya. 48

Gulnoza ERNAZAROVA. Olmalar. Hikoya. 56

NAZM

Behzod FAZLIDDIN. Ko'ningldan o'zgaga quloq solmagin. 18

Ahmadjon YO'LDSOSH. Ko'zlarimning nuri erur xoki poying. 25

Abdug'an SULAYMON. Umr bu – vaqtinchalik berilgan imkon. 32

Abdug'afur MAMATOV. Mahzun kechalarning yaldosi bo'ldim. 33

Nargiza ASAD. Bahor seni suyganligi rost. 45

TADQIQOT

Qozoqboy YO'LDSOSH. Tog' to'shida yotar suruv. 15

Dilobod KARIMOVA. Satira sehri. 38

MUTOLAA

Bahrom RO'ZIMUHAMMAD. Tasvir jilolari. 26

JAHON HIKOYACHILIGI

Rosemary BORDER. Pianino. Hikoya. 40

BIRINCHI UCHRASHUV

Alisher TURSUNOV. Xayolingga tomchidek tomsam. 37

Sitora BOYMURODOVA. Go'zal bu makonga lol qolar jahon. 47

Ma'rifik TEMURZODA. Raqsga tushar yashil shamollar. 53

Sirojiddin ROBIDOV. Vasling sog'inchi. 55

Shahnoza SHAMSIDDINOVA. Qaltilis sinov. Jajji hikoya. 62

MEROS

Madina EGAMBERDIYEVA. Hayot qo'shig'i. 46

MULOHAZA

Zarina RAHMONOVA. Fojialarni ko'rsatuvchi ko'zgu. 54

ADABIYOTSHUNOSLIK

Shahribonu DAVRONOVA. Badiiy asarda buyuk inson siyomasi. 60

YELPUG'ICH

Nasiba ABDULLAYEVA. Begona gov mish. Hajviya. 63

Bosishga 24. 08. 2012 yilda ruxsat berildi. Qog'oz formati 60x84 1/8. Nashriyot hisob tobog'i 8,7. Indeks 822.
ISSN 0207-9137. Jurnal 2007 yil 4 mayda Matbuot va Axborot agentligi tomonidan № 0253 raqami bilan ro'yxatga olingan.
Jurnaldan ko'chirib bosilganda "Yoshlik" dan olindi" deb izohlanishi shart.
"O'qituvchi" NMIU bosmaxonasida chop etildi. Buyurtma № 129-12. Adadi 5100 dona.
Toshkent shahri, Yunusobod tumani, Yangishahar ko'chasi, 1-uy.



Алишер НАЗАР



ҚҮНГИЛ ЭХТИЁЖИ

Бугун шонли тарихимизга назар ташлар эканмиз, ғарип ва паришен кунлар орасида кўнглимизни тоғдек кўтарадиган замонлар аксини ҳам кўрамиз. Дунё ахлига муаллим бўлган, бугунги замонавий илм-фаннынг таъмал тошини қўйган, соф инсоний маданият таълимотини яратган улуғларимиз, юртнинг шаъну шавкатини юксалтирган жаҳонгирлар, фотихлар кўз ўнгимида бир-бир намоён бўлади. Тарих қатидаги бу нурли кунлардан кўнглимизга ғурур ва ифтихор ҳислари кўчади.

Инсоният тарихи давомида қўлга киритилган бу ютуқ ва муваффақиятларнинг бир сири бор эди. Бу – аждодларимиз ғоясининг манбаи имон эди. Улар ўзига боғланганларни ботқоқликдан тортиб чиқарадиган халоскор риштани, инсон ақли ўйлаб топган ҳар қандай ...изм-пизимлардан устун бир ҳаёт низомини тўғри топган эдилар. Бу низомнинг ҳар бир жумласида инсон ҳақлари, ватан ва миллат манфаати муҳофаза қилинганди. Бу ғоя ўчирмоқчи бўлиб пуфлаганинг сайин яна-да ловуллаб ёнадиган бир олов эди. Унда миллний ва диний, руҳий ва жисмоний, моддий ва маънавий ҳаёт изчиллик билан қамраб олинганди. Мана шу дастуриламал миллатимизни тараққиёт пиллапояларидан дунё саҳнасига олиб чиқди. Бугун ҳамма жойда – Осиёда, Африкада, Европа ва Америкада ана шу тараққиётнинг нишоналарини кўришимиз мумкин. Ахир бугун Ибн Сино деса ким танимайди? Ал-Хоразмий бўлмаганда инсоният яна қанча вақт саноқдан адашиб юришини бугун ҳеч ким билмайди. Замахшарий бўлмаганда араблар ўзларининг грамматикасини ўзлаштиrolmasliklарини бот-бот тан оладилар. Аммо бир аламли жойи бор: гарчи бугунги тараққиёт дараҳтининг илдизлари бизнинг заминда бўлса-да, бошқа ўлкаларда мева берди. Бунга ҳеч ким айбор эмас, ҳаммасига ўзимиз айбормиз. Асрлар ўтиши билан асл маслақдан узоклашиш бошланди. Кишилар бир-бирларининг ҳақларига риоя қилмай қўйдилар. Маънавий хасталик бошланди. Жоҳиллар жасур бўла бошлади. Бу

эсадушманларимиз учун айни муддао эди. Улар бизни ўзимиздан ҳам яхши билишарди. Куч-кудратимиз ва маънавиятимизнинг асл манбаи уларга жуда яхши маълум эди. Шунинг учун ҳам улар даставвал эътиқодимизга ҳужум қилишди. Имонимизни заифлаштириб, бизни руҳан чўқтиришга бошлади. Улар бизнинг дин ва имон атрофидаги жисплигимизни парчалашни, кудратимизни заифлаштиришни, азму шижоатимизни синдиришни, асл мақсадимиздан оғдиришни, йўлдан озиб, бекорчи нарсалар билан овунишимизни хоҳладилар. Уларнинг хоҳишлиари амалга ошди. Имон заифлашди. Оммавий поҳаслик ва лоқайдлик бошланди.

Тарихни варақлаймиз... “XIX аср ўрталарида бошланган рус истилоси пайтида нафақат аҳолиси қаршилик кўрсатган шаҳар ва қишлоқлар, балки масжид ва мадрасалар ҳам тўпга тутилди. Чор ҳокимиятидан кейин тарих саҳнасига чиқиб, ер юзининг олтидан бир қисмини идора қилган большевиклар эса шу ваҳшийликни ўзларига хос изчиллик билан давом эттириб, меъморий ҳамда диний-маърифий обидаларни вайронага айлантиридилар”.

“1873 йилнинг 29 май куни босқинчиларнинг ҳарбий юришлар ва қирғинбаротлар оловида тобланган кўпсонли қўшинлари хонлик пойтахти Хива қальясига бостириб кирди, муқаддас жойларни оёқости қилди, асосий зарба диний ва миллний қадриятларга қаратилди”.

Ушанда Хива қальясига 40 дан ортиқ замбаракдан масжид-мадрасаларга, мақбара ва минораларга қаратса тўп отилган. Шаҳарнинг айни кунларда ҳам кишининг ақлини шошириб қўядиган даражадаги салобатли Жума масжиди тўпга тутилаётган пайтда масжид минорасида аzon овози янграётган экан. Бу – кўнгилга тажовуз эди. Зоро, асл қудрат кўнгилдадир.

Нима бўлганда ҳам бизнинг миллний маслакларимиз, орзуларимиз парчаланиб кетди. Душманлар ичимиздаги ғоғиллардан унумли фойдаландилар. Уларга бири-биридан хатарли имтиёзлар



беришди. Замонлар келди, бу “имтиёзли”лар миллатимиз эътиқодини бутунлай йўқотиш йўлида қўп қаҳрамонликлар кўрсатиши. “Худони кўрсат, отаман!”, деб осмонга ўқ узган бадбаҳтлар ҳам шулар эди. “Камсомол камсомолга ҳалол”, деб никоҳсиз оиласалар барпо қилгандар, отасига жаноза ўқиганни сазойи қилгандар ҳам шулар эди.

Отам ҳикоя қиласди: “Буғдой ўрими авжига чиқкан кунлар эди. Моҳи Рамазон бошланиб қолди. Саратон иссиғи ёндираман дейди. Айни кун тиккага келган пайтда узоқдан раиснинг машинаси кўринди. Комбайннинг соясида гурунглашиб ўтирган йигирма чоғлик ўримчилар бирдан хушёр тортдик. Машина рўпарамизга келиб тўхтаб, раис билан яна икки нафар шляпали нусха тушди. Келгандар билан бир-бир кўл бериб қўришдик.

– Ким рўза тутган? – деди шляпалардан бири қовоғини солиб.

Раиснинг ишораси билан “ҳеч ким” деб бош ирғадик биз ўримчилар. Шунда шляпанинг иккинчиси сояда турган кўзачани олди-да, ёнида турган шофёрга узатди.

– Қани, бошла!

Шоғёр ҳаммага бир-бир сув ичира бошлади. Ичимизда тўрт-беш нафар рўздорлар бор эди. Азбаройи қўрқанидан улар ҳам ичиб юборишиди.

– Энди раисга бер! – деди шляпалардан бири. – Раис бува, узр энди, биласиз, бу партия топшириғи!

Раиснинг ранги қув учди. Раис асли илм-маърифатли кишиларнинг зурриёди эди. Биз яхши билардик, у киши ҳеч қачон рўзани тарк қилмасди. Раиснинг кўллари титраб шоғёри узатган кўзачани олди. Унинг кўзларидаги гилт-гилт ёшни ҳаммамиз кўриб турардик. Раис кўзачадан бир қултум сув ичди-да, индамай машинага кириб ўтириди”.

Не ажабки, бу “шляпалар” ҳам ўзимизники эди. Улар ўз ичимиздан мафкуравий, эътиқодий ва маданий курашлар учун танлаб олинган қуллар эди. Аммо тарих гувоҳ: эзгуликни енгиг бўлмайди! Ўша раиснинг кўз ёшлари беҳуда кетмади. Бир аср аввал Хивадаги Жума масжидида, оловлар халқасидан чиқиб кўкка ўрлаган нидо Яратган зотга етиб борди. Муҳташам тарих зарварақларида яна нурафшон кунларимиз кўрина бошлади.

Ҳа, озодлик тасодифлар маҳсули эмас. Негаки, мўйсафид тарих саҳифасининг қайси қаторида озодлик ҳақида ёзилган бўлса, албатта унинг давомида курашлар ва қурбонлар ҳақида ҳам ёзилган. Ҳуррият ҳеч кимга, ҳеч қачон, ҳеч қаерда совға қилинган эмас.

Истиқлолга эришгач, биз яна эртанги кунимиз равнақини тикланажак тарих тимсолида кўрдик. Не тонгки, бу йўлдаги саъи-ҳаракатларимиз бугун ўз самарасини беряпти. Дунё машҳурларидан бири: “Агар ғафлатда ётган халқни уйғотмоқчи бўлсанг, даставвал унинг тарихини уйғотгин”, деган эди. Бугун тарих уйғонди. Унинг чанг босган саҳифаларида боболаримиз шижоати ҳам қўшилиб уйғонди.

Ана шу шижоат бугун бизнинг қалбларимизга-да, билакларимизга-да кўчяпти.

Бироқ бир ҳақиқатни унумаслигимиз керак: ҳали уруш тугагани йўқ. Бўйсундириш шоуси ҳамон давом этмоқда. Бу “катта ўйин”нинг услублари ўзгарган, холос.

Бу шундай услубки, бирорнинг ватанига қурол кўтариб бориш шарт эмас. Чингизхондек лак-лак че-рик тўглаш ҳам шарт эмас. Энди босқинчиллик шинамгина хоналарда ўтириб амалга оширилмоқда. Бутун бошли миллатларни йўқ қилиш, динидан, тарихидан, маданиятидан ажратиш, беҳуда ва бекорчи нарсалар учун миллиардлаб кредитлар ажратиш ва провардида иқтисодий қарам қилиш сингари маккор ўйинлар авжига чиқмоқда.

Бу шундай услубки, улар бири-биридан жозибали шиорларни ўртага ташлайдилар. Гарчи ўзлари амал қилмасалар-да инсон хуқуқлари ва демократия ҳақида оғиз йиртадилар. Улар авратларини бор бўйига очиб юришни демократия, эркак билан эркакнинг никоҳдан ўтишини инсон хуқуқлари дейдилар. Ана шундай чиркин қутқу билан ўзларига маҳлиё қилмоқчи бўлишади.

Буларнинг ҳаммаси том маънода инсон қалбига тажовуздир. Инсон қалбини бўйсундириш унинг ватанини бўйсундиришдир. Ўз тарихидан, динидан, маданиятидан ажралган инсондан-да хатарлироқ қурол бўлмайди. Бугунги “ўйин”ларнинг энг ташвишли жойи ҳам шунда. Бу ҳақда Президентимиз “Юксак маънавият – енгилмас куч” асарида ёзадилар: “Биз ҳалқимизнинг дунёда ҳеч кимдан кам бўлмаслиги, фарзандларимизнинг биздан кўра кучли, билимли, доно ва албатта баҳтли бўлиб яшashi учун бор куч ва имкониятларимизни сафарбар этаётган эканмиз, бу борада маънавий тарбия масаласи, ҳеч шубҳасиз, бекёс аҳамият касб этади. Агар биз бу масалада ҳушёрлик ва сезигрлигимизни, қатъият ва масъулиятимизни йўқотсақ, бу ўта муҳим ишни ўз ҳолига, ўзибўларчиликка ташлаб қўядиган бўлсак, муқаддас қадрияларимизга йўғрилган ва улардан озиқланган маънавиятимиздан, тарихий хотирамиздан айрилиб, охир-оқибатда ўзимиз интилган умумбашарий тараққиёт йўлидан четга чиқиб қолишимиз мумкин”.

Дарвоқе, биз ҳар доим мустақиллик ҳақида гапирада ҳамма тушунчалардан юксакда туради. Дунёдаги мұқаддасликларнинг энг аввали ҳам озодликдир. Ҳеч йўлаб кўрганмисиз, дунёда нимаики муқаддас бўлса, у ҳимояга муҳтоҷ. Модомики, шу мұқаддасликдан баҳраманд бўлишни истар эканмиз, уни ҳар ким ўз сўзи ва амали билан ҳимоя қилишга мажбурдир.



Фарида АФРЎЗ

МАНГУ ИБОДАТГОҲ

Ҳақиқий ижодкор адабиётга эмас, адабий бир шавқ ижодкорнинг қонига кириб келгачгина сўзининг таъсирига тушади. У энди ўз хаёлларини ато қилинган сўз қудратига таслим қиласди. Ёхуд ато қилинган илоҳий қудратнинг ўзи уни бошқара бошлади.

Бир учлигимда: “Ижод – йўргақдан аввал теккан даррдир”, дегандим.

Дарҳақиқат, Яратгувчи сўз ошиғига у ҳали бу дунёга келмай турибоқ “шоир” дея тақдири азалга рақам чекади. Бу гап қанчалик баландпарвоз туюлмасин, адабиёт ҳақидаги ўй-тушунчаларнинг негизи шунга бориб тақалади.

Сўз, шеър, шавқ. Шоир мана шу уччала қудрат билан тирик. Ўз сўзи фақат ўзиники бўлган СЎЗ эгаларигина – ШОИР.

Шеър – фақат ўз ҳоли билан, ўзининг ташбиҳлари билан оқиб келадиган пўртана оқим.

Шавқ – бу неъмат. У тилаб олинмайди, талаб қилиб ҳам. Шавқ ато этилади, яъни чинакам шоирга шавқ шавқларнинг яратгувчиси томонидан илтифот қилинади. Бу уччала бирлик шоирнинг “мен”ини ташкил этиб беради.

Тўғрисини айтсам, шеърият қалбимга қачон кириб келганини эсполмайман. Ақлимни танибманки гулларга қарабми, сувларга қарабми, нималардир деб, оддий одамий тил билан эмас, ҳайратим тилида қофияли сўзлаб юрардим. Буни сезган ота-онам, ўртоқларим: “Шеър айтаяпсанми? Ўзинг ёздингми? Қаердан ўргандинг?” каби саволларга кўмиб ташлардилар. Илк ҳайратимни эсласам – катта ҳовлимиз этагидаги ариқда қалқиб-қалқиб оқадиган сап-сариқ бехилар ёдимга тушади. Мен бу ҳақда кўп-кўп шеърлар ёздим.

Биринчи шеъримни 5-синфда ўқиб юрган кезларимда ёздим. Бир неча кунлик тайёргарликдан кейин кўрқа-писа, минг ҳадик ила адабиёт ўқитувчимиз кўлларига тутқаздим. Ўқитувчим ўқиб кўриб, қувониб кетди. Мана шу қувонч менга умид ва ишонч берди. Шундан кейин мактабдаги йиғинларда менга шеър ўқитиб, ўзлари фахрланадиган бўлдилар. Бу эса мен-

га куч берар ва ўз навбатида масъулият юкларди. Бора-бора бинойидай мактабнинг машҳур “шоира” часига айланиб қолдим.

Кейинчалик Қўқон шаҳрида мактаблараро ўтказилидиган кўрик-танловларда, турли тадбирлар ва олимпиадаларда шеърий чиқишлиларим билан иштирок эта бошладим.

Биринчи шеърим ўша кезлари “Ленин учқуни” газетасида босилиб чиқди.

Бешинчи синфа ўтганимизда Олияхон Иброҳимова деган қаттиқўл ўқитувчи бизга она тили ва адабиёти фанидан дарс бера бошлади. Муаллимамиз салоҳияти юксак, жуда чуқур билим эгаси эдилар. Унинг ғоятда жиддий сиймоси қаршисида ҳайратдан қотиб ўтирадик. Олияхон опанинг шарофати билан мактабимиздан жуда кўп адабиётчилар, журналистлар этишиб чиқди. Кейинчалик ўзим ҳам мактабда дарс бера бошлаганимда англадимки, ўқитувчим билимими нафақат қулогимга, балки юрагимга ҳам қўйган эканлар. Ўз фаолиятимда устозимнинг дарс услубларига таяндим.

Шу ўринда яна бир устозим ҳақида тўхталиб ўтмасам бўлмас. Мен бу сирли-синоатли адабий майдонга кирибманки, бирор кун ҳам шоир Рауф Парфининг ижодисиз яшолганим йўқ.

Эсимда, мактабни битирап вақтларимиз... Орзулар оғушида осмонларда учеб юрадиган пайтлар... Шундай кунларнинг бирида Рауф Парфининг “Тасвир” деб номланган китоби кўлимга тушди. Чамамда 1973 йили эди. Бу китоб мени мутлақ сеҳрлаб қўйди. Туну кун мана шу шеърлар ичра яшай бошладим. Мисраларга тизилган ташбиҳлардаги туб маъно силсила pari, тасвирнинг ёрқин ва тиниқлиги, руҳнинг озодлиги, тафаккурнинг бепоёнлиги ва айниқса, жон ва руҳнинг бемуроса жанглари мени тинч қўймас эди.

Фикрнинг замзамалари онгимни, тафаккуримни, шууримни остин-устун қилиб юборди. Наҳотки, инсон заковати шундай қудратга эга, унинг тасаввури шу қадар беқиёс! Оддий, ҳамма биладиган, ҳар куни иш-

латадиган сўзлардан шунчалар мўъжиза яратиш мумкин экан-да, деб ўйлайман. Ичим ёнади, томирларимда ҳайратлар туғён уради. Унга ўхашашлик, унга ўхшаб ёзиш иштиёқи тинчлик бермайди.

Табиийки, бундай ҳолатларда шоирнинг шахсиятига қизиқиш кучаяди, уни бир бора бўлса ҳам кўриш, икки оғиз сухбат, етти оламни жамлай олган кўзларига боқиш, қалам ушлаган бармоқларини томоша қилиш иштиёқи ҳар қандай муҳлиснинг қалбида жунбушга келиши тайин. Мен илк марта устознинг ижоди билан рўбарў келганимда ана шундай аҳволга тушганиман. Ва ҳар доим устозга ўхшаб фикрлашга, ёзишга ҳаракат қилдим. Бу ишни қанчалик уddyаладим, буёғи шеърхонга маълум.

Илк китобим “Қирқокиллигим” деб номланади. Ўша пайтда “Ғафур Ғулом номидаги адабиёт ва санъати нашриёти”нинг шеърият бўлими бошлиги шоир Шавкат Раҳмон эди. Азим Суюн ҳамда Муҳаммад Юсуфлар муҳаррир бўлиб ишлардилар. Китоб чиқариш учун ана шундай забардаст, қаттиқўл ижодкорларнинг ғалвиридан ўтишинг керак бўлар эди.

Бир куни ушбу нашриётда “Биринчи китоб” рукнида “Осмон шундай яқин” номли тўплам китоб тайёрланаётганини эшилдик. Мен ҳам кўлёзмаларимни топширдим. Ўшанда ўз ижодларини тақдим қилган 72 нафар ёш ижодкорларнинг ичидан 17 киши танлаб олинди. “Танланган”лар ичida мен ҳам бор эдим.

Аслида ижодкорнинг ўзидан кўнгли тўлган куни бўлмайди. Чунки, ижод дегани бу тинимсиз изланиш деганидир. Изланишда бўлган одам эса ҳеч қачон ўзидан қониқмайди.

Адабиётсиз жамият бўлмайди. Адабиётнинг ўзи мангу ибодатгоҳидир. Қолаверса, ҳақиқий ижодкор фақатгина сўзнинг олдида бош эгади. Адабиётдай илоҳий майдонни майда, бачканга гаплар билан алдаш, бу – сўзга хиёнат қилиш демакдир. Хиёнат эса ҳамма замонларда ҳам кечирилмаган. Нодирабегимнинг жаҳолат кундасига қўйилган азиз боши олдида, Қодирий ҳазратларининг мунаvvар руҳлари олдида, Чўлпон ва Усмон Носирлар сажда қилиб кетган сўз меҳроби олдида фақат ва фақат рост айтиш керак. Кулсанг кулгуларинг, йиғласанг-йиғиларинг рост бўлиши, фақат ўзингники бўлиши керак.

Аслида адабиётнинг миллати бўлмайди, аммо адабиёт миллатнинг дунёда борлигини кўрсатадиган ҳаёт ойнасидир. Индаллосини айтганда, ҳақиқий ижодкорнинг на миллати ва на ёши бўлади. Ижодкорнинг

чин ва соҳтаси бор, холос. Буни ажратиб олиш учун ўқувчининг дидини тарбиялайдиган холис танқидчилик омон бўлса, бу ҳам муаммо бўлмайди.

Дарҳақиқат, менинг ижодимда муҳим ўрин эгалаган Қўқон шаҳридаги “Ниҳол” адабий тўгараги ҳақида айтиб ўтсан. Бу тўгаракни бизнинг давримизда раҳматли Ҳабибулло Сайд Ғани бошқарар эди. Шу тўгарак фаолияти, ундаги адабий муҳит бугун ҳам юрагимни орзиқтиради. Анвар Юнус, Комил Жўра, Азимжон Азизов, Дилбар Ҳамзахўжаева, Носир Зоҳид, Мақсуда Эгамбердиева, Абдулатиф Турдиалиев сингари ижодкорлар шу тўгаракнинг ижодий муҳитидан баҳраманд бўлганлар. Назаримда, бугун шу сингари тўгараклар ва улардаги устоз-шогирдлик анъаналарига путур етгандек. Устозларга бўлган ёхтиром қайсири маънода “лат” егандек...

Мен бугунги ёшлардаги шижоат, ўзига ишонч ва қатъиятни қадрлайман, ҳатто ҳавас қиласман. Аммо... ушбу шаддодлик назаримда ўз ижобий моҳиятини йўқотиб, сурбетликка яқинлашиб кетаётгандек. Бизнинг давримизда шеър ёзиш, уни чоп этиш ва китоб чиқаришнинг ўз маънавий мезонлари бўлар эди. Қалбимиздан жой олган сатрлари илиа ихлосимизни қозонган шоирлар билан ҳаётда юзма-юз келганда ҳатто ўзимизни йўқотиб қўяр даражада ҳаяжонланар эдик. Уларга нисбатан одобсизлик бўлмаслиги учун тиришардик. Устозларнинг назарига тушиш биз учун мўъжиза эди. Афсус, бугуннинг ёшлари ҳали устозлар олдида полапон бўла туриб, учирма бўлишга улгурмасдан назардан қолмоқдалар. Ва энг ачинарлиси, назардан қолишдан асло қўрқмаятилар ҳам. Навоий кўчаси, 30-ўйда жойлашган нашриётларнинг ҳар бир зинасидан минг бир ҳаяжон ва ҳадик билан тўхтаб, ўйлаб чиқар эдик. Устозлар бор даврада шеър ўқиш буюк имтиҳондан ўтиш билан баробар эди. Чунки устозга бўлган ёхтиром, устоздан шогирдга етадиган файзи-футуҳ, устознинг розилиги, бу ҳеч нарса билан алмашиб бўлмайдиган маънавий хазинадир.

Яна шу ўринда юрагимни оғриқка соглан бир мавзуни айтиб ўтмасам бўлмас. Ёшларимизнинг сўзга бўлган эътиборсизлиги, илоҳий, юки оғир сўзларни беписанд ишлатаётганини кўриб чўчиб кетаман. Ажабо, “ўлим”, “faccoll”, “ажал”, “кафанд”, “тобут”, “қабр” “мозор” сингари сўзлар айрим ёшлар учун bemalol айтса бўладиган оддий жумлаларга, сўзбозлик, шаклбозликка айланди.

Мен бу маҳмадоналик, назмбозлик ортида қандай фожиалар ётажагини ўз ҳаётим давомида бир неча бор гувоҳи бўлдим. “Отам мени кўмар эҳтимол”, деган Муҳаммад Юсуфнинг доғи, “Мен шубҳасиз парчаланаман”, дея ўз тақдиридан башорат қилган Шавкат Раҳмоннинг тақдири, Аъзам Ўқтамнинг “Битта мен йўқ бўлсан не бўпти ахир, Ўзбекнинг камайиб қолмас шоири”, деган сатрлари уларнинг тақдирини белгилаб бермадими?

Бир файласуф “ўйлашдан аввал, ўйла!” деб бејиз айтмаган. Аммо сўзлаб туриб ҳам ўйламайдиган, ўйламай туриб: “Қарға мени, отажон, қарғаб ажалимни чақириб бергин”, деб ёзаётган ёш қаламкашларнинг эртангни куни учун ваҳимага тушасан. Яқинда бир қизалоқнинг “шеър менинг гуноҳим”, деган сатрини эшишиб танбеҳ бердим. Негаки, бугуннинг ёшлари улар яратаеттган асарлар олдида биз кечаги авлод ҳам масъулмиз. Чунки ижод ахлининг бир-бирига бегонаси



йўқ. Қолаверса, жумлаи инсоният шайх Саъдий айтгандаридек: “Аъзои яқдегаранд”.

Менинг “Эҳтимол, бир сўзниң тифи – тақдирдир” деган сатрларим бу менинг шаклним эмас, балки мазмунимдир. Мазмун эса тамомила қалбникидир. Қалб эса бу эзгу туйғуларнинг салтанатидир. Шундай экан, қалбимизни, гўзал туйғуларимизни ўқувчиларимизга гўзал ҳолатда етказайлик. Уларга ёруғ кайфиятлар улашайлик. Ёзганларимизни ўқиганлар саратоннинг иссиғида бир ҳовуч сув хўплагандек яйрасинлар. Ҳар қандай шаклбозлик, назмбозлик, маҳмадоналик бизнинг қонимизга, қадриятларимизга ётдир.

Шу ўринда яна бир нарсани айтмоқчи эдим. Қадим замонлардан бошлаб то яқин кунларгача шоирларнинг бир-бирига шеърий мактуб ёзиш анъаналари бўлган. Жумладан, Увайсийнинг Нодирага, Фурқатнинг Муқимийга, Собир Абдулланинг Чархий, Ҳабибий домлаларга ёзган мактублари... Бу мактублар ижодкорни ўзига хос ижодий мунозарага чорлаганлиги билан одамни соғинтиради.

Оилам ҳақида шуни айтишим керакки, мен бу борада ниҳоятда баҳтлиман. Адабиётни, сўзни қадрлаган хонадонда дунёга келдим. Менинг қонимдаги шеър завқи отамнинг “оқ билак ойим анжонлик” термасини дутор чалиб, мароқ билан хиргойи қилишларидан бошлангандир, эҳтимол. Ёзмишларимнинг ҳалқоналиги, ҳалқ оҳангларига ҳамоҳанглигига отамнинг ҳиссаси бор. Бир умр раҳбарлик лавозимларининг масъулиятили ишларидан ортиб, биз болалари юрагига адабиёт ва санъат дунёсига муҳаббат чўғини сопаолган отамнинг самимий ва ўқтам чехраларини, завқ ва ҳайрат омухталашган дилбар қалбини кўраман. Аммо руҳимда тасаввуф ва унга мойилликни туйганимда, онамнинг мунис, маъсум тароват балқиган нурли сиймолари менга илҳом бахш этаётгандек туюлади. Дарвоҷе, онам ҳақларида қалбимда қолган азиз хотираларимнинг барчасида онамнинг ошиқ қалблари, ундаги битмас-туғанмас ихлос порлаб турди. Онам ҳақиқий ошиқ қалб соҳибаси эдилар. Бу ошиқлик Машрабнинг қиссаларини ўқиганда, Ғавсул Аъзам ҳазратларининг тазкиралари айтилганда янада аён бўларди. Бу ошиқлик тақдиди азалнинг ногаҳоний



зарбаларига йўлиқкан маҳалларида рўй-рост бўй кўрсатар, Яратганга бўлган бемисл ишқи туфайли онам ҳар қандай фожиани чидаб бўлмас бир таслимлик билан қаршилар эдилар. Ҳатто, 19 га кирган опамини ваҳшйларча ўлдиришганида ҳам, ундан олти ой ўтиб етти ёшлик укамнинг фожиали ўлимида ҳам, соchlарини юлиб фарёд кўтариш ўрнига бу қисматни ич-ичдан нураб туриб, чинакам сабр билан кутиб олганди. Онам ҳаётда ҳар қандай ёмон вазиятдан ҳам ўқтамлик билан чиқиб кета олишдек буюк сабоқни менга мерос қилиб қолдиргандар. Онамнинг “Маҳлуқидан шикоят, Холиқидан шикоятдир”, деган нақллари менга ҳеч қачон, ҳеч нарсадан нолимасликни ўргатган. Руҳимдаги ошиқлик кайфияти сўзга, шеърга, ҳаётга, яшаш ва яшнатишга ошиқлик менга онамдан қолган буюк мерос, туганмас хазинадир. Қолганлари эса ҳаёт берган сабоқлардир.

Фарзандларимга келсак, бир учлигимда “Эй нодон, боланг айтганингни эмас, қилганингни қиласи”, деб таъкидлаганимдек, санъаткорнинг боласи санъаткор, хунарманднинг боласи хунарманд бўлади, чунки улар ота-онасининг қилганини қиласи. Шоир эса айтади, шунинг учун шоирнинг фарзанди шоир бўлмайди. Аммо фарзандларим шеър ёзмасалар-да, қалбларининг маъсумлиги ҳаётларини тарбият қилиб туради.

ШОИРА ҲАҚИДА

Фарида Афрӯз (Бўйтаева Фарида) – 1956 йил 5 марта Кўқон шаҳрида туғилган. 1994 йилдан бўён Ўзбекистон Ёзувлар ююмаси аъзоси. Унинг «Қирқокиллигим», «Изтироб кўйлаги», «Тунлар исёни», «Кўзим маним...», «Қурбонжон доддоҳоҳ» тарихий драмаси, «Ўзимдан ўзимгача», «Пока есть на земле разлука...», «От Фариды Афруз» (Москва), «Гун айдин» (Истамбул), «Ушиоқ», «Тасбих», «Ўша кун – бугундир» сингари шеърий тўпламлари чоп этилган. Шеърлари рус, турк, инглиз, немис, француз, форс, уйғур, озор, гагоуз, хитой, корейс тилларига таржима қилинган.

Ўз наебатида шоира жаҳон адабиётидан япон ҳайкуларини, турк шеъриятидан Мустафо Отатурк, Зиё Кўкалп, Ҳусайн Отсиз, Догларжа, Исмат Ўзал шеърларини, форс шеъриятидан Мехри Ҳиротий ҳамда замонавий форс шеъриятидан Заҳро Абул Ҳусайнӣ, Судоба, Соя Кабирий ғазалларини, замонавий қозок ва қорақалпок шеъриятидан ва америкалик руҳшунос Дейл Карнеги асарларини ўзбек тилига таржима қилган.

Фарида Афрӯз ҳозир «Афрӯз рекордс» овоз ёзиш студиясининг бош директори лавозимида ишламоқда.

Оилали, уч фарзанди бор.



Фарида АФРҮЗ

Ҷрагим ҳапқираС - согинчга тўла

* * *

Согиниб келасан ёнимга,
Кетасан, яна ҳам согиниб...
Йўлингга термулиб яшайман,
Мен гариб, мен гариб, мен гариб.

Согиниб ёзасан мактублар,
Ўқийсан, жавобим согиниб...
Йўлингга кўз тикиб яшайман,
Рангларим саргариб, саргариб.

Согиниб, тиз чўкиб пойимга,
Термулиб кўзимга – согиниб...
Шу йўсин армонга бўй бермай,
Яшаймиз сен голиб, мен голиб –
СОГИНИБ...

* * *

Бугун мен чироили бўлишиим керак,
Ҳаммадан гўзалу ҳаммадан кўркам.
Аллоҳим, бир кунга шавқимни қайтар,
Бахтим юзин кўрай, бир бора мен ҳам –
Бугун мен,
уни кўраман.

Атиргул, кўйлагинг бериб тур менга,
Сочларим тўзгитма эй, дайди шамол.
Аллоҳим, бир кунга ҳусн ато эт,
Ой, нуринг қизганма, бўлай ойжамол –
Бугун мен,
уни кўраман.



Ҷрагим ҳапқираС – согинчга тўла,
Кушлар, чуғурлашма, насиҳат сиғмас.
Аллоҳим, бир кунга олов қил мени,
Кўксимга бош қўйсин, қуёши қил, сўнмас –
Бугун мен
уни кўраман.

Жаранглаб очилсин, сир сандиқлари,
Шарқираб тоисин-ей, эҳтирос-дарё.
Аллоҳим, бир кунга девона қилгин,
Ғамларинг унутгил, кулиб тур дунё –
Бугун мен
уни кўраман.

О, сен, ишқ, муҳаббат, жунунваши туйгу,
Шижсаот, самовий парвозга шайлан.
Аллоҳим, бир кунга ақлимни олгин,
Бир кун яшаб келай, шу кўнгил билан –
Бугун мен
уни кўраман.

* * *

Ҷрагим, санчима, оғрима,
Бўлар иши бўларкан, бизсиз ҳам.
Иштирок этмоқлик шарт эмас,
Тўлинай тўларкан, тунсиз ҳам.

Азалдан тақдирлар битилган,
Биз эса мисоли қўғирчоқ.
Ўзмоқчи бўламиз вақтдан ҳам,
Ёнамиз, куямиз – шамчироқ.

Кўнглимиш билади, сезади,
Лек ақл тақаббур, мустасно.
Хаёлниңг чўллари бепоён,
Орзунинг боғлари таманно.

Юрагим йиғлама, ўртанима,
Вужудим, руҳимга султонсан,
Сен борсан, қувонч бор, изтироб,
Сен алам, армонга ватансан.

Юрагим, санчима, оғрима,
Бўлар иши бўларкан, бизсиз ҳам.

* * *

Нима қилиб қўйдинг мени,
Мисли наққош ўйдинг мени,
Сеҳргарим, о, муҳаббат,
Мендан ортиқ суйдинг мени.
Нима қилиб қўйдинг мени,

Юрагимга бир ўт тушибди,
Хаёлларим қушдай учди,
Сеҳргарим, о, муҳаббат,
Қадим тоғлар, қоя кўчди...
Юрагимга бир ўт тушибди.

Ишқим билан кўксим ёрай,
Шароб беринг, оҳ, сипкорай,
Сеҳргарим, о, муҳаббат,
Кеч кузимда бир кўкарай,
Ишқим билан кўксим ёрай,

Энди гамлар гарддай учар,
Кўзим дунё рангин ичар,
Сеҳргарим, о, муҳаббат,
Энди мени баҳтлар қучар,
Энди мени баҳтлар қучар....

* * *

Тун...
Ёмғир..
Сеҳрли кечада...
Курбақалар мисоли ҳофиз...
Жўровоз куилар....



Тун...
Ёмғир..
Сеҳрли кечада...
Иссиқ бағир...
Қайноқ бўса,
Лабни куйдирадар...

Тун...
Ёмғир..
Сеҳрли кечада...
Юрак чопар мисли чавандоз,
Қон кўтирадар, томирга сиғмас,
Эврилишлар гўзал, бепардоз.

Тонг...
Куёши..
Сеҳрли саҳар...
Ёмғир тинар, тинар эҳтирос,
Эриниб уйғонар тўхтаб қолган вақт...

* * *

Қуриётган дарахтнинг шохларига гул битди,
Қушлар келиб сайради, қоқ ёғочга тил битди,
Сенсиз яшаб бўлмайди,
сенсиз энди куним йўқ,
Ҳар пўстлогин қатига муҳаббатим – дил битди.



Хаёлларинг шавқидан тўлиб-тошиб яшайман,
Ўша мағрур бошингга бағрим босиб яшайман,
Сенсиз яшаб бўлмайди,
сенсиз энди куним йўқ,
Келар йўлинг пойига жоним тўшаб яшайман.

Шамол елар бетиним, жимирилайди япроқлар,
Ёмғир ёққан саҳродай, ҳузур қилар тупроқлар,
Сенсиз яшаб бўлмайди,
сенсиз энди куним йўқ,
Минг бор оташ ўтида куйдиради титроқлар.

Энди сенинг бўйнингда билакларим гуллайди,
Белларимга чирмасиб, гул пеҷаклар бўйлайди,
Сенсиз яшаб бўлмайди,
сенсиз энди куним йўқ,
Бўлмайди, ҳеъ, бўлмайди, сенсиз яшаб бўлмайди!



Нуруллоҳ МУҲАММАД РАУФХОН



ОДДИШИ
ХАКИКАТ

Ҳикоя

...одамлар қайнаган катта шаҳарда
одамларни соғиниб юрсанг.
Шавкат Раҳмон

Бир ажиг ҳол: миш-мишларга боқсам, чеврада кўзга илинарли одам қолмабди. Тасаввур қиялпизими, одам йўқ! Сув бўлмаса, қурғочилик бўлади, нарса бўлмаса, йўқчилик бўлади, пул бўлмаса, камбағалчилик бўлади, емак бўлмаса, очарчилик бўлади, Одам бўлмаса-чи?!

Ҳамма нарса бор, одам йўқ... бор-йўғи тўрттагина товушдан тузилган шу сирли сўз (ОДАМ)ни оғиз тўлдириб айтишига ийманадиган бўлиб қолди киши – ўзи йўқ нарсани қандай айтасиз, ахир?!

Бир акамиз ҳикоя ёзибдилар. Қаҳрамонлари қанот боғлаб бутун шаҳар узра учиб чиқади, биронта одамни кўрмайди! Кўчалар хувиллаган, у ер-бу ерда қофозлар, латталар, сувқофоз парчалари учиб юрибди... Бинолар ўрнида турибди, дараҳтлар жойида ўсяпти, ҳаммаёқда ҳаёт изи бор, аммо шу ҳаётнинг гултожи бўлган одам йўқ! Ҳеч қаерда! Ҳатто ўша ҳикоянинг ўзини ўқийдиган ва қадрига етадиган кимса топилса-чи...

Иккинчи бир ўртоғимиз ёзишича, ербетида кечажетган ёқимсиз ишлардан безган биттаси юмронқозиқа ўхшаб ўра кавлаб, ертагига кириб кетган эмиш. Ўшангаям, мана, ўн ийллардан ошибди, лекин нимага ертагига кириб кетганини одам бўлиб мунда-ай тушунтирмас ҳам эмиш. Яқинлари ялинишибди, ёлборишибди, ҳеч кимга қулоқ солмабди, ўртага Ҳурматли Кишиларни ҳам қўйишибди, йўқ, сира ербетига чиқмас эмиш. Ҳа? (десангиз,) Акам чилла ўтирган эмишлар.

Бекор гап, бу ўртоқ ё бизни овсар деб ўйлади, ё туппа-тузук эсли-хушли тўпламни чалғитмоқчи – унинг иши чилла эмас, аниқ чилла эмас! Чилла бунақа чўзилмайди, чилла қирқ кун кечади, У одам ертагига кириб кетганига ўйниллардан ошибдими, бу ерда бошқа бир гап бор – мана сизгачуваланган қалава! Илмий ташкилот (ИТ)лар қаёққа қарайпти ўзи? Оғизларини очиб ўтиравермасдан – томоқларига кепакчивин кириб кетади! – қалаванинг учини ахтаришса бўларди!

Бошқа битта ҳикояда бир тентак Қишлоқ этагидаги кулбасини ўзига гўр қилиб олиб, ювинчиз-кафансиз кириб кетганимиш. Шу кириб кетганича, Қишлоқ уни эсидан ҳам чиқариб юборганимиш...

Бири биридан сирли, бири биридан қўрқинчли миш-мишлар... Бу миш-мишлар нима демоқчи ўзи? Ербетида одам зоти қирилиб битди: кимлардир чилла баҳона ертагини макон тутган – нималарнидир кутиб пуси-иб ётиби; яна бошқалари ҳовли-уйларини мозорга айлантириб, тириклай гўрга кириб кетган – қиёматни пойляяпти... демоқчими?!

Оллоҳ-Оллоҳ, одамларга нима бўлган ўзи? Ербети нимага торлик қилиб қолди? Юраги нега сиқиляпти? Кўнгли нималарни тусамоқда? Ўтаттган кунига рози бўлиб, думини йиғишири-иб яшайвермайдими?

Қандай яхшийди, юрган эди одамлар тирикчилигини қили-иб... шаҳарлар гавжум эди, игна ташласанг ерга тушмасиди (Наби ёзувчи айтишича, ерга тушмаслигига сабаб – ризқ ахтариб юрган биронтаси у игнани шартта илиб олиб, ўша заҳоти уйига суриб юборармиш).

Ундай десак, кўча тўла юрганлар ким? Булар одам бўлмаса, одам қани? Уларни кўрмаяпмизми ё

икки оёқли инсон мустақил тур сифатида чинданам йўқолиб кетдими? Йўқ. Ана, юрибди одамга ўхшаб. Тепадан игна ташлаб кўринг-а...

Ўзи ёзувчи халқи фурт қитмир бўлади, худди бошқа мавзу қуриб кетгандек ё ёзадиган гапи қолмагандек, йўқ ердан масала чиқариб юради. Гапни қаранг: чеврада пичноқа ярарли бутун одам қолмаган эмиш. Қўйиб берсангиз, топсаю пичноқа яратворса. Бутуни бўлмаса ҳам, яримтлари юрибди-ку, дейдиган эркак йўқ.

Хуллас, бу ҳикоялару бу миш-мишлар бир куни жонга қаттиқ тегди. Ишни ўзим ўрганмоқчи, ўрганиб, тагига ўзим етмоқчи бўлдим. Оёққа шиппакни илдиму шартта кўчага отилдим.

(Аслида, қалава учини ўтирган чиллахонамда ёки ётган гўримда ахтарсан ҳам бўлаверарди, нега деганда, одамсиз кўчада менга нима бор. Лекин бу ўринда кўчага чиқиш ҳолати мухим, унга алоҳида ургу берилгани шундан – оёққа шиппакни илишда ва кўчага шартта отилишда шиддат ва жонкуярлик бўртиб кўринади. Ҳолат қанча бўртирилса, шунча қизиқ. Уэр.)

Шундай қилиб, кўчада...

...аҳвол ўша-ўша – фиж-фиж кимса, тиқилинч... ҳамма қаёққадир шошади, елади-югурди, ғовургувур қилади, аммо бирор-бировга қарамайди, бирор-бировни танимайди, туртиниб йиқилиб тушсангиз, тапир-тупур босиб кетаверади, одаммисиз демайди, кўзлар олазарак, кимнингдир тепадан тұсатдан игна ташлаб қолишини пойлайдими ё? Ҳар эҳтимолга қарши оёғи тагига қараб юради, ниманидир ахтаради.

Булар ким? Қўймасдир, балиқмасдир, ахир! Айтмоқчи, бу фиж-ғижлик “ким?” сўроғига жавоб бўладими, “нима?” сўроғига жавоб бўладими? Бу гавжумлик кимларданми, нималарданми ҳосил бўлган?

Катта йўл бўйида, бу жумбоқ тагига етолмай, гарангсиб турган паллангиз бошига айланма чироқ кўндириб, белига белдамча бўёқ тортган алламбало мосин шовқин-сурон билан ўтиб қолади. Карнайи оламга ғулғула солиб, ўшқиради:

– Ўн олтию эллик тўққиз, тез йўлни бўшат! Сенга айтяпман!!! Пиёдалар, сенлар ҳам кўздан йўқолларинг, ҳозир бу ердан Бозорқўм ўтадилар!..

Саволингизга жавоб дарров чиқақолади: ҳа, булар “ўн олтию эллик тўққиз”лар, “пиёдалар”, “бозорқўмлар” экан, дейсиз.

Дейсиз-да, ғалвадан узоқроқ туриш учун шошапиша дуч келган дарвозага ўзингизни урасиз. Енгил нафас оласиз. Бир оз ҳушиңгизга келганингиздан кейин теварагингизга қарайсиз. Қарасангиз, ҳалиги Бозорқўмнинг бозорига кириб қолган бўласиз.

Дўкон қаторлари ҳам, майдонлар ҳам гавжум. Ҳамма одамга ўхшайди, лекин ҳеч бири иккинчисини одам ўлароқ йўқламайди: бири олувчи, бири сотувчи, бири чойчи, бошқаси паттачи, ўртада арава тортувчилар ҳам бор. Бақиргани бақирган:

- Ҳой калла, нари тур!
- Ҳой салла, бери тур!
- Кўзингга қарасанг ўласанми, мол?!
- Пў-ўш, арава!
- Қо-оч, арева!..

Ва ҳоказо. Одаммас у, арева у, мол у, калла у, салла у...



Жиғибийрон бўла бошласангиз, зумда тепангизда одмироқ кийиниб олган Биттаси қийшайиб пайдо бўлади:

– Ҳа, тинчликми? – дейди кўп маъноли ўқрайиб. Маъмуриятга тегишили панжарали бир эшикни кўрсатиб, им қоқади.

Бозоркўмнинг бу хосхонаси қанақа хона эканини ва бу одми кийинган Биттаси сизни нимага у ёққа тақлиф этаётганини англамаган бўлсангиз-да, негадир ўтакангиз ёрилай дейди, юрагингиз ҳовут олади. Эс борида этакни йиғишириш лозимлигини тушуниб қоласиз ва тез бозордан оёқларни узасиз.

Энди бошимни қаёққа суҳсам экан, деб ҳовлиқиб кетаётганингизда манглайига “Дўхтирона” ёзуви осилган бинога кўзингиз тушади. Томирингизни ушлаб кўрсангиз, юрак уришингиз чатоқ... йўқ, урмаялти, чоптирилган кўқонарава ғилдирагидай дукирлаб ётиби! Қафасини ёриб чиқай дейди. Жон ҳалпида ичкари отиласиз.

Эшик тагида бир қоровул кампир ўтириби. Ёши тўқсонларнинг нари-берисида. Қоқсуяжасадига оқ ҳалат кийиб олган. Шунчаки ўтирмаляпти, ўзига ҳокимият тегиб қолганидан маст! – кайфини суряпти:

- Кимга келдингиз? Йўқлар! Кейин келасиз!
- Сизга йўл бўлсин?
- У ёққамас, бу ёққа!
- Бу ёққамас, у ёққа!
- Ўтилинг! Туринг!.. – деб ётиби.

Сизнинг ҳам қаршингиздан тўсиб чиқади:

- Ҳой касал, қаёққа? – дейди гупириб.

Довдираисиз.

– Касалмасман мен, одамман, соппа-соғ одамман, – деб ғўдранасиз.

Қоровул кампир ўзиникидан қолмайди:

– Касалсиз! Касал бўлмасангиз, бетта нима қип юрибсиз?! – деб дўйк уради.

– Юрак дўхтирига бир кўринмоқчиидим... – дейишга мажбур бўласиз.

– Ана, айтдим-ку, сиз касалсиз, жиддий касалсиз, сизнинг юрагингиз чатоқ! – деб касалингизга аниқ от кўяди қоровул кампир.

Чорасизлиқдан кўнақоласиз:

– Ҳа, касалман, юрагим нимагадир типирчилапти, – дейсиз. Ихтиёrsиз равиша товушингиз йиғламсираброк чиқади.

Кампир бир оз юмшайди.

– Бизда ҳамма касал, соғи йўқ, – дейди дардингизга шериклигини билдириб.

“Сиз ҳам соғ эмассиз, момо! Сизнинг миянгизга қурт тушган!” деб бир чимчилаб олгингиз келади-ю, чимчилашга илингудай этнинг ўзи йўқ тўқсон ёшли бу кампир курғурда.

Ҳа, момо ҳам ёшлигидан катта бир дардга чалингани аниқ, чалинганидаям биратўла оғир – мансаб дардига, унинг ҳам кўпларда учрайдиган юқумлисига чалинган. Ҳавоси ҳалиям пасаймаганидан, бир замонлар улуғ-улуг даргоҳларнинг мафкура бўлимларида қандайдир югардак вазифасида ишлагани билинади. Роса тиришганига қарамай бўйидан тепага кўтарила олмаган, кейин ҳойнаҳоӣ биронта хотин-қизлар қўмитасига ўтиб олиб ёшини қаритган. Аниқ шундай! Тўртта хотинни у ёққа етаклаб, олтитасини бу ёққа ета-

клаб ўрганиб қолган эмасми, нафақага чиққанидан кейин уйида юраги сиқилавериб, роса мўлжаллаган-да, мана шу ерни топган. Яхши-да, буйруқ бериб ўтиради. Бу ерга келувчи ҳамма унинг буйругига бўйинсунади. Шўрлик касаллар “Дўхтирона”нинг энг каттаси шу бўлса керак”, деб ўйлади. Үзини тутишидан қоқсуяжига оқ ҳалат ташлаганига ҳам камида ўттиз-қирқ йиллар бўлиб қолган-ов...

Ҳаҳ, нотавон кўнгил-а! Бола-чақанинг роҳатини кўри-иб, оёғини узати-иб ётмайдими уйида...

...деганингиздан фойда йўқ. Иложисиз кўнасиз: “Менга нима?” дея қўл силтайсизу кампир кўрсатган иккинчи қаватга чиқасиз. Сўнг ўнгга – йўлакнинг ўрталарига борасиз ва чап томондаги 7-хона эшигига қарайсиз: “Юрак амалиёти бўлими” ёзувини ўқийсиз.

Амалиёт? Бирданига-я?

Кирсангиз, худди кўксингизни ёриб, юрагингизни суғуриб олиб ташлайдигандек ваҳмага тушиб, ўйлаб ҳам ўтирамай орқага қайтасиз.

Буларга ишониб бўладими? Булар учун сиз одаммассиз, касалсиз, касаллардан биттасисиз. Керак бўлса, шартта юрагингизни олади-да, ўрнига йўл чеккасида, ахлат қутисидами ўлиб ётган ит ё мушукнинг буйрагини ќўйиб чиқариб юбораверади. Ё занглаған қандайдир темирга алмаштириб қўяди. Сизникини эса, дуч келган бирор четэлликка кўкига пуллайди...

Э-э, йўқ, ошна, юрак ҳозирча ўзимизга ҳам керак, дейсизу қочасиз. Пастда яна дардошингиз кампирга йўлиқасиз. Энди оғзини жупламоқчи бўлиб турганида ўзингизни эшикка урасиз. Шўрлик мафкурачи-қўмитачи кампир ортингиздан:

– Учрашдингизми? Нима деди? Буларнинг биттасигаям қулоқ солманг, ўрикнинг сувидан ичиб юринг. Мана, менда бор, бир истакан ичиб кетасизми? – деганича қолаверади.

Катта кўчага чиқиб олгач, ичингиздан тўлиб бир уф чиқади. Енгил тортасиз. Ўнгга юраймикан, чапга юраймикан, деб бошингиз қотиб турганида икки ёнингиздан иккита азamat йигит пайдо бўлади.

– Ҳа-а, худди бонкани ўмариб чиқкан ўғрига ўхшаб ҳансираб турибсан бу ерда? – дейди биттаси сиқиб келиб.

Иккинчисига қарайсиз. Униси ҳам худди шундай дегандай туюлади сизга. Ё иккаласи бир пайтда гапирдимикан? Ҳарҳолда, бу сўзлар бирваракайига иккала кулогингиздан жаранглаб киргандай бўлади. Ўзингизни йиғишириб олиб улгурмасингиздан иккала томондан бир пайтда иккинчи гулдурос товуш келади:

– Кимсан?!

Айтгандай, шаҳарда одам зоти қирилиб битган бўлса, унда мен кимман? Булар ким? Нимага дуч келган Азамат дуч келган кимсанинг кимлигини суриштириши керак?

Саволларнингизга тезда жавоб топа олмайсиз, миянгиз секин ишлайди, умуман ишламай қолади миянгиз.

– Юрган бир одамман... – дейсиз нимагадир хижолат чекиб.

– Одаммисан, йўқми – текширамиз, аниқлаймиз! – дейди Азаматлар. Оддий гапниям негадир дўй билан гапиради. Кетидан яна гулдиратиб: – Рўмолчанг борми?! – деб қолади.

Оббо, рўмолчани нима қилади? Нимага ёнимда албатта рўмолча олиб юришим керак?

– Йўғиди, уйдан шошиб чиқиб келаверибман, – дейсиз шалвираб. – Кейин, менинг бурним унча-мунчага оқавермайди, ўшанга кўпинча рўмолча олиб юрмийман, – дейсиз баттар хижолат бўлиб.

– Қанақа одамлигингниам, бурнинг оқар-оқмаслигиниям аниқлаймиз. Қани, олдимизга туш-чи!

Олдиларига тушишингизга зарурат қолмайди – икки қўлтиғингиздан олиб, оёғингизни ерга теккиздириб-теккиздирмай диконглатиб, қаёққадир сургалай бошлишади. Елкаларингиз зирқираиди.

– Ҳов, мен сизларга ғўламанми, одамман ахир! – деб кимлигингизни билдириб қўймоқчи бўлсангиз, бикинингиз муборак муштлардан иккитасини ейди.

– Ўзингни бос, бўлмаса, қаршилик кўрсатди, деб керакли жойга топширвораман, энангди кўриб ётасан! – деб ўдағайлайди биттаси... йўқ, иккаласи.

Ҳартугул, олиб бораётган жойлари яқин экан. Қаттиқ исканжаларидан тезроқ кутуласиз.

– Кўзлари жойида эмас, шубҳали туюлди, унинг устига чўнтагида рўмолчасиям йўқ. Бурни оқмасимиш, – деб ўзларидан каттароқ бошқа Азаматга топширади иккаласи.

– Бурни оқмаслик айб саналмаса керак!.. – дейсиз ўзингизча чиройли лутф қилдим деб ўйлаб.

Катта Азамат катталигидан ташқари, қўлдан ҳам берган экан, гарданингизга ёмон бир мушт тушади.

– Сен мен билан ҳукуқ талашяпсанми?! – дейди. Сўнгра салмоқланиб ўрнидан тура бошларкан, оёғи тагига бир сўқинади-да, узун эснайди. – Яхшилика ўзинг тан ол: бурноқмисан, суллоҳмисан – на-амасан? – дейди бошқача бир ҳузур ила. Эснаш чоги икки ёнга керилган гурзидаи муштларини аста-секин юқорига ҳаволатиб туриб, ҳар эҳтимолга қарши яна бир марта иккала елкангизга туширади.

– Битта рўмолчага шунчами, эй одам?! Сиздиям бола-чақангиз бордир?! – деган маънисиз ҳайқириқ чиқиб кетади оғзингиздан.

– Мен Азаматман, шунга ойлик оламан! Сен эсанг, бурноқсан, тушундингми?! Устига устак, чўнтагингда рўмолчанг ҳам йўқ!

Урди Худо! Бурноқ эмаслигингизни, рўмолчани тасодифан олмай чиққанингизни кимга ва қанақасига исботлай оласиз бундай бир паллада? Кўчада лаллайиб юрибсизми, унинг устига, қаёққа юрайин экан, деб иккитаниб туриб қолдингизми, камига чўнтагингизда бир парча латта ҳам йўқ – қип-қизил бурноқлигингизга бундан ортиқ далил бўлмаса керак!

Қўрқиб кетасиз. Бу ердан тез қутулмасангиз, осмон устиданми, ер тагиданми бурноқ топиб келасан, деб иккитасини кўчага чиқариб, ўшандан бери йўл пойлаб-зерикиб ўтирган манави Катта Азамат кўйми ё эчкининг ичак-чавофини бўйнингизга илиб қўйиши ҳеч гап эмас.

– Ўртоқ Азамат ака, мен тинчгина уйимда ётганидим, қайси шамол сургалаб кўчага олиб чиқди, билмай қолдим. Чинданам бурним оқмайди, бурним оқмаслигини хоҳлаган дўхтирингиз текшириб қўраверсин... Лекин кўнгил тортганда арақ-парақ ичиб турман, ўшанда бурнимдан сал сув келмаса, бошқа пайт доим қуп-қуруқ. Ишонмасангиз, қўшниларимдан

биронтасини чақириб сўранг: мен тозаман, ҳеч кимга зиёним йўқ, ўртоқ Азамат ака...

Ароқни эштиб Катта Азаматнинг кўзлари на-миқади, кўнгли юмшайди.

– Зиёнинг бўлмаса, туришингдан, фойданг ҳам йўққа ўхшайди сенинг, – дейди нималаргадир ишора қилиб. – Масалан, доим ўзингни ўйлайсан, бизни ҳеч ўйламайсан!

– Мени кўйворинг, факат сизни ўйлашга сўз бераман, ўртоқ Азамат ака!.. Аксига олиб, уйдан куруқ чиқибман.

– Йўқ, сени энди шундай қўйиб юборолмайман. Анови иккала Азамат нима деб ўйлайди – сени берган, мени олган деб ўйлайди. Хатта тушдингми, энди хат билан чиқасан беттан, – дейди-да, қаёққадир сим қоқади: – Алў, идорами? Бурноқлардан биттасини қўлга олганидик... – деб гап бошлайди-ю, давомини айтмай, дарров тилпонни ўчиради. – Айтгандай, ўзимизнинг ҳам дўхтиrimiz бор, лақаби “Баковул”, бизда эксперտ бўлиб ишлайди. Олдин ўша текшириб кўрсин, кучи етмаса, ўтқирроғини чақирамиз.

Сўнг бошқа рақамларни теради.

– Баковул оға, бир кириб кетолмайсизми?

Ҳаял ўтмай, хонага кўркамгина бир йигит кириб келади. Кирасолиб, осмондан тараша тушгандай:

– Нима бу, кўчаларда тентираб юрибсиз?! – дейди кўзингиз тубига тикилиб.

Туйкус миядан мушт еган каби каловланасиз.

– Тентираб юрганим йўқ... уйда тинчгина ўтирганидим, нима палакат босдию кўчага чиқиб кетганимни билмай қолибман... – дейсиз дудукланиб.

– Соқол-чи? Соқол қўйиб олибсизми?

– Ука, тушунадиган одамга ўхшайсиз... – деб ғурдана бошласангиз, бирдан Баковул сўзингизнинг белига болта уради:

– “Ука” деманг! Биринчидан, мен укангизмасман, эксперт-дўхтиран! Иккинчидан, сиз ҳам акаммассиз, бурноқсиз, тушундингизми, рўмолчангиз ҳам йўқ!

Капалагингиз учеб кетади

– Баковул ака, инсоф қилинг... шу... мен бурноққа ўхшайманми, а, яхшилаб қаранг, ўхшайманми?.. Факат, бугун нимагадир рўмолча олиб чиқиш эсимдан чиқибди, холос. Соқол ҳам соқолмас, айтдим-ку, бешолти кундан бери кўчага чиқмаганидим, бетимни жун босиб кетди.

– Ҳа... – дейди эксперт-дўхтири. Иягини тижимлайди. Бир сизга, бир Катта Азаматга қарайди. Яна бир марта чўзиб “Ҳа-а” дейдию: – Роса айёр экан, аниқлаб бўлмади... Хуллас, бу ёғи ўзингизга ҳавола. Нима дейди: эти сизга, суяги бизга, – деб хонадан чиқиб кетади.

“Суягингизнинг эгаси”га ортидан мўлтираб қараб қоласиз. “Этингизнинг эгаси” эса, сиздан бир нарса чиқмаслигига кўзи етибми, энди нима қилсан экан, деган маънода жичча ўйланиб қолади. Сўнг дарров хушёр тортади:

– Аслида, ўйланиш бизга хосмас, биз луббой ишни шартта ҳал қип қўяқоламиш, – дейди ўзини оқлаганнамо оҳангда. Жичча ўйланиб ожизлигини билдириб қўйганига хижолат чекади. – Илигингни қоқмоқчийдим-у... баҳтинг бор экан, бола, эксперт-дўхтиrimiz сендан манқа топа олмадилар. Аммо-лекин арақни вақтида эслатиб қолдинг, бизнинг тилда у



“спиртли ичимлик” дейилади... Майли, катта экспертиларни овора қилмай қўяқолай. Зув чиқ-да, қорангни ў chir! – дейди кўзидан олов пуркаб.

Ўзи бугун омадингиз кептурибди. Аниқ! Бўлмаса, бунақа жойдан бирор бунақа онсон қутулиб чиқсан эмас! Тағинам анави Баковул деганлари инсофли дўхтирик экан, аниқлаб бўлмади, деди, бошқалар аниқларди, бурнида манқаси бўлмаса ҳам, ўйлаб ўтирмасдан бор деб хулоса берарди. Ана ундан кейин бу Азаматларнинг хунарини кўрардингиз... Худо сақлади.

Энди туёқлар тез шиқиллатилмаса бўлмас. Нарироқ бориб, ўзни сал босиб, яхшилаб ўйлаб олинади – нима қилиш, қаерга бориш ўшанда маълум бўлади.

Яна эски ҳол: ўнгга юрайми, чапга юрайми? Айтгандай, уйингиз қайси томонда бўлса, ўша ёққа юрасиз-да. Лекин... уйингиз қаёқда?

Қаерга келиб қолдим ўзи, деб турганингизда қаршингизда бир машина тўхтайди.

– Мижоз, ташлаб қўяйми? – дейди кирачи ойнагидан бошини чиқариб.

Буниси энди ўлганнинг устига тепган дейилади. Ажабланиб қарайсиз. Шу киравига ҳам бир мижозсиз, холос. Албатта, уям нари борса бир кирави-да...

Хафсалангиз пир бўлади. Кирачига жавоб ҳам қилмасдан, бошингиз оқкан томонга буриласиз-да, юра... йўқ, судрала бошлайсиз.

Кўнглингиздан, бир бошга бир кунда шунча ҳодиса... кўп эмасми, деган ўй кечади. Пиёда бўлдингиз, арава бўлдингиз, касал бўлдингиз, бурноқ бўлдингиз, мана, мижоз ҳам бўлдингиз, аммо одам бўлмадингиз... Хўрлигингиз келади, эзилиблар кетасиз.

Гавда эгик, бош ундан-да эгик, кўзлар ер чизади; икки кўл чўнтақда, оёқларни тўғри эмас, чалиштириб ташлайсиз, гўё теваракда кимса йўқ, бир ўзингизсиз; кимгadir елкангиз тегиб кетганига ҳам, у кимдир орқангиздан “Хов, кўр!” деб ҳақорат қилганига ҳам парво қилмайсиз, бир ўнг томонга, бир чап томонга тиш орасидан чирт этказиб тупук учирив қўясиз, сиз дунёни унутгансиз, дунё сизни танимайди...

Ие, нега танимайди? Нега танимаслиги керак? Мен шу қадар ҳеч киммани? Майли, отимни билмасин, майли, мени олдин ҳеч қачон кўрмаган бўлсин, лекин одамман-ку! Одам одамни таниши, одам одамга Одамга ўхшаб муомала қилиши керакмасми?! – дейизиз ийғлагудай бўлиб.

Туйкус туртиниб, ёмон мункийсиз, ўйларингиз сочилиб кетади. Аспалдан икки қаричча қовурғали темир чиқиб қолган экан. “Э лаънати!” деб юборасиз. Лаънатингиз шиппагингизнинг бир тасмачасини узуб юборган темиргами ёки йўлкага аспални пала-партиш босган шалтоқи аспалчиларгами аталганини ўйлаб ўтирмайсиз, эгасига етишидан кўнглингиз тўқ. Фақат, кайф-баракамни учирив юборди-я, деб ғашланасиз. Нимани ўйлаётвудим ўзи? Ҳа, одамларни...

Одамлар...

Яшashi қизик бу одам боласининг: эрта билан турди, бет-қўлини ювади, унда-мунда нонушта қилиб, уйидан чиқади. Қаёққа боради, борар ери белгилими, ўйлида тўғри кетяптими – кўп ҳам ўйлаб ўтирмайди. Аммо ҳар куни шу: эрта-саҳардан, болам-чақам деб, умид билан, бир тишлам нон топиш илинжида, осто-

хона сакраб кўчага чиқади – насибасини излайди. Бирнима топса, боши кўқда! Тез уйига сурворади. Топмаса, қайтгиси келмайди, тимирскиланиб юраверади. Қанийди, ҳеч йўқ бир игна топилса, дейди. Кечани кечади, кўчани кўча демай изғиб-санқиган одам, ўйлайсиз, бекорга юрибдими? Сира умидини узмайди, ўзига аталганини излайверади. Уларга ҳам битилгани бор, албатта. Фақат, қайсиdir кавакка яшириб қўйилган бўлади. Гап ўша кавакни топиб, қўлни чўзиб олишда қолган, холос...

Ана, ўзимизнинг Бозорқўмларни олинг. Нимага уларга доим йўл бўшатиб яшаймиз? Чунки уларни чексиз ҳурмат қиламиз. Нимага ҳурмат қиламиз? Чунки Бозорқўмларнинг ташвиши катта. Тўғри, мундай ўйлаб қаралса, у катта ташвишининг бир уни айланиб-ўргилиб келиб бола-чақасининг оғзига ва ё ўзининг қорнига уланган бўлиб чиқади. Биламиз, лекин айб санамаймиз. Нимага айб санамаймиз? Чунки Бозорқўмлар катта кишилардир, қоринлари ҳам катта бўлади. Дарҳол енг шимариб тирикчилик кетидан тушишлари шундан. Бўлгуси Бозорқўмларнинг ризқи зинага сепилган бўлади. Биринчи зинадагисини териб еб бўлганидан кейин иккинчисига чиқади, иккинчи зинага кўпроқ, уччинчисига ундан ҳам мўлроқ сепилган бўлади... Тепалагани сари ризқининг кўпаяётганини кўриб, иштаҳаси очилиб, яна, яна тепалагиси келаверади. Атайлаб шундай қилинган, чунки зинанинг ҳамма босамогига дон бир хил сепилса, ким ҳам тепага талпинарди.

Пиёдалар, аравалар, чойчилар, паттачилар, қасаллар, бурноқлар, киравилар, мижозлар... қоринлари кичик бўлганидан улар “Кичик одамлар” дейилади. Уларнинг дони энишга ва тобора сийрак сепилади – ҳансираб излайверади, излаган сари эниб бораверади... Тиним билмай елади, югурди, охири теваракни кўрмай қолади. Ёнгинасида тепага ўрлаб кетган зинани ҳам, бу зиналардан чопқиллаб ё судралиб чиқиб бораётган бўлғусиларни ҳам илғамай қолади. Илғаса-да, парво қилмайди. Зотан, илғади нима, илғамади нима. Бурни катагига қўнган пашшани қўришга ҳафсала йўғ-у, зинага қарайдими?! У ўзининг донини топиши керак, унга аталгани энишга сепилган.

Бозор деганлари, ўзи, айни шу катта-кичик қоринлар учун чиқарилган – қимирлаган жон бор, тўрт танга топсам дейди. Бир-бирининг қўлига қарайди, қўзини аланг-жаланг қилиб, ўзига аталганини соғиниб ахтаради. Ўзиникини юраги билан сезади, шаппа ташланади, олади, чўнтағига тиқади, орқасидан эҳтиёт шарт жилмайиб қўяди – хижолатлиқдан чиқмоқчи бўлади гўё. Одади чопғанлари зина сари чопади, қолганлар яна энишга ёйилади.

Кечкурун каттаю кичик ҳамма уй-уйига келади, қаршисига чопқиллаб чиқсан бола-чақасини қучогига олиб эркалайди, ёноқларидан ўпади, эртаклар айтади. Хотини пиширган овқатларни ҳузурланиб ейди, телевизор кўради, суякларини қисирлатиб керишади, кейин ухлади. Ухлаганида хурраклар отади, тотли-тотсиз тушлар кўради.

Албатта, бу савдолар бари уйғоқларга ва тириккларга хос. Ухлок ё ўликлар заарсиз борликлардир. Улардан ҳеч кимсага зиён йўқ. Ҳамма қилғилик уйғоқлар ва тириклардан чиқади. Кулгили. Тириклида

ё уйғонишда нима сир бор экан, деб тагига етолмайсиз. Тириклар ва уйғоқлар ўзларининг одам эканини унутади гүё.

Хуллас, ғирт томоша... “Э Одамзод!” деб юборгингиз келади.

Бунақаси кўрилмаган. Кўрилган бўлса ҳам, кўрганлар аллақачон ўтиб кетган, ҳозиргилар билмайди. Хуллас...

...шу дам оламни мошина ғилдиракларининг чийчи, ўткир сигналларнинг бил-бипи босиб кетади. Чала-ярим хушиңгизга келасиз. Катта йўл ўртасида нишана ва қачон қаққайиб туриб қолганингизни эсламайсиз, бу мошиналар сизни уриб юбормаслик учун қийчувлатиб зўрғалатдан тўхтатилганини ҳам англамайсиз. Ҳайдовчилардан кими мошинаси ичидан ўтирганича кўлларини пахса қилиб, кими ойнагидан бош чиқариб, лекин бари оғир-оғир сўзлардан тош ясад сиз томонга отаётган бўлади. Нима бўлганини энди секин ажратса бошлайсиз. Юрагингиз орқага тортиб, чотингизнинг орасигача бижирлаб кетади. Аммо гарансиб, илдам ўзингизга келолмайсиз. Чайқалиб тураверасиз. Биттаси мошинасидан шартта тушиб, устингизга бостириб келаверади. Урса керак, деб ўйлайсиз. Лекин ҳимояга тайёрланиш хаёлингизга келмайди, бу ҳолда ўзингизни барибири ҳимоя қила олмас эдингиз ҳам.

– Кўз борми, одам?! – дейди у ўдағайлаб. Лекин урмайди. Қўлтиғингиздан олади-да, тўхтаб турган мошиналарни оралатиб, чеккага судрайди. – Худо саклади, ака. Бўлмаса, битта сизни деб, қаранг, қанча машина бир-бирига киради. Нима хаёл суроётувдингиз ўзи?..

Индамайсиз. Индаёлмайсиз. Ичингиздагиларни қандай тушунтирасиз, ахир? Йигит ўзи куйиб, ўзи гапираверади:

– Ўн одимгина нарига борганингизда, давлат кўрга ҳассадай қилиб атай чизиқ тортиб қўйибди, ўша чизиқдан ўтардингиз – бу кўргилик йўқ эди. Давлат бекорга йўл чизмайди, ака, кўзингизни очинг, хўпми? – дейди ва сизни кўчанинг нариги бетига ўтказиб қўйиб, ўзи мошиналар оломони ўртасида қолиб кетган уловига қараб чопади.

Гулхона панжарасига суюнганча нафасингизни текислар экансиз, бирдан кўзларингиз чақнаб кетади:

Нима деди? “Одам” дедими? Ҳа, шундай деди! Аниқ! “Одам” деди!

Бу сўз қачонлардан буён биринчи марта ишлатилганини эслайсиз. Завқингиз кўзийди. Ҳозиргина даҳшатли палакатдан зўрға кутулиб қолганингиз ҳам эсингиздан чиқади. Кўнглингизни аллақандай сурур эгаллайди. Миянгиз тиниқлашади.

Одам! Қандай чиройли, қандай соғинчли, қандай ёқимли Сўз! Ҳатто бемалол оғизларни тўлдириб айтса бўлади! Ахир, бу улуғвор унвонга Одам боласи ҳартомонлама лойик. Чунки у энг биринчи галда Одамдир! Одам бўлиб туғилган, Одам бўлиб қолажак! Фақат, бунинг учун у ўзини ҳамиша Одам ҳис этиши, бир-бирига энг олдин Одам ўлароқ боқиши, бир-бирида энг олдин Одамни кўриши керак. Бундан ортиқ ҳам эмас, бундан кам ҳам эмас!..

Мана шунаقا гаплар.

Бир ҳисобга, оёққа шиппакни илиб, чиллахонангиз ёки гўрингиздан шартта отилиб кўчага чиққанингиз яхши бўлган экан. Нари-бериси билан ярим кунда кечган воқеалардан оддий бир ҳақиқатни англаб етасиз.

– Эй одамлар, мен ҳам бир одамман, ахир! Биз ҳаммамиз одаммиз, азиз ва мукаррам Одам қилиб яратилганимиз! – деб ҳайқириб юборасиз.

Бу гаплар хушиңгизга ёқиб тушади, яна бир марта қайтарасиз. Кўчада ётти яшардан етмиш яшаргача ҳамма қотади. Бир муддат анграйиб, оғзингизга қараб қолади. Ҳатто мошиналар тақа-тақ тўхтайди. Ҳеч ким сигнал чалмайди. Бирор бирорни сўкмайди, қўлни пахса қилмайди, очиқ чехра билан юзингизга термилади, яна нима деркин, деб оғзингизни пойлайди. Сиз эса, унтилган бу оддий ҳақиқатни учинчи бор баралла тақрорлайсиз ва... айтган сарингиз, яна айтгингиз келаверади. Овозингизга қўшилиб кайфиятингиз ҳам кўккача юксалади гўё.

Оёқларингиз қушдай енгил бўлиб қолади. Дадил ва илдам юра бошлайсиз. Қаёққа бораётганингизнинг аҳамияти қолмайди. Уйингиз қаёқдалигининг ҳам энди қизиги йўқдай сизга. Зотан...

...илмий изланишингиз ҳарҳолда натижажа берди – ҳаммаси тушунарли бўлди.





Қозоқбай Йўлдош,
Муҳайё Йўлдошева

МОФ ТҮШИДА ЁПЛАР СУРУВ ёхуғ халқона шеъриятига бир назар

Ўзбек шеърхони кўп ийллар давомида поэтик сўзнинг силлиқ, жарангдор, имкон қадар “адабий” бўлишига обдан кўнигирилган эди. Миллий шеъриятига илк бор Миртемир домла томонидан киритилган жонли сўзлашув унсурларини Т. Сулаймон бир қадар кучлантириди. Ҳ. Худойбердиева, А. Суюн, Р. Мусурмон каби шоирлар ижодида ифоданинг халқчиллиги муайянлашди. Лекин бу шоирларнинг шеъриятида халқнинг руҳиятига хос ўзгачаликни беришга кўпроқ эътибор қаратилар, айрим экзотик сўзларни ҳисобга олмагандан ифода кўпроқ даражада адабий эди. Ҳаёт Шодмон билан Ҳол Мұхаммад Ҳасан шеъриятизига ишлов берилмаган, силлиқланмаган ўзбек сўзининг табиий стихияси олиб кирди. Адабийлашмаган, грамматик қоидаларга мувофиқ тараашланмаган, халқ тафаккури ва руҳининг ифодаси бўлган, улус кўнглини бевосита ҳис этиш, миллий хотирини яшартириш хусусиятига эга бу шеърий сўзлар адабиётимизга ўзгача бир эпкин олиб кирди.

Ўз ижоди билан адабиёт ихлосмандлари эътирофини қозониб келаётган шоир Ҳол Мұхаммад Ҳасаннинг “Қадимий қўшиқ” тўплами бутунисича ана шундай шеърлардан ташкил топган. Асллик ва бетакрорлик ҳар қандай бадиий яратиқнинг санъатлигини белгилайдиган муҳим омиллардандир. “Қадимий қўшиқ” китобидаги кўпчилик шеърлар асл миллий илдизга эга, қайтарилмас яратиқлар экани билан ажralиб туради. Халқона руҳ ва сўзлашув тили шоир ижодига шунчалар сингишганки, ҳатто мухаммас жанрида битилган “Наврӯз” шеърида ҳам шева сўзлари мўл-кўл ишлатилади. “Қўзигуллар мўжаси мусичалар сирдошими, Бойчечак косасига томган тўргай кўз ёшиими”, “Чучмомо бошидин тушди синиб пушти кўза” каби ифодалар таркибидаги аруз ўлчамларига тушмайдиган “қўзигул”, “мўғжа”, “тўргай”, “чучмомо”, “кўза” каби туркона сўзлар йилбошини кутаётган элибой ўзбек турмуш тарзи ва руҳий оламининг ҳақоний манзарасини чизиш имконини берган.

Ҳол Мұхаммад Ҳасан поэтик тасвирга тортган воқелик ва инсон феъл-атвори, фазилату иллатларига холис ёндашади. Шу боис шеърларида тасвирланаётган киши табиатининг қабул қилиниши душвор яширин хусусиятлари, фитратининг ичкин жиҳатлари ёрқин гавдаланишига эришади:

Фаросату фаҳмдан йўқ дарак,
Подакалла, товушқон юрак,
Кун кечириб юрган жонсарак,
Ҳар додарни одам санама.

Элибой – чорвадор ўзбек ўз турмуш тарзидан келиб чиқиб, фаросатсиз кимсани “подакалла”, қўрқоқ қасларни эса “товушқон юрак” атайди. Топиб қўллангани учун ҳам айни шу икки сўз образнинг моҳиятини очиш ва дидактик йўналишдаги шеър ҳиссийлигини оширишда қўл келган. Ушбу тасвирда одамлик ва одамийлик бобидаги ўзбекча жайдари талаб акс этган. Одамнинг одам бўлолмагани шоирни қўйнайди, айни вақтда, “Асли одам ўзи жуда кам, Икки оёқ билан юрса ҳам”, – тарзида элибойларга хос кенглик билан дунёнинг бири камлигини айтиб, ўқирманга таскин бергандай бўлади.

Ҳол Мұхаммад Ҳасан ўзбек руҳиятидаги ўзига хоссликларни пухта билади, уларни тўла тасвирлаш учун қандай сўз, восита ва бадиий усууллар қўллаш кераклигини интуитив ҳис қилади. Суйганидан қўлўромол олган йигит ҳолатининг: “Ёр рўмолинг ғижим-а, Майли, мендан ранжима, Минг йил энди маст этар, Қўлим тиқсан қўнжима” тарзидаги тасвирида шоирнинг шу билгичлиги намоён бўлади. Кутимаганда қўриниб қолишидан хавотирланиб ошиқ қўлўромолни чўнтаги ёки қўйинга эмас, этиги қўнжига солади. Шундай қилинганда ҳам бехавотир бўлинади, ҳам қиз шаъни ортиқча гап-сўздан асралади. Зотан, дилдорлик қўрсатиб рўмолча бериш – қўнгли борлик аломати. Бу сатрларда миллатимиз аҳлини бошқалардан ажратиб турдиган, жаҳоний глобаллашув шароитида ҳам ўзига хос маънавий қадриятлар яшовчанлигини таъминлайдиган маънавий-маиший омиллар акс этган.

Шоир Ҳ. М. Ҳасан инсон руҳида кечадиган ўзгаришларни жуда ишонарли, таъсирили ва ҳеч кимга ухшамаган йўсинда тасвирлай олади:

Қалбим қолса қаровсиз,
Урсам бағир тошларга,
Синса қафас кўз юмиб
Бўлиб берсам қушларга.

Поэтический портрет замзамаси ўқирманнинг мувозанатдан чиқарар даражада: муҳаббатга тўла қалб сүйгили томонидан қаровсиз қолдирилди, шу боис ошиқ бағрани тошларга урди ёки ошиқ қалби бағритошларга урилди, бундан юрак парчаланиб кетди. Халқ ижодида азалдан күш – жон, юрак эса жон күши сақланадиган қафас рамзи бўлиб келган. Ошиқ қафасдаги күшини эмас, по-раланган юрагини муҳаббатдан бебаҳраларга улашиб, бошқа қушларни озиқлантиримоқчи, уларнинг емагини муҳаббат, манзилини висол, ҳаётини ишқдан иборат қилмоқчи.

Хол Муҳаммад Ҳасаннинг шеърларида юртнинг бетакрор табиати, баланд тоғлари, чексиз даштлари, чечакларга тўла қирлари, тупрокли кўчалари, лойсувоқ уйлари, уларда яшовчи тортиноқ қизлар ва ғужурли йигитлар акс этади. Шоир тасвир талаби билан гоҳ табиатга одам орқали, гоҳ одамга табиат орқали назар ташлайди. Ҳар икки ҳолда ҳам одам руҳияти ва ўзгарувчан кайфиятидаги оний лаҳзаларни муҳрлашга интилади:

*Тун. Тоғ тўши. Қушлар тинар.
Салқин-салқин еллар елар.
Минг бир майса мушкидан маст
Майнин-майнин ҳислар инар.*

Бу сатрлардаги “салқин-салқин”, “майнин-майнин” каби кўшоқ сўзлар тасвир таъсиранлигини оширади. Шеърий мисралар натижасида ўқирман ҳавонинг салқинлигидан енгил жунжиккандай бўлади. Борлик уйкуда, ҳатто қушлар ҳам тинган. Фақат “майнин-майнин ҳислар ин”иши пароним тарзида кўлланган “елаётган ел”дан ташқари ҳам кимдир бедор, ҳаракатда эканини билдиради. Бундай лаҳзада ел каби бедор ким бўлиши мумкин? Кўнглидан севги жой олган ошиқ-да! Бу уйғоқ жонларнинг ҳар иккиси-да сархуш: шамол майсалар мушкидан, ошиқ майнин ҳислар бўйидан. Иккиси ҳам ўзига не бўлганини аниқ билмайди, аммо кўнгил – фараҳли, ёруғ, ёқимли, ширин туйғуларга тўла. Бу ҳолатларнинг сабаби аён, аммо оқибати қоронғу. Не бўлганда ҳам шу туйғулар:

*Тошлар момиқ, тиниқ-тиниқ,
Болиш мисол бошинг ботар.
Қучоқласанг, синиб-синиб...*

Булут ёнбошингда ётар – тарздаги сезимларга асос беради. Севгига маскан кўнгил эгасига тошнинг момикдай туюлиши, бошга тош эмас, тошга бош ботиши, булутнинг синиб-синиб ёнбошида ётиши ҳеч гап эмас. Бундай кайфиятдаги ошиқ имкони чегара билмайди, унинг кўлидан келмайдиган иш йўқ. Шеърда тоғ тўшида яшайдиган ошиқ йигитнинг ҳолати ҳам ҳаётий реаллиги, ҳам кўтаринки романтикаси билан акс эттирилган.

Адабиёт кўпчилик кўриб турган, аммо яхши тушунломаган, баъзан тушунса-да охиригача изоҳлай олмайдиган ҳолату моҳиятни англаш ва англатишга уриниш маҳсулидир. Зотан, адабиётнинг бош мояси, яралиш сабаби ва оқибати бўлмиш инсон – сирларга бой мураккаб тилсим. Чин шоирлик ана шу мураккаб яратиқнинг ўзи ҳам билавермайдиган қайсиadir жиҳатларини кашф қилишга интилишда белги беради. Хол Муҳаммад Ҳасаннинг кўп шеърларини шундай интилишнинг самарали натижаси дейиш мумкин. Шоир шеърларини

оламга элибой ўзбек назари билан қарай олмайдиган ўқирманнинг қабул қилиши осон кўчмайди. Шоирнинг: “Кетди ёр омон-омон, Оловланиб, олланиб, Белида қирқта илон, Соқчиликка ёлланиб” сатрларидаги “омон-омон” кўшоқ сўзини англашнинг ўзи ўқирмандан муайян руҳий-маиший хабардорликни талааб этади.

Ўзбек тили сеҳрли, унда сўзгина эмас, ҳар бир товшу маъно ифодалайди. “Кўклам” сўзи асосида “кўк” (осмон), “кўклиқ”, “кўкариш”, “кўкат”, “кўкаламзор” сўзларининг маъноларига ишора бўлганидек, “қиз” сўзида ҳам табиий равишда қизилликка йўналим бор. Шу боис солланиб юриши айб саналиб, сувда юзгандек текис, майин ҳаракатланиши лозим бўлган ўзбекнинг бўйқизи бегона назардан, айниқса, ошиқ қарашидан “оловлана-ди, олланади”. Дунёда фақат ўзбекнина кийган кийими билан кийинибгина қолмай, ўзининг ижтимоий-маиший мақомини ҳам англатади. Қизил рангли кийим – қизларга маҳсус. Қизни оловлантираётган қизил либос унинг болалиқдан балоғатта ўтгани, аммо ҳали эгали бўлмагани, боши очиқлигини билдиради. Айни шу ифодада оловланиш либосдангина эмас, уятчан шахсият ҳолати ва сийган кўнгил ҳароратидан эканига ҳам ишора бор. Қиз белидаги қирқ илон – қирқта қилиб ўрилган соч бу ҳолатга берилган ургу. Уларнинг юрганда ҳаракатга келиб, илондай биланглаши қизни қўриқлаётган хушёр соччи гўё.

Хол Муҳаммад Ҳасан миллий илдизни яхши билиш билан чекланмайди, бошқаларни ҳам бундан баҳраманд қилишга уринади. Унинг битикларидаги “Ёр боради ҳимиллаб”, “Ҳолсирайди кўкайим”, “Ой ойдини сутмикан-ей”, Одамкўмир ўтмикан-ей”, “Жумурдағи мойдан”, “Пишкак пишиб кубидан”, “Кармак шимиб ивиган”, “Толтобоқларга қимрон кўй” каби миллий-ҳудудий қимматга эга тушунча ва шевага хос сўзлар кўзни кувонтириб, диққатни тортадиган экзотик безак сифатида эмас, балки бугун амалда бўлган қадрият тарзида кўлланилди. Ҳар бир одам аслида кимлигини, теран этник томирларини унутмаслигини орзулаган шоир: “Бежама тарихингни, Билиб юр йўриғингни”, деб ёзади.

Ҳаракат ҳаёт мавжудлигининг азалий ва абадий қонунидир. Агар ҳаракат тўхтаса, ҳаёт тўхтайди, мувозанат бузилиб, ер ўз ўқидан чиқади.

Шоир инсонлик қиёфасини йўқотиб, тўдага, ҳатто, баъзан подага айланиб бораётган одамлардан ташвишга тушиб, атрофдагиларни ғужурсиз зотлардан эҳтиёт бўлишга чақиради. Элибойларнинг тажрибасига таяниб, бундай кимсаларни таниб олса бўлади, деб ишонади шоир: “Бетутуруқ, зоти пастларнинг Ўнг елкаси қисиқ ҳамиша”. Елка кенглиги – эрлик белгиси. Қилмиши ёвузларда эса эрлик туйғуси камчил.

Бундай бўлмаслиги учун нима қилиш керак, умуман, маънавий инқирознинг олдини олиш, йўқолиб бораётган оп туйғусини тиклаш, шаън муқаддаслигини мунтазам ёдда тутиб яшаш мумкини? Шоир бу имконли, бунинг учун “Ўсиб қизу улингиз, Узун бўлсин қўлингиз, Тутилмасин тилингиз” ҳамда “Ор оларда куйилмас, тўнмас, Қайноқ қони бўлсин йигитнинг” деб хисоблади.

Хол Муҳаммад Ҳасан шеърлари ўқирманни ўзбекнинг улуғлиги, орини ҳаётидан ортиқ билиши, юқсан маънавий-ахлоқий қадриятларга таяниб яшашининг боиси баланд тоғлар, шошқин дарёлар, чексиз далалар, бу масканлардаги ўзига хос удумлар эмасмикан, балки табиат ўз бағридаги одамлар қалбини ҳам ўзидай



улуғвор қилар деганга ўхшаш ўйларга толдиради. Шоир шеърларида юрт табиати шундай суратлантирилади, ўқирман руҳияти табиий равишда тозаргандай бўлади. Қуидаги тасвирга эътибор қилинг:

*Тоғ тўшида ёттар сурув.
Ой ўтовга ботар. Сурув...
Ит хуради тури-иб-туриб.
Хеч нарсани бўлмас кўриб.*

Бундай жойдаги кишининг ўзи ҳам, ўйлари ҳам тозаради. Майда гаплар, ўткинчи манфаату илинжлар эп кўрилмай қолади. Яшашинг маъниси бир умр интилинган қулайлик, ҳашаматдан эмас, балки тоза сўз, тоза ўй, тоза амалдан иборат экани туйилади. Сукунат оғушидаги тоғ тўшига кўнган сурув, юксакликдаги ўтов ортига ботиб бораётган ой, сукунат кўйини ҳар замонда хизмат юзасидан бузуб турган ит, қоронгидан ҳеч нарсани кўриб бўлмаслиги тасвири киши ҳиссиётини бир неча чандон кучайтириб юборади. Бундай шароитга тушган ёки буни ҳис этган одам ташки оламдан кўра ўзини, ўз кўнглини текширишга мойил бўлади. Бу саодатга эришган шахс атроф-оламни тинглаб, кўрибина эмас, туйиб кўпроқ завқланиш мумкин ва зарурлигини англаб етади:

*Қаро эди ўша тун
Сочларингдай тим-тим.
Оқарди бир куй маҳзун
Теграмизда лим-лим.
Шунда лабинг қотди тош
Сизиб ўтди қатра ёш –
Чимирилар қалам қош –
Қоқ белидан синар ёй.*

Тим қаро тун аслида ошиқлар йўлдоши саналади. Халқ достонларида “Ошиқнинг фахмидир қоронги кеча”, дейилиши бежиз эмас. Тунда ошиқ ёр уйига яқинлашиб, кўнглидаги ишқ ўти алангасини бир қадар босиши мумкин. Ўзи учун эмас, бошқалар назари учун яшайдиган ўзбек қизининг шаъни жуда омонат бўлгани боис кундузи у томонга ёвуқлашиб ҳам бўлмайди. Қаро тунда эса ой ва юлдузлардан бўлак гувоҳ йўқ. Балки қиз уйи деразаси олдида, эҳтимол, йигитнинг яқинидадир. Орзиқиб-орзиқиб кутилиб, зўрға эришилган бу фурсатда сўз ортиқча. Сўзлашиб миссияси сўзларга эмас, кўзларга юклантган. Кўзлар сўзлашади, кўзлар орқали, ҳатто аразлашиб қолиш ҳам мумкин. Бунинг устига, атрофда маҳзун мусиқа лим-лим оқмоқда. Сирли бу ҳолат омонат мувозанатни бузди, дилларда янграётган қадим қўшиқ қоқ авжида узилди – “Қоқ белидан синар ёй”. Ўзига-да дахлдор маҳзунлик қиз кўзига ёш келтирди, лаблари қимтилиб, қошлари чимирилди. Қиз кетиб қолишидан хавотирланган йигит лабларида ёлвориш кезинади: “Ёр, юрагим яроли, Кел, бир гурунг қуроли”. Бу сатрлар замидаги адоксиз илтижо, ялинч бахмалдай майнин “яроли” ҳамда “қуроли” сўзларига жойланган.

Шоир табиат ва инсон бир бутун, бири иккинчи сини тўлдиради, табиатнинг хусусияти инсонга, одамнинг яхшию ёмонлиги табиатга таъсир қилади, деб ҳисоблайди. Шу боис инсоннинг энг нозик руҳий ҳо-

латлари, ичкин туйғулари, ниҳон сирларини табиат манзаралари орқали кўрсатишга интилади. Йигитнинг тун бўйи ухламагани, асли қора кўзлари интизорлик торта-торта янада қорайиб кетганлиги, унинг ҳолига тониг бўлган тун ошиқ кўзларидан қоралик сўрагани: “Тунлар сиёҳ тилашди-ей, Нигоҳларим силашди-ей”, шаклида ифодаланади. Шоир тундан муроди ҳосил бўлмаган йигитнинг маҳзун ҳолатини “Ҳолсиз тинглар куйларни Тонг” тарзида чизади.

Муайян асарлардаги ҳар қандай тасвир, образ ортида ҳамиша ижодкор шахси туради. Ойдин тун, ошиқ йигит, чўнг қоялар, дарёдил полвон, зоҳиран бепарво қизлар, ағбор ошиқ йигитларнинг барчаси аслида Ҳол Муҳаммад Ҳасан “мен”ларидир. Ҳар бирида шоирнинг муайян бир жиҳати акс этган, уларни, қайсиdir маънода, шоирдан “урчиган” яратиқлар дейиш мумкин. Шу боис уларнинг барчасига инсоний шиддат ва кайфият нуқси урган. Шоирнинг феълига хос чин белгилар юқсан битиклар ўқирманни юксалтириб, майдаликлардан йироқлатади. Тоза бир қўшиқ сингари кўнгилни поклаб, хотиржам қилади:

*Ҳуйёв, ҳуйёв, ҳуй қушлар,
Дайдиблар кетсин дарвишлар.
Ҳуйёларминан овуниб,
Ухлаблар қолсин пиш-пишлаб.*

Бу тўртлиқдаги боласига алла айтиётган ота тасвири кишида ҳавас уйғотади. “Эркакнинг ишими шу?” қабилида лаб буришдан ўзини тияди. Аксинча, отасининг залворли алласи таъсирида унинг ўзидай кескир сўзли ва ўқтам бўлиб улғаётган болакайга ҳавас қилади. Ўқирманда, балки, бола онасидан айрилиб қолгандир, деган ўй пайдо бўлиши ҳам мумкин. Отанинг: “Мен-чи, кўзга чизиб олиб кўпкарининг суронин, Найнинг маҳзун ноласини кўксим узра кучоқлаб” тарзидағи андуҳли иқрори унда шундай фикр пайдо бўлишига асос беради.

Бадиий асар жозибасини мавзунинг долзарблиги ҳам, сўзларнинг жарангдорлиги ҳам тайин этмайди. Асарни жозибали қиласиган ягона ва ҳал қилувчи омил бадиий таъсиричанлиқдир. Ҳол Муҳаммад Ҳасан шеърларида шу омил мавжуд: қаҳрамонларнинг сезимлари юкумли, ички қиёфаси эсда қоладиган тарзда чизилган, шу сабаб ўқирманда жонли одамлар каби таассурот уйғотади. Шоир шева сўзларини кўллаш орқали ўқирман руҳини кўзгаш, унинг мия қобиқларида мудраётган бадиий хотирани уйғотиш ва айни бир маънонинг ўзигагина маҳсус ифодасини беришга эришади. Шоир сунъий шакл ўйинлари ва ташқаридан эффектли кўринадиган тасвирий замзамаларга берилилади. Борлиқ ва одам руҳиятини халқ қадимдан қўллаб келган образ ҳамда рамзлар воситасида ифодалаш Ҳол Муҳаммад Ҳасан ижодий услубининг бош белгисидир.

“Қадим қўшиқ” китобидаги кўпчилик битиклар шоир нурафшон дардларининг кўкайидан жой олган ота сўзлар воситасидаги ёғдули ифодасидир. Умидбахш руҳдаги бу шеърлар ўқирманни ўйга толдиради, аммо тушкун ўйлар гирдобига ботирмайди, руҳини безовта этади, лекин озурдаражон қилмайди. Одамга енгиллик бағишлаб, унда тахайюл ва тафаккурга рағбат, ёруғ кунларга ишонч уйғотади.



Беҳзод ФАЗЛИДДИН

Жўнглингдан ўзгага кулоли солмагин

УЗУН ОРЗУ

Бирдан қанот ўсиб чиқса елкамдан,
Учсам. Ҳаммасини унутсам. Кетсам.
Асар ҳам қолмаса шум кўланкамдан,
Армон етолмаган манзилга етсам.

Қувиб тутолмаса ортимдан лаъин,
Муҳаббат ўртада бўлмаса даллол.
Худди шу энг мақбул, тўғри йўлдайин –
Учишиим ҳеч кимга келмаса малол.

* * *

Беҳуда чиқиллаб толиқди соат,
Лаҳзалар карвони бўлолмади жасам.
Киёфа жсангидан чекинди сурат,
Ўзини кутишдан тўймади Одам.

Йиллар оқиб кетди – юзлари сўлгин,
Таъмини иўқотган туйгулар тахир.
Тонгни бедор кутди безовта, дилхун,
Илинжсининг ўлгиси келмайди, ахир.

Қадарда борига қилмади зарда,
Сўзласа, сукутдан баланд сўзлади.
Ва лекин энг сўнгги сонияларда
Илиниб қолмаса эди кўзлари...

* * *

Кундузнинг ризки бор туннинг ортида,
Кимларнинг баҳти бут кимнинг дардида,



Тентираб юрибман сўзлар юртида –
Ҳақиқат аралаши, ёлғон аралаши.

Кунда нафс отига тиларман тўзим,
Гоҳ кўнглим алдайди, гоҳида кўзим,
Коврилиб ётибман ўзимда ўзим –
Муҳаббат аралаши, исён аралаши.

Узилиб-узилмас ишонч иплари,
Аёвсиз отилар бало тўплари,
Руҳимда эврилиши талотўплари –
Эътиқод аралаши, гумон аралаши.

Бўтадай бўзлайман, тойдай кишинайман,
На асал ялайман, на тош тишлайман,
Бирда саргаяйман, бирда яшнайман –
Умримда Ҳамалу Мезон аралаши.

* * *



Кўрқмайсизми, тушингизга кирмай қўйсам,
Хаёлингиз билан сұхбат қурмай қўйсам,
Кўнглингизнинг кўчасида юрмай қўйсам,
Кўрқмайсизми?

Борлигимни биласиз-у, билмасдайсиз,
Зорлигимни биласиз-у, билмасдайсиз,
Муштоқсиз-у, лек назарга илмасдайсиз,
Билмасдайсиз.

Кунни тунга, тунни кунга айлантиридим,
Дил шўрликни бир мажнунга айлантиридим,
Кўзларимни ўчмас унга айлантиридим,
Ўйлантиридим.

Атиргулнинг япрогидан тикони кўп,
Яратганнинг биз билмаган ирфони кўп,
Омон бўлсак, яшамакнинг имкони кўп,
Имкони кўп...

* * *

Кўзни юмиб севдим, севиб кўз очдим,
Кўхна изтиробдан янги сўз очдим.
Бир Қуёши айланар қорачигимда,
Оташин уфқларга қайта юз очдим.

Покиза гўдакдек жилмаяр дунё,
Севгимнинг кафтида улгаяр дунё.
Аzonдай беозор уйготиб тонгни,
Муқаддас булоқда юз чаяр дунё.

Шамол қулогимга шивирлайди шеър,
Юракка ҳамоҳанг энтикмоқда ер.
Мудраган оламга ҳайратлар сочиб,
Ошкор бўлаётир ўн саккиз ёши сир.

* * *

Кўзларимга ишон, қўлларингни бер,
Ахир, ғамларингни тугатмоқчиман.
Ўзим билмайман-у, лекин, барибир,
Мен сенга яшаини ўргатмоқчиман.

Кел, илми ушиюқни ўзлаштирайлик,
Бирга најсом топсин бу яримжонлар.
Орзунинг исмини ўзгартирайлик,
Имконлар навбатда турад, имконлар.

Кўнглингдан ўзгага қулоқ солмагин,
Чорла, безовта қил, тушиларимга кир.
Аммо аро йўлда туриб олмагин,
Фақат кетмасингга мени ишонтир.

* * *

Чиқиб кетса эди шу иблис қондан,
Сўнг топа олмаса мангуга изим.

Бир Ҳаёт боиласам ўшал ҳур ондан,
Ўз олдимда шувут бўлмаса юзим.

Қайтадан тозарсам – севсам қайтадан,
Чалгитмаса машъум хаёллар бир зум,
Ари сари зиналар қўйсам тавбадан,
Саодат асрини эслатса умрим...



* * *

Бу қаро дард ётишиди қайдан,
Оппоқ ғамларимни согиндим.
Кетгим келар ғурбатсаройдан,
Покроқ дамларимни согиндим.

Бардоши оти ҳансираф борар,
Вужуд не деб алжираф борар?
Қароғларим қовжираф борар,
Чашми намларимни согиндим.

Жон итидан оташ яратган,
Ўзи нураб зиё таратган,
Довулларни эсанкиратган –
Ўчмас шамларимни согиндим.

Хилқат борми ундан нафисроқ,
Муҳаббатга бир оз хасисроқ,
Жондан яқин, жондан азизроқ
Аллакимларимни согиндим.



* * *

Не ҳикмат дилингнинг яролигида,
Беадог тахайюл йўлига жим боқ.
Кутши ва куттириши оралигида
Йигирма йил ўтди – қолгани жумбок.

Нимадир етмади, яна, кимдир кам,
Балки, омадсизлик эди омадим.
Улгурса бўларди тозариишга ҳам,
Яшаини билдим-у, яшай олмадим.

Гоҳи уялтириб, гоҳи уялиб
Бирма-бир жон берди дақиқаларим.
Шунчалар ишондим, келдим суюниб –
Ҳаққа элтгаймикан ҳақиқатларим?




Ҳамрохон МУСУРМОНОВА

ИККИ ҲИКОЯ

ҚИЁФА

Ерга гиламдек тўшалган хазонларни бир-бир босиб бораётган Гулсумнинг хаёли паришон эди. Нохуш ўйлардан холос бўлишга урингани сайин, руҳиятида саросар кезаётган эзгиналик уни кўпроқ маҳв этарди. Дугонаси Нигина пластик операция қилдиргунига қадар у ҳам бошқалардек хуш хандон юрар, ўз қиёфаси ҳақида кўп ўйламас, юз тузилиши, қошу кўзидан гап очилса, ҳа, энди Худонинг бергани-да, деб қўя



қоларди. Ич-ичидан Нигинага ўхшашни орзу қилгани рост. Ахир у курсдаги энг чиройли қиз. Зийнатланиб, ороланиб юради. Айтишича, қиз бола кўзгуга қарашни билиши, кунига камида эллик марта ойнага кўз ташлаши керакмиш. Тавба, ҳамма қизлар ўзига маҳлиё бўлиб ўтираверса, дунёнинг ишлари кимга қолади, деб ўйлайди Гулсум. Нигинанинг эса дунёқарashi бошқача. Бир хилликни ёқтиримайди. Доим ўзгариб туришини, ҳамманинг дикқат марказида бўлишни хоҳлади. Гулсум унинг акси. Ҳашамдорликдан юраги сикилади. Такаббур қизлар даврасида бегона оламга тушиб қолгандек қисинади, гап-сўзлари, қилиқлари, ҳатто кулгулари ҳам қовушмайди. Ораларида шунчалик фарқ бўлишига қарамай иккалasi қалин дугона. Одам ўзида йўқ нарсага интилади, деган гап бежизга айтилмагандир балки...

Гулсум дугонасининг қиёфасида эркинлик тимсолини кўради.

...Ўшанда эшиқдан ял-ял ёниб кириб келган Нигина:

– Қалай, чиройлиманими? – дея ўзини тошойнага сола бошлаганида Гулсум ҳайратдан қотиб қолганди.

– Жуда чиройлисан!

– Қани айт-чи, юзимда нима ўзгарган?

Дугонаси ўзининг Худо берган қошини аллақачон битта қўймай юлиб ташлаб, худди Голливуд актрисаларидек ингичка, нафис қош-чизик тортириганди. Кўзлари улама киприк остида мунчоқдек бўлиб туриди. Одамнинг кўзини ўзgartириб бўлмайди, деган гап ҳам бекор экан. Нигина аллақачон буниям йўлини топган: сочини бошқа рангга бўяганда кўзига шу хилда линза тақиб олади. Бир қарасангиз, рус қизларидек малласоч, мовий кўз бўлиб кўринса, бошқа сафар кўнғир соч, кўй кўз бўлиб товланиб туради.

– Қошинг жойида. Кўзингга линза таққансан, юзингни тозалатиб, оро бергансан. Бурнинг ҳам жойида.



Нигинанинг фақат бурнигина ўзгармаган, асли қандай яратилган бўлса, шундай турарди.

– Ҳим-м-м, лабларинг, – дея қузатувни давом эттириди ва қийин масалани ечган одамдек, бирдан қичкириб юборди: – Вой тавба, лабинг бошқачароқми?

– Э, хайрият-эй, – дея енгил хўрсинди Нигина. – Бир амаллаб шуни сездинг-а? Қойилман сенга! Синчковлиқдаям Худо урган бандасан-да! Қалай, ярашибидими?

– Чиройлику-я, лекин ўзингникиям ёмонмасди.

Нигинанинг ясама лаблари бир оз бурилди:

– Нима бўлди, ҳasad қиляпсанми? Қара! Яхшилаб қарагин! Ахир бу – супер гўзалларнинг лаби-ку! Анчадан бери худди шунақа қиёфани орзу қилардим. Зўр дўхтир топдим. Қўли енгил. Пластик жарроҳлиқда бу атрофда унинг олдига тушадигани йўқ. Замонавий, ясан-тусанларга қизиқадиган дугоналарим кўп, ҳали мени кўриб улар ҳам сизни қидириб келишади, дедим. Арzonроқ нарҳда операция қилди. Ўн кун даволандим. – Нигина гапира туриб, Гулсумнинг ўзига синчков қаради: – Менга қара, сен ҳам борсанг бўларди, қачонгача манави дўрдоқ лабинг билан яшайсан. Агар борсанг, дўхтир мана мундоқ, бежирим қилиб берарди.

– Йўғ-е, лабим бинойдек, – деди Гулсум бир оз ўнғайсизланиб.

– Ҳа, – қошини чимириб иддао билан кулимсиради Нигина, – ҳар кимни ўзига, ой кўринар қўзига. Агар билсанг, ҳар бир замонавий қизнинг ўз қиёфаси бўлиши керак. Чиройли қиёфаси!

Нигина кетгач, Гулсум тошойна ёнига борди. Шунча пайтдан бери эътибор қилмаган экан, ростдан ҳам лаби сал дўрдоқ эди. Шунданми юзи беўхшовдек юраги хижил тортди.

“Одам деганиям шунақа хунук бўладими”, деб ўйлади ижирғаниб. Кечгача дилгир бир ахволда юрди. Овқатлангиси, дарс тайёрлагиси ҳам келмади. Юрагидаги хижиллик кучайгандан кучайиб бораверди. Дугонасининг баҳтдан сармаст, хушчақақ қиёфаси кўз олдидан кетмай қолди. У жуда эркин, бошқалар билан ҳисоблашиб ўтирумай, кўнглига келган ишни қилади. Шунинг учун ҳам баҳтиёр, деган қарорга келди. “Агар акамдан ҳайиқмаганимда, пластик операция қилдириб, Нигинага ўхшаб чиройли бўлардим”, деб ўйлади. Нигина кези келганда урф-одатларни ҳам писанд қилмайди. Гулсум эса бундай эркинликдан йироқ. Катталарнинг: “Қиз бола ундай ўтирумайди, бундай юрмайди, шараклаб кулмайди, қаттиқ гапирмайди, уят бўлади”, деган таъкидлари ҳалигача уни таъқиб этади. Бир ишни қилишидан олдин, маҳалладагилар, танишибилишлар нима деб ўйларкан, деган андиша юрагини ялаб ўтади.

Кечаси уйқуси қочди. Ота-онасига, яқинларига билдиримай лабини операция қилдиришнинг минг хил йўлини ўйлади. Аммо ҳамма ўйлари, ҳамма йўллари уни чорасизлик бекатига элтарди. Эрталаб бошида қаттиқ оғриқ билан уйғонди. Дарсга боргиси келмасада, қаттиқкўл ўқитувчиларнинг “НБ”ларидан юрак олдириб қўйгани учун ноилож ўқишга жўнади.

Нигина тун қўйнида порлаб турган Зуҳро юлдуздек нур сочарди. У нафақат курснинг, балки бутун факультетнинг, ҳатто институтнинг маликасига айланганди. Атрофида ҳамма парвона. Йигитлар ундан кўз

узишолмасди. Чизилган қошлари ҳам, ясама лаблари ҳам, кўзидағи мовий линзаси-ю, малларанг сочи ҳам ўзига жуда ярашиб турар, устига-устак кийимларининг рангини рангига мослаб, саралаб кийиб олгандики, кўрган одам бусбутун санъат асарига дуч келгандек унга бир зум термулмай туролмасди.

Дугонасига қарагани сайин Гулсумнинг дили баттар хуфтон бўлар, бу ғашлик сабабини билолмас, “Ҳасад қиляпманми?”, деган саволни ўзига қайта-қайта берарди. Кўнглининг бир чеккасида: “Дунё ярабидики, кўримсиз қизлар, чиройлиларга ҳasad қишлишган”, деган иқор ҳам йўқ эмасди. Нигинанинг бежирим лабларига кўзи тушиши билан ўзининг њеч қачон пластик операция қилдира олмаслигидан, бир умр мана шу дўрдоқ лаблари билан ўтиб кетишидан ўкинарди. Ҳатто келинчак бўлганида ҳам шу лаблари билан гўшангага киради, унга яқин келган кўёв “лаби дўрдоқ экан, нега аввал пайқамабман”, деб афсус чекади. Кейин умрининг охиригача мана шу афсус билан яшашга маҳкум бўлади.

Ўқинчлар оғир тош бўлиб Гулсумнинг юрагига чўкиб борарди.

Нигинанинг ясама лабларига ҳавас қилган қизларнинг кўпчилиги пластик жарроҳнинг манзили, нархнавосини суриштира бошлаши. Кўп ўтмай хонадоши Доно ҳам Гулсумнинг юрагини ўртаган бежирим лабларга эга бўлди. Уни кўриб гарчи ҳаваси келган бўлса-да, негадир мутлақо ҳайратланмади. Ажабки, Дононинг лаби билан Нигинанинг лаби бир хил эди! Сира фарқи йўқ.

Гулсум таътилга чиқиб, уйига борганида онасини кўндиришга уриниб кўрди:

– Аякон, йўқ деманг, ахир лабларим дўрдоқ...

– Ҳечам дўрдоқ эмас, – деди она қатъий оҳангда.

– Бекорларни бештасини айтибсан! Худонинг берганига қаноат қилиш керак!

– Қаранг, Нигина қандай чиройли бўб кетган, – дея дугонасининг расмини онасига узатди у.

– Нимаси чиройли? Қош ўлгур қани! Бу чизик яна нимаси?! Ҳали шунга ҳавас қиляпсанми?! Қошу кўзингни ўзгартиришга уриниб кўргин-чи, отанг нима қиларкан!

Гулсумнинг юрагига ғулғула тушди. Отаси унга очиқ-ошкоқ қаттиқ гапирмаган бўлса-да, хонадон қизлари ундан ҳайиқиб туришади. Агар онаси шундай танбех берса-ку, юраклари зириллаб кетади.

Гулсум чорасизлик манзилидан чиқолмай бошини ҳам қилиб ўқишига қайтди. Қизлардан яна икки-учтаси ўзгариб, чиройли бўлиб қолгандек эди. Нега ҳамма қилган ишни битта мен эплолмайман, шунчалик кўрқоқ, шунчалик эрксизманми, деган ўй Гулсумнинг ич-этини кемира бошлади. Узоқ иккиланишлардан кейин, пластик операция қилдиришга менинг ҳам ҳақим бор. Ахир XXI асрда яшаеман. Кап-катта қизман, ўз муаммоларимни ўзим ҳал қилишим керак, деган қарорга келиб, Нигинанинг етовида жарроҳ ҳузурига йўл олди.

Чиройли бўлишга талабгорлар кўп эди. Гулсум ҳам навбатга ёзилиб, шинамгина жиҳозланган қабулхонада юмшоқ оромкурсида ўз галини кута бошлади. Деворга илинган турли фотосуратларга кўз ташларкан, улардаги қиёфалар бир-бирига жуда ҳам ўхашалигини илғади. Нигинанинг юз-кўзлари, қарашлари-ю, кулиш-

лари ҳам фотосуратлардаги қиёфалар билан бир хил эди. Чиройли, бежирим ва айни пайтда нимасидир кемтик... Гулсум ичкарига кириб чиқаётган қизларни зидан кузатаркан, ўз-ўзи билан мунозара га берилди: бу қизлар ҳам операциядан кейин анавиларга ўхшаб қоладими? Мен-чи?..

— Сизга учта вариант таклиф қилишимиз мумкин, шулардан бирини танланг, деган овоз унинг хаёлини бўлди.

— А-а...

— Манави учта лабдан бирини танланг, дейман, — деди Нигинага қаеририд жудаям ўхшаб кетадиган бир қиз бир оз энсасини қотириб.

Гулсум аввал кўлидаги суратларга, кейин девордаги фотосуратларга кўз ташлади. Қиёфаларни бир-бирига уйғунлаштириб турган нарсалардан бири айнан мана шу уч хил лаб эди. Бор-йўғи уч хил! Тавба, нега энди уч хил?! Бор-йўғи уч хилми?! Энди мен ҳам мана шу қиёфада яшашга маҳкумманим, деган саволлар яшин тезлигида миясига урилди. Яна бир бор фотосуратларга, кейин дугонасига кўз ташлади. Шунда бир-бирига уйғун гўзалликдаги кемтиклини топди: бу чехраларда одамни ўзига тортадиган иссиқлик, жозиба йўқ эди! Гўзал ва айни пайтда жозибасиз қиёфалар! Бирдан унинг хафсаласи пир бўлди.

— Гулсум Норова, сизнинг навбатингиз...

Нигина алланечук тараддуд билан унга қараб жилмайди. Икки дугона бир вақтда икки тарафга қадам ташлашди. Жарроҳ хонасига ошиқаётган Нигина бо-

шини ҳам қилганча эшикка қараб бораётган Гулсумга етиб олди-да ҳайрон бўлиб:

— Қаёққа кетаяпсан? — деб сўради.

— Мен воз кечдим. Қиёфамни ўзгартиролмайман!

— Эсинг жойидами?! Навбатингни тезлатиш учун озмунча уриндимми, тентак? — деди Нигина тутоқиб.

“Қизиқ, жаҳли чиққандо анати қизларнинг лаби ёнида ҳам Нигинанини сингари чизиқча пайдо бўлармикан”, деган ўй ўтди Гулсумнинг хаёлидан. Шу асно онасининг гапларини эслади: “Оллоҳ ҳар бир нарсани буюк ҳикмат билан яратган, уни ўзгартирган одамнинг ҳоли вой бўлади”.

Гулсум кўчага чиққач атрофдагиларга синчковроқ қарай бошлади. Унинг назарида Нигинанинг соч турмаги, улама киприклари, улама тирноқлари, ҳатто табассуми аста-секинлик билан тарқалаётган ҳавфли касаллик каби бошқа қизларнинг ҳам чехраларини қамраётган, атрофидагилар келишиб олгандек оммавий қиёфага кираётгандек эди.

Ётогига шом пайти қайтиб келди. Кўнглини ҳалиям эзгин кайфият тарк этмаганди. Бир-бир босиб тошойнага яқинлашди. Кўзгуда кўз-қошлари, ҳатто дўрдоқ лаблари ҳам чехрасига ярашимли, қиёфаси бошқаларнига ўхшамайдиган бир қиз унга қараб турарди. Юзига табассум югурди. Табассумида нафис бир жозиба аксланди. Шунда юрагини эзаётган нохуш ўйлар саробдек тарқалаётганини ҳис этди. У ўзининг, ҳа, битта ўзининг қиёфасини топган эди.

КЕЛИНЧАК

Эрталаб бувим негадир нонуштага чиқмади. Дадам ичкарига безовталаниб қараб кўяр, биз эса ундан олдин дастурхонга қўл чўзишга одатланмаганимиз боис бетоқатланиб ўтирадик.

— Аям нима қиляпти? — деди дадам.

— Эрталабдан сандиқ очибдилар, латта-путталарни саралаб ўтирибдилар, менсиз чой ичишаверсин, деяптилар.

— Тинчликми, ўзи?

Аям елкасини қисди:

— Билмасам. Ойимнинг нима ўйлаётганини ўзидан бошқа бирор билармиди. Бугун Назира холанинг тўйику. Шунга тайёрланаётгандир-да.

Бувим нонушта қилиб бўлганимиздан кейин чиқиб келдилар. Соchlарини юваб, силлик қилиб ўриб, учига оқ пахта пилик тақиб олибдилар. Ўзларига оро бериб, чиройли кўйлакларини ҳам кийибдилар. Кўринишидан жуда хотиржам, ҳатто нимадандир мамнун эдилар.

— Тузукмисиз, ая? — деб ҳаммадан олдин дадам сўраши.

Биз ҳам навбати билан салом бердик. Бувим менинг елкамга қоқиб, синглимнинг пешонасидан ўпиб кўйди. Папкамни олиб, кўчага қараб югуришни мўлжаллаб турганимни сезиб дарҳол билагимдан ушлади.

— Шошма, болам, бирпас шошмай тур. Келинчакка бир нарса берворишим керак, уйи шундок йўлингда, ташлаб ўтасан.

Маҳалламиздаги келинчакларни кўз олдимга келтириб:

— Қайси бирига? деб сўрадим.

— Мафтунанинг бувиси бор-у, ўша Келинчакнинг тўйи бугун, — деди бувим ҳайратланарли мамнунлик билан.

Анграйиб қолдим. Мафтунанинг бувиси Назира кампир. Уни ҳаммамиз катта буви деб чақирамиз. Наҳотки, шу бувимиз эрга тегаётган бўлса?! Тавба! Ахир у камида етмиш ёшда-ку... Чоли Раҳмонберди бува яхши киши эди. Катта боғи бор эди. Боғи этаги полиз, қовунлари ҳамманикidan олдин пишарди. Узумлари, анорлари ҳар йили ғуж-ғуж хосил қиларди. Мева пишганда биз болалар боғ атрофидан кетолмай қолардик. Чакқонроғимиз бир икки бош узум узиб қочишни ҳам уddyалардик. Раҳмонберди бува меваларидан бутун маҳаллага улуш тарқатарди. Мени ҳайрон қолдирган нарса, боғдаги ишкомларида узумдан кўра бедана қовогининг кўплиги эди. Эшиқдан киришингиз билан беданалар бири қўйиб бири сайрап, Раҳмонберди бува эса, “Ҳа товушингдан, аканг айлансин”, деб бақириб қўярди. У икки йил олдин қазо қилган. Ўшандо иккинчи синфда ўқирдим. Невараларига қўшилиб бутун маҳалланинг болалари йиғлаганмиз. Энди бўлса, кампири келинчак бўлаётганимиш. Бувимни хурсанд қилаётган бу янгиликдан негадир аччиғим чиқди. Бувим кўллимга тутқазган тугунчани олиб, эсанкираб йўлга тушдим.

Менга қара, ҳай бола, бу тўёна экан, уйдагилар сал кечроқ келишаркан, деб айтгин, дея ортимдан тайинлаб қолди бувим.

Аям биринчи синфда ўқиётган синглим Дилрабо-ни кийнтириб эшик олдида пойлаб турган эди. Беихтиёр синглимнинг қўлидан ушладим.

– Дил, сен Назира бувини танийсанми?

– Ха, Мафтуна опаниям танийман, – деда бижиллаб жавоб берди синглим.

Бугун ўша кампирнинг тўйимиш.

Аям тўйга қатлама пиширкан. Кейин бувим иккаласи бориб келишаркан.

– Етмиш ёшидаям кампирлар келинчак бўладими?

– Билмасам.

Кўз олдимга сийраклашган оқ сочига тангали қора сочопук тақиб, бошига ҳар доим яшил рўмол ташлаб юрадиган Назира буви келди. У бошка кампирлардан кўра олифтароқ кийинади. Тўйларга махси-калиш эмас, чиройли ялтироқ амиркон ковуш кийиб боради. Қаддини ғоз тутиб, керилиброқ юради. Ҳеч кимга гап бермайди. Бувимнинг айтишича, унинг кериклиги ҳам ўзига ярашаркан. Шу тобда Назира бувини келинчаклар тўй куни киядиган оқ фатода тасаввур этиб, бирдан пиқиллаб кулиб юбордим.

– Ха, ака, нимага куляпсиз? – деди Дилрабо ҳайрон бўлиб.

– Назира бувига оқ тўр кўйлак қанақа тураркан, а? – дедим кулгидан ўзимни тўхтатолмай.

Дилрабо менга ялт этиб қаради-да:

– Жиннимисиз, унақа кўйлак киймаса керак, – деди-ю бирдан қиқирлаб кулиб юборди. – Ростдан ҳам келин кўйлак кийса-я?..

Ака-сингил Назира бувини тўрдан тикилган, оқ кўйлақда тасаввур этиб роса кулишдик.

– Сочини қанақа қилдиаркан? – деди Дилрабо мунчоқдек кўзларини менга тикиб қувлик билан. – Салондан сартарош олиб келармикан?

Ана энди тасаввур этинг, Назира бувининг кумушранг сочини сартарош аввал қорага бўяса, сочопукларини олиб ташлаб, алламбало бурама гажак қилиб бошига турмаклаб қўйса. Роса ҳангома бўларди-да, ўзиям. Ҳали қишлоғимизда ҳеч қайси кампир бунақа келинчак бўлмаган. Ака-сингил гаплашиб кулишиб борарканмиз, йўлимидан Дилрабонинг дугонаси Саида чиқиб қолди. Дилрабо унинг олдига югуриб бориб Назира бувининг тўйи бўлаётгани ҳақидаги хабарни етказди.

– Буни мен ҳам биламан, – деди Саида ўзини билагонлардек тутиб.

Бу гапдан Дилрабонинг бир оз ғаши келди-да:

– Келинчак бўларкан, оппоқ келин кўйлак ҳам кијаркан, бувим айтди, – деб юборди.

Саиданинг узун киприкли мунчоқдек кўзлари пир-прираб кетди.

– Ростданми?

– Ха. Менимча салондан сартарош олиб келишса керак, ахир оқ келин кўйлак кийгандан кейин сочини ҳам тузатиш керак-ку, – деди синглим дугонасини ҳайратда қолдирганидан севиниб.

Иккаласи бижир-бижир қилиб, Назира буви қайси салондан сартарош чақиришини муҳокама қила бошлишди. Яна иккита қиз уларнинг сафига қўшилди. Йўл-йўлакай мен ҳам ўтоқларимни учратдим. Назира бувининг тўйи бўлаётганидан ҳамма хабардор эди. Оқ келин кўйлак кийиб, сочини алламбало қилиб турмак-

латишини эшитганда болалар аввал хохолаб қулиб юборишар, кейин эса негадир жим бўлиб, маюс тортиб қолишарди.

Назира бувиникига етиб борганимизда келинлари дарвоза ёnidаги столга ширинликлар қўйиб безатает-ган экан. Бувимнинг омонатини олиб келганимни айтдим.

– Шу ерга қўя туринг, обкириб бераман, – деди кенжা келини.

Бувим, тағин бирор яримга тутқазиб кетмагин, келинчакнинг ўзига олиб кириб бер, деб тайинлаганини эслаб, тугунчани маҳкам бағримга босдим.

– Майли, уйга кира қолинг, – ичкарига ишора қилди Мафтунанинг аяси.

Назира буви ичкари уйда нимадир юмуш билан овора экан. Инқиллаб-синқиллаб чиқиб келгунча ҳовлининг ўртасида пойлаб турдим. Эгнига қора хон атласдан қўйлак, бошига ялтироқ рўмол ўраб олибди. Қошига қалин қилиб ўсма қўйган, соchlарини ҳам яқиндагина ювганими, ялтиллаб турарди. Елкамга қоқиб кўришаётганида бармоқларига қўйилган хинага кўзим тушди. Назира бувидан жуда ёқимли бир ис келаётганди.

– Бувим кечроқ келарканлар, манавини сизга бериб юбордилар, – дедим тугунчани узатиб, – тўёна экан.

– Бувинг сира тиниб-тинчмайди. Бекорга овора бўлибида-да, ҳай майли, мен ҳам унга тўйларида қайтарай, – деда қўлимдаги тугунни олди у.

Бирдан қотиб қолдим: “Тўйларида қайтарай дейдими? Нима, ўзига ўхшаб бувимниям қариганда келин бўлишини истаяптими?”

– Раҳмат болам, шошмай тур, – деда Назира буви ичкарига қараб катта келинини чақирди: – Ҳай, Бўстоной, манави той болага катта бувисининг тўй конфетидан олиб чиқиб беринг, айланай. Ўртоқлари билан бўлишиб есин.

Кейин у менга ўгирилиб, сочимни силади-да, – Дарсдан чиққанингдан кейин тўғри шу ёққа келавер ўғлим, амакиларинг яхши артистларни чақиришган, томоша қилиб кетасан, – деди.

– Ўртоқларимниям олиб келсан бўладими?

– Майли, олиб келақол. Тўй болалар билан файзли-да, ойноай, олиб кела қол, – деб лўмбиллаб қадам ташлаганча, соч попугидаги тангаларини жиринглатиб ичкарига кириб кетди.

Бўстон хола берган бир сиқим конфетни олиб эшикка чиқаётганимда Назира бувининг ўғиллари стол-стулларни ҳовлига олиб кираётганини кўрдим-у, яна бирпас анграйиб қолдим. “Оналарини индамай эрга беришаверадими, булар”, деган ўй тўди кўнглимдан.

– Шерзод, даданг яхшими, – деди Мафтунанинг дадаси Халил амаки.

– Яхши.

– Тўй қиляпмиз, мактабга бормай қўя қол.

– Устозим уришади-да.

– Дадамнинг ошнаси аясига тўй қилаётган экан, қарашибдим, дейсан.

Негадир Халил амакини ёмон кўриб кетдим. Тавба, сира ори йўқми бу одамнинг, аясини қариганда эрга бериб, тағин, буни ҳаммага мақтанишини-чи. Яна артистларнинг зўрларини ҳам чақириб қўйишибди.

Мактабга борганимда ҳамманинг оғзида дув-дув гап юрарди: “Назира буви келинчак бўлаётган экан. У оқ келин кўйлак кийиб, сочини роса чиройли қилиб турмаклатармиш”. Бу хабарнинг ёнига энг зўр артистлар келиб ўйин кўрсатишини қўшиб кўйдим.

– Назира буви бизни тўйига чақирипти, – дедим синфга киргач, – бормасак хафа бўлади. Тўй болалар билан файзли, деб алоҳида таклиф қилди.

– Ростданми? – дейишди синфдошларим суюн-гандаридан қийқиргудек бўлишиб.

Дераза оша дангир-дунгир мусиқа, карнай-сурнай товуши эшитилиб турганда, қулоққа сабоқ киравмиди. Зўрға чидаб ўтиридик. Даэрслар тугаши билан тўйхонага жўнадик. Ана энди Назира бувининг қандай келинчак бўлишини томоша қилсан бўлади.

– Ўзи, Назира буви кимга тегаётган экан? – деди синфдошим Мансур.

Беихтиёр елка қисдим.

– Бунисини сўрамабман.

Куёв бу ерлик бўлмаса керак, дейишди болалар. Чунки қишлоғимизда Назира бувига уйланадиган чолнинг ўзи қолмаган.

Оқ келин кўйлак кийишини ҳисобга оладиган бўлсан, Назира буви шаҳарликка турмушга чиқаётгандир, деб гапга араплашди қизлар. Қишлоғимизнинг чоллари барibir унга тўр кўйлак кийдиришмасди.

Тўйхонага кириб бордик. Бизни дарвозага яқинроқ кўйилган бир чеккадаги столга ўтқазишибди. Мехмонлар кўп эди. Ўйин-кулги авжида. Даврадаги кексалар орасидан куёв бўлмиш чолнинг кимлигини аниқламоқчи бўлиб атрофга алангладим. Чолларнинг ҳаммаси пўрим кийинган, чақчақлашиб ўтиришарди. Назира бувининг ўғиллари-қизлари, келинлари галма-галдан даврага чиқиб ўйинга тушишяпти. “Қариб қолган онасини эрга берәётган болалари нега бунча суюньяпти”, деб ҳеч ким ҳайрон бўлмайди. Бир маҳал эшиқдан бувим билан аям ҳам кириб келишибди. Оқ ялтироқ кўйлаги устидан чиройли қора камзул кийиб олган Назира буви қаддини ғоз тутиб бувимга пешвуз юрди.

– Вой, айланай келинчак, тўйларингиз қуллуқ бўлсин, – деди бувим унга қулоқ очиб.

– Сизгаям насиб қипсин, янгажон, – деб бувимни бағрига босди Назира буви.

Бир сесканиб тушдим. “Нима, бу калласи айниган кампир, бувимниям келинчак бўлишга кўндиromoқчими? Бунга ўла қолсан рози бўлмасман!”

Бу орада аям билан бувимни ичкарига олиб кириб кетишибди. Биз ўйин-кулгига андармон бўл-

дик. Даврани бошқараётган гапга чечан киши бир пайт бувимни микрафон ёнига чақириб қолса бўладими.

– Биз келинчак билан эллик икки йилдан бери қадрдон дугонамиз, – деди бувим. – Бошимиздан не савдолар ўтмади. Ҳаммасини биргаликда енгиб, бугунги дориломон кунларга етиб келдик. Болаларимиз ҳам бир-бирига меҳр-оқибатли бўлиб ўсишди. Келинчакнинг болалари ақлли-хушли.

“Ақлли-хушли бўлса етмишга кирган онасини эрга берармиди”, – деб ўйладим.

– Ўша пайтда бизнинг келинчак, ҳаммадан супув эди, – деб гапида давом этди бувим. – Мана етмишга кирибди ҳамки, у ҳаммамидан кўркам. Келинчак, илоҳим умрингиз узоқ бўлсин. Болаларнинг роҳатини, невараларнинг тўйларини кўринг.

Ҳалидан бери баъзи ўтоқларим Назира бувининг келин бўлаётганига ишониб-ишонмай ўтиришган эди. Бувимнинг гапидан кейин купоғимга:

– Ростдан ҳам Назира буви келинчак бўлаётган экан-да, – деб пичирлаб қўйишибди.

Шу маҳал анави чечан киши бувимга савол бериб қолди:

– Ханифа буви, нега Назира бувимни келинчак дейсиз? Ахир етмиш ёшида ҳам одам келинчак бўладими?

Биз бир-биримизга маъноли қараб, сергакланиб бувимнинг гапларига қулоқ тутдик.

– Оҳ болам-эй, ўзим ойонай сизлардан, – деди бувим. – Мен бу қишлоққа эллик икки йил аввал келин бўлиб тушганман. Ўшанда мана шу қайнисинглим янги келинчак бўлган эди. У пайтлар эрнинг қариндошуруғларини улуғ тутиб, отларини айтмаслик урф эди. Ҳа, шунақа чиройли одатимиз бор эди. Шундан бери келинчакнинг отини айтмадим. Мен учун у ҳалиям ўша сулувгина келинчак, – деди бувим.

Бирдан одамлар ўрнидан туриб чапак чалиб юбо-ришиб. Назира буви бувимнинг ёнига ўргалаб келдида, маҳкам бағрига босди.

– Етмиш ёшингиз муборак бўлсин, келинчак, – деди бувим титроқ товушда.

– Сизга ҳам шундай ёшлар насиб этсин янгажон, – деди унга жавобан Назира буви.

Ўртоқларим билан биз катталарнинг бу гаплари мағзини англамаган бўлсан-да, ҳайрону лол ҳолда уларга кўшилиб чапак чалардик.





Аҳмаджон ЙЎЛДОШ

Кўзларимнинг нури эрур хоки пойинг

ФАХР

Онам сути билан кирган
жиссимида жонсан, Ватан,
Тўқсон икки томиримда
айқирган қонсан, Ватан.
Кучогингда кўз очиб мен
макон тутдим ўзингни,
Мендан сўнг ҳам авлодимга
ўзинг маконсан, Ватан.
Кенг жаҳон тор менга сенсиз,
қоронгу ёргу кечада,
Ўзинг ёргу кундузиму,
ҳадсиз жаҳонсан, Ватан.
Ташналиқ ўртаган чоғда
сув тутдинг чаима бўлиб,
Меҳрга зор ўлсан магар
мехри уммонсан, Ватан.
Сенсиз қандай чидар экан
ватангдолар, билмам,
Гардингга зор ўлса, умас,
сен бағри қонсан, Ватан!
Жаҳонгашта бўлмадим мен,
чекмадим ҳажринг додгин,
Кечдим хориж унвонидан,
ўзинг унвонсан, Ватан.
Ватан, недан яралгансан,
мехрми ё ҳаёдан?
Балки шамсу қамар бирла
бир лой-сомонсан, Ватан,
Балки беҳишт боғларидан
олингандир тупрогинг,
Жонбахши Кавсар сувин ишиб
қад ростлагансан, Ватан.

Кўзларимнинг нури эрур
хоки пойинг тўтиё,
Аллоҳга минг шукурларки,
лабзи иймонсан, Ватан.
Ким бўпман мен? Марди майдон
ўглонларинг тургандা,
Наҳот мендек гардинг бирлан
боши осмонсан, Ватан?
Боқсам, сенда ўзбегимнинг
бор хислати мужассам,
Шундан балким нияти пок
Ўзбекистонсан, Ватан!

* * *

Яратгандан илтижоим ёлғиз сенсан,
Ўзинг асра дейман элни балолардан.
Тинч-тотувлик бўлса яшиар юрт ҳам дейман,
Акс ҳолда боши чиқмас низолардан.

Жаннатмакон бир ўлкасан ҳур ва ёвқур,
Кимлар сенинг тупрогингга кўз тикмаган.
Шоҳ Дорони чув туширган Широқдай эр,
Чингизийлар додин берид, боши эгмаган –

Аслида сен нима эдинг, сирли кишивар?
Хоразмиоҳ қўлидаги ёқут узук?
Ё тупроғи эдингми сен сим ила зар,
Ё парилар мулкимидинг – кўзи сузук?

Улугбекнинг нигоҳида Сомон йўли,
Сен Самарқанд сайёраси ҳур, чарогон.
Фақат менинг, эй шунқорим, етмас қўллим,
Сен осмонсан, толе қучган Ўзбекистон!



Баҳром РЎЗИМУҲАММАД

ЖАҶИР ЖИЛОДАРИ

Шеър ёзиш кайфият билан чамбарчас боғлиқ амал. Яъни, инсон борлиқдан таъсирланган пайтда хис-ҳаяжон оғушида ёзувга мурожаат қиласди. Шеърнинг қозога тўклиши, туйғунинг ифода тоши қаламкашнинг билимига, малакасига, эстетик дидига мутаносиб равишда такомиллашади. Яна бир жиҳат шуки, шоирлик салоҳияти ёш танламайди. Кимдир қаламга эрта ошино туинса, яна кимдир ҳаётда анча тажриба орттирганидан сўнг шеърнинг оламига кириб келади.

Ўзбекистон халқ шоири Анвар Обиджон шоира З.Нарзуллаева қаламига мансуб “Софиниб яшайман” номли тўпламига битган сўзбошисида масаланинг айнан шу тарафига диққат қилиб кўйидагиларни ёзади: “Шоира Зурафо Нарзуллаева ҳаётнинг аччиқ-чучукларини тотиб, яхши-ёмонни жиддий фарқлай оладиган даражага етигина қўлига қалам олишга жазм этиби. Бу ҳам ижодга ўзига хос тушунча, дунёқараш билан ёндашув бўлса ажабмас. Шунинг учун, унинг шеърлари анчагина мағзи тўқ. Унинг ижодида ҳаётга вазмин нигоҳ, азалий ва абадий туйғуларга эътиқод, ҳаётсеварлик каби хусусиятлар бўртиб туради”.

Ҳақиқатан Зурафо Сўзга эътиқод билан ёндашади. Унинг битикларида ҳаётга муҳаббат, тириклика шукrona келтириш туйғулари порлайди. Шоира учун меҳрнинг ўзи бир бойлик. Кўнгил шод бўлмас экан, ялтир-юлтирилардан не наф? Дунёни меҳр-муҳаббат ҳаракатга солмаганинг ахир? Бир шеърида шу ҳикматни ифода қиласди:

Осмонингда ой бўлай,
Пойларингда сой бўлай,
Меҳринг билан бой бўлай,
Айланай ёр, айланай.

“Айланиш” сўзининг луғавий маъноси бирор нарсанинг атрофи бўйлаб ҳаракат қилиш демак. Бу сўз эврилиш мазмунини ҳам беради. Зурафонинг битикларида ушбу сўз икки маънода ҳам

қўлланилган. Юқорида тўрт сатри келтирилган “Бахшиёна” сарлавҳали шеърда эркалаш маъносида ишлатилган бўлса, бир саккизлигига эврилиш маъносини англатади:

Мажнунимни топмоқ учун,
Лайли мисол шайланганман.
Вужудимга сараб учқун,
Мен оловга айланганман.

Олов – учқунлар жамулжами. Муҳаббат кўнгилга оташ солади. Шу зайлда инсоннинг кўзига ҳамма нарса чиройли кўринади. Оловга айланиш – ошиқ бўлмоқ, дийдорга интилиш демак. Лирик қаҳрамон Мажнун сари талпинади. Мажнун муҳаббати идеал муҳаббат эканлигини биламиз. Зурафо ана ўша идеал мақомидаги ишқни тараннум этади.

Унинг битикларида шодлик ва қайғу ўрин алмасиниб туради. Бир шеърида: “Чангда қолган гул йиғламоқда” деб ёзади. Яна бир шеъри “Соядаги атиргул” деб аталади. Шоира гул образи орқали кўнгил тимсолини яратади. Гул ардоқ топмагунча ҳаёт ўз мазмунига эга бўлмайди. Борлиқ уйғоняпти. Табиат гўзалликлари кўзни қувонтиради. Гул-чечак ҳиди атрофни тутган. Оллоҳ мўъжизаларига тикилиб ақл шошади. Туйғу рангланиди. Чунки тириклик, гўзаллик ботинида меҳр бор, муҳаббат бор. “Бошланди гул ҳаёти, Синди қишининг нафаси” деб лутф қиласди шоира. Нафосатнинг панада қолишини аспло хоҳламайди:

Қуёш чиқди кўк узра,
Үнгирлардан кетди қор.
Осмон ранги феруза,
Ҳаво тоза, беғубор.
Сен қачон очиласан,
Соядаги атиргул?

Ушбу шеърда таъкид “Қачон очиласан?” сўроғи устига тушмоқда. Атиргул – рамзий образ. Шоира



инсонларни табиат кўринишларидан руҳланишга чорламоқда. Бефарқлики қораламоқда. Яъни: “Яйрамасанг, кулмасанг, Нега келдинг дунёга?” Шоира қорни хунук нарса деяётгани йўқ, албатта. Фақат қордаги совуқликни образ сифатида ишлатмоқда. Унинг наздида, ҳаёт уммонини ёритиб турган жавохир – гул ранги, кўнгил тимсоли саналмиш лола бамисоли сув остида ҳам сўнмаган чўғ:

*Баҳор этагига туташган учқун,
Оламни ёндирмоқ қасдида ёнур,
Кеча-кундуз бирдек таратар ёлқин,
Чексиз уммон ичра жило топган дур –
Лолалар, лолалар, алөон лолалар.*

Шоира лолаларни гўёки бу шеърида пастга туширади. Лолалар яшил уммон остида ётибди. Сув тиниқлашгани сари қизиллиги ёқут мисоли жило топади. Яъни ялтироқлиги олис-олисларга таралади. Ҳаётнинг маъноси ўша рангларда. Бундай нозик тасвирлар ўқувчи идрок қатламларини лаззатлантира билади: “Япроқлар кафтидан симиридим шабнам”, дейди. Яна бошқа шеърида шоира лолани юқорига кўтаради:

*Ҳиллирайди қирларда лола,
Шаън жаранглар ҳаёт қўшиғи.
Шеър битаман, дилда йўқ нола,
Зурафоман, Ватан ошиғи.*

Зурафо шеъриятидаги ана ўша хилма-хилликни Анвар Обиджон ҳам таъкидлаган. “Зурафо ақлни шоширадиган, диққатни тоширадиган шеърлар ёзмайди. У ҳаётга қалб кўзи билан қараганча...

туйғуларини жимгина, оддий сўзлар билан баён этади” дейди. Тўғри, шоиранинг поэтик тили бир мунча соддароқ. Лекин айрим шеърларида бетакрор ташбиҳларни ҳам қўллади. Баёндан тасвирга ўтади. Тушунганингиз сайин тасвир жилолангандек бўлаверади:

*Қаҳрабо рангларга бўялди борлиқ,
Сўқмоқда саргардон судралар япроқ.
Қиши олди кузакнинг қўлидан ёрлиқ,
Жаранглади ёмғир қўшиғи янгроқ.*

Тўртта сатрда ҳам ҳолат акс қилдирилган: Борлиқ қаҳрабо тусига бўялди. Кейин сўқмоқда япроқ сурилади. Сўнг эса қиши кузакнинг қўлидан ёрлиқ олади (Яъни хукм юритиш рухсати ҳужжатини). Бундан кейин кузак ёмғирлари жаранглаб хайрлашади. Бундай кетма-кет ҳаракатлар ўқувчи қизиқишиларини тагин оширади. Мазкур шеър “Қишининг биринчи куни” деб номлаган.

Ватан, фасллар, дарё мавжлари ҳақидаги кўплаб шеърларида шу каби ташбиҳлар қўлланилиши шеър зоҳиридаги оддийликнинг сирли шаклда кўринишига сабаб бўлади. Умуман олганда, Зурафо эски мавзуларда ҳам янгича фикрлар айтишга интилади.

Шоиранинг шу чоққача “Танбал бой”, “Кўнгил сирлари”, “Софиниб яшайман”, “Оқдарё мавжлари” номли шеърий тўпламлари эълон қилинган. Туркум битиклари “Сўз ташрифи” баёзига киритилган. Хуллас, у ўз эстетик дунёсига эга қалам соҳибаси сифатида танилмоқда. Устоз шоирларимиз назарига тушмоқда.





Холиёр САФАРОВ

БАХОР ИФОРИ

Ҳикоя

Наврӯз арафаси. Шу вақтгача куртак чиқарыб, гуллаши керак бўлган дараҳтлар ҳамон совуқ ургандек қорамтири тусда. «Тўқсон, тўқсонинг ҳам бир кунимча йўқсан», дея ўғилларидан қаҳрланган Аямажуз ўзининг оппоқ этагини ҳамон борлиқдан йигиштиргани йўқ. Шигалаб қор ёғмоқда. Кечагина иссиқ пальтоларни ечган ёш-яланглар бугун яна қалин кийимларда. Кўчаларга тушаётган қор онасининг қайноқ бағрида бирдан ювощ тортиб қолган безори боладай эриб кетаётган эса-да, йўлакларда, уйлар атрофиди, оёқ изи тушмаган ерларда қишиянггоҳда қолган ярадор жангчидай ҳамон ўзини намойиш этмоқда.

Элбек қош қорайганда тор кўчадан уйига келдида, дарвоза олдига келиб, сигнал берди. Ҳадеганда дарвоза очилавермагач, «Телевизор кўришяптими, нима бало?» дея машинадан тушиб, дарвоза эшигини итарди. Эшик очилмади, кулф.

– Ё тавба?! – Элбек ғудранганича ўзидаги қалит билан аввал эшикни, сўнг дарвозани очди ва машинани ичкари киритди. Қўлидаги қалитларни ўйнатганча уйга қараб юаркан, аллақачон қоронгу тушган бўлса-да, уй чироқлари ёқилмаганига ҳайрон бўлиб овоз берди. – Азиза! Ҳо, Азиза!

Ичкаридан садо бўлмади. Бу вақтда аввал қизи, изидан хотини югуриб чиқар ва уни кутиб олишарди. Элбек уйга кириб, аввал даҳлиз, кейин барча уй чироқларини ёқди. Ҳатто ошхонага бориб, у ерни ҳам қаради: уйда ҳеч ким йўқ! У хавотирга туша бошлади ва кўл телефонини олиб, хотинига қўнғироқ қилди. Аппарат ўчирилган. Бир лаҳзада Элбекнинг миясига минг хил ўй келди.

– Ишқилиб тинчлик бўлсин-да... – таҳликаға тушган Элбек шундай дея қайнонасига сим қоқди, гўшак кўтарилемади. Кейин қайнотасининг уйи билан боғланишга ҳаракат қилди. Аппарат ўчирилганми, гудок кетади-ю, жавоб бўлмайди. Биргина умид –

қайнота. Элбек шоша-пиша унга қўнғироқ қилди. «Абонент хизмат кўрсатиш доирасидан ташқарида».

Мияси қотган Элбек ҳовли ўртасида у ёқдан бу ёққа юрди, кейин шартта машинасига ўтириди-да, қайнота уйига йўл олди. У ерга қандай етиб борди, Худо билмаса, ўзи билмади. Дарвоза қўнғирогини чалганда ичкаридан «Ҳози-ир» деган ингичка овоз эшишилди ва зум ўтмай эшик очилиб, семизлигидан пилдираб юрувчи қайнонанинг дўмбоқ юзи кўринди.

– Тинчликми, куёв?

Ҳар каллада ҳар хаёл. Элбекнинг юраги «шиф» этди. "Наҳотки улар бу ерда ҳам бўлмаса?"

– Невараларингиз шу ердами? – Элбекнинг биринчи гапи шу бўлди. Қайнона эса қош чимириб, у кутмаган гапни айтди.

– Уларни нима қиласиз? Юраверинг-да майшатингизни қилиб?!

– Тушунмадим? – Элбекнинг бошига болға билан урилгандек бўлди. – Нималар деяпсиз?

– Йўқолинг-е, уятсиз! – эшик қарсиллаб ёпилди ва «шарақ» этиб зулфланди.

Элбек узатган кўли қуруқ қайтган гадодай эшик ортида қолди. Мияси қизиб, калласи ўзига оғирлик қилиб кетди. У бундай муносабатлар нима учунлигини, Азиза нега ҳе йўқ-бе йўқ бу ерга келиб олганини тушунолмаётганди. У бир муддат дарвоза ортида туриб қолди ва яна қўнғироқни босди, аммо энди ичкаридан сас ҳам, садо ҳам бўлмади. У қўнғироқни қайта-қайта босди. Ана шунда яна эшик очилиб, қайнона юз кўрсатди.

– Дайди итдай уй айланманг-да, кетинг!

Элбекнинг қони қайнаб кетди, аммо куёвлик хурматини унугиб, оғиз жуфтлагунча эшик яна қарсиллаб ёпилди.

"Менга нимага бунақа деди?" – Элбек дарвозага суюниб қолди. Атрофни қоплаган зулмат унинг қалбини-да чўлғади. Ҳаво совуқ, майдалаб ёғаётган

қор парчалари бўйинларидан кириб кетаётган бўлса-да, у қизиб кетди. Юрагини кимдир омбур билан қисгандек бўлди.

У яна бир муддат шу кўйда дарвоза тагида турди-да, нима қилишини билмай, изига қайтди. Машинага ўтириши билан миясига чақмоқдек бир фикр келди-ю, пешонасига муштлади.

— Аҳмоқ! — деди у ўзига-ўзи. — Энди билдим, улар машинада Диляни олиб кетаётганимни кўришган! Ким билади, балки кеча уйига борганимдан ҳам хабардордир?! — у бошини рул чамбарагига қўйди. — Аттанг, нималар қилиб қўйдим-а?

Элбек энди бу ерда туришнинг ҳозирча фойда-си йўқлигини билди ва секин машинасини юргизди. Лойқалаган сув тингунича вақт керак. Уйга боргиси келмади, бирор ресторанга кириб ўтиришга ҳафсаласи бўлмади. Уй бошпана. Йиғлаган ҳам, кулган ҳам, қувонган ҳам, қувилган ҳам уйига келади. Элбек ҳам хаёл билан қандай уйга келиб қолганини сезмай қолди. Машинани гаражга қўйгач, уйга кирди-ю, баттар ўйга толди.

«Диля билан машинада кетаётганимни ким кўрди экан-а? У ҳам майли, Дилянинг уйига борганимдан қандай хабар топишган? Ё, тавба?...»

Боши лўқиллаб оғриётган Элбек ошхонага ўтдида, қаҳва дамлаб ичди, бўлмади. Лабига сигарета қистирганча ётоқхонасига қайтди, аммо ётгиси ҳам келмади. Диванда ўтириб, сигарета чека бошлади. Ўтиришдан толиқди, шекилли, ёнбошлаш учун ёстиқни олди. Не кўз билан кўрсинки, ёстиқ тагидан хат чиқди. Элбек шартта кўлидаги сигаретани столда турган кулдонга ташлади-ю, мактубни ўқишга тушди.

«Сизни нима деб аташни ҳам билмайман. Бевафо! Сиз хиёнат қилдингиз... Сизни севиб, кўзим сиздан бошқани кўрмай, қулогум сиздан бошқани эшиштмай тўрт ўйл ўқишингиз тугашини кутуб, ҳамто ота-онамга қарши чиқиб, сизни десам-у, олган мукофотимни қаранг. Шунчалик паст кетдингизми? Мени қўйинг, майли, уйга келганингизда қучогингизни, қалбингизни тўлдириб турган мана бу икки болангиз ҳам қўзингизга кўринмадими? Сиз Оллоҳ берган шунча қувонч, шунча баҳтни, менинг гулзоримни пайҳон қилиб, ўзга боғдан шур олма едингиз... Юзингиз буришмадими? Сиз мазахўрак бўлибсиз... Майли, энди билганингизни қилинг. Сизга ҳеч ким ҳалал бермайди, мени ва болаларни ўйлаб ҳам ўтируманг. Ўлмаган қул бир кунини кўради. Сиз баҳтли бўлинг... Сизнинг юзингиз ёруғ, қаддингиз баланд бўлиши учун ҳамиша гунг бўлдим, кўзларим кўр бўлди. Ҳамиша сизнинг баҳтингизни ўзимга саодат билдим. Майли, яна сиз баҳтиёр бўлинг, мен ҳар галгидек қурбонингиз бўлай...»

Хат мана шу ерда тугаган ва мактуб эгаси йиғлаган бўлса керак, қоғознинг пастки қисмидаги нам қуриб, ўқувчисининг юзидек буришиб, пистоқи тусга кириб қолган эди...

Элбекнинг бошидан қайноқ сув қўйилгандек бўлди. Мактубни кўлида тутиб, бошини чангллаганча

туаркан, ич-ичидан бир нарса бўғзига келиб тиқилаётганини сезди. Гўё кимдир томоғидан бўғаётгандек нафас олиши қийинлашди ва югуриб уйдан чиқиб кетди. Ташқарида ҳамон қор бўралаб ёғар, барчаси виждонга келиб тақалгандек, шамол уют қилиб, ҳовлидаги қорларни эшик олдига уради. Элбек бир лаҳза шу изифиринда туриб, гўё шу зулмат қаъридан бир нажот келадигандек олис-олисларга тикилиб қолди. Ана шу вақт ҳовлидаги эски симёғочдан бир куй таралатётганини сезди. Симёғоч ёриқлари ва электр симлари шамолдан шундай бир товуш чиқараётган эдики, бу Элбекнинг қулоқларига ҳайдалиш куий бўлиб чалинди. Бу куй шунчалар маъюс, шунчалар ҳазин эдики, юракни эзар, иймонни виждон билан ёнма-ён қўярди. Беихтиёр Элбекнинг кўз олдидан ҳозиргина қайнота уйига боргани ва шу кунгача «Элбекжон», дея тилидан бол томиб юрган қайнонанинг қандай қилиб, эшиқдан ҳайдаб соглани, ёстиқ тагидан мактуб топилгандан уни ўқиб, қай аҳволга тушгани ўта бошлади. Унинг энди яна қайнота эшигига боришига юзи, аёли нафррат ва ғурбат уруғларини сочиб кетган уйга киришга кўнгли йўқ эди.

Элбек гўё зулмат қаъридан нур ахтараётгандек номаълум бир нуқтага тикилганча эшик олдидағи зинага ўтириб қолди.

— Дадаси, нега совуқда ўтирибсиз?

Элбек «ялт» этиб, ортига қаради, аммо кўзлари очиқ, фира-шира нур тушиб турган эшиқдан бошқа нарсани кўрмади. Азизанинг овози қаердан келди, билолмади. Ана шундагина бу хаёл эканлиги, у эшик олдида анча вақт ўтириб қолгани, совуқдан аъзои бадани қалтираб кетаётганини ҳис этди.

— Ё, тавба... — Элбек шундай дея ўрнидан туриб, уйга кирди ва ўзини болалар хонасида кўрди. Хонанинг икки томонидан қўйилган икки диванда қизи билан ўғлининг кийимлари сочилиб ётар, уй эса уларсиз харидорсиз бозордай ҳувиллаб турарди.

Элбек беихтиёр болалари қаергадир чиқиб кетган-у, ҳозир чувиллашиб келиб қоладигандек туюлаётган хонага яна бир қур нигоҳ ташлади ва қизининг шкаф устида турган суратини олди. Сочлари патила-патила қизининг икки ёшлигига туширилган суратига қараб туриб, Элбек уларсиз бир кун ҳам яшолмаслигини тушунди. Кейин ўғлининг суратини олди. Бу ўғлининг бир ёшлигига туширилган сурати. Чакалоқ янги кийимларда дунёдан бехабар кулиб туриби...

Элбек гоҳ ўғлининг, гоҳ қизининг суратига қараб, ҳар бирида ўзининг энг масъуд дамларини эслади. Эслади-ю, юрагида бир санчиқ турганини сезди. Кейин суратларни олиб, ётоқхонага ўтди. У ердаги шкафда эса Азиза билан тушган суратлар бор. Тўйгача, никоҳ кунида, тўй-ҳашамларда, болалари түргуқхонадан чиқкан кунда... Бу суратларнинг ҳар бири унга гўзал турмушини эслатар, аммо бугунги вазият эса уйдан ясаниб ташқарига чиқиши билан бошига күш ахлат ташлаб кетгандек таъбини тирриқ қиласади.

Элбек шкафни очиб, барча оилавий суратлари жамланган фотоальбомни олмоқчи бўлди, аммо фикридан қайтди.

– Расм томоша қилишдан фойда йўқ, уларга қанча қарасам, шунча юрагим эзилаяпти. Ундан кўра, эрталаб яна бораман, ҳаммасини тушунираман.

Элбек шу хаёллар билан жойига ётди. Уйқу қаёқда. Ёлғизлик – бедорлик. Ёлғизлик – хаёллар сайри. Уни Азиза билан танишганидан то бугунгача бўлган хаёллар чирмовуқдай ўраб олди...

Элбек аzonдан машинага ўтириб, яна қайнота уйига йўл олди. Эшик қўнғироғи қайта-қайта босилгач, яна қайнонанинг ингичка овози эшитилди.

– Ки-им?

Элбек овоз бермади, кутди. Зум ўтмай эшик очилди ва қайнона чиқди.

– Ассалому алайкум... кечирасиз.

Саломга алик ҳам олинмади, кечирилмади ҳам – эшик ёпилди. Элбек яна қўнғироқни босди, аммо жавоб бўлмади.

– Эшикни очинг! – эшикни муштлади у. – Аввал нима бўлганини билинг, кейин мени оstonангиздан ҳайданг!

Қайнона эшик ортида турган экан, бирдан эшикни очди-да:

– Мен шунчалар эси кетган хотинга ўхшайманми? – деди. – Азизам атиргул эди, сиз уни тиканга алмаштирдингиз!

– Мен...

– Айбор одам ўзини оқламоқчи бўлади, – қайнона уни гапиришга қўймади. – Кетинг, Азиза итланган одам билан яшашни истамайди!

Эшик яна ёпилди. Калтак этни, ортиқча гап бетни қотиради.

– Гапингизга тушунмадим, аммо билиб қўйинг, мен ит эмасман, лекин оиласамга итдай вафодор бўлмаганимда оstonангизга келмаган бўлардим! – деди Элбек ҳам юзидан шарм пардасини кўтариб.

Ёпилган эшик очилмади. Элбек бир муддат эшик ортида турди-да, қайтиб машинасига ўтириди, аммо қаёққа боришини билмай қолди. Ортга йўл, олдинга юришга кўнгил йўқ. Қандай бўлмасин, муносабатларни тиклаши керак. Бир кечада паришон тортиб, чодирхаёл бўлиб қолган Элбек қўлини рул устига ёстиқ қилиб, бошини қўйиб ўтиаркан кеча ишхонада газетада ўқиб қолган нарсалари ёдига келди. Гуллар...

У тўғри гул бозорига йўл олди ва бир дона акация гули харид қилди. Сўнг дарров изига қайтди ва гулни қайнотасининг эшиги тутқичига қистирди-ю, йўлида давом этди. У қанча билимли ва қанча романтик бўлса, шунча содда ҳам эди. У ҳозир эшик очилиб, қайнонаси (аслида ким бўлса ҳам) гулни кўради ва ҳаяжонланганча Азизага олиб боради. Азиза гулни олгач, бунинг ифодасини, рамзини тушунади, деб ўйлаётганди: «Мени кечир ва айбсиз эканлигимни исботлаш учун имкон бер. Сени севаман!»

Элбек кун бўйи шу хаёлда ишлади ва Азизанинг қўнғирогини кутди, аммо на қўнғироқ бўлди, на

бир ишора. «Балки, энди қилган ишидан хижолат бўлиб, уялаётгандир... – ўйлади Элбек. – Ўзимнинг боришимни кутаётгандир?»

У шунга ишонди. Ишдан қайтишда энди гул бозоридан бир дона қизил атиргул олди. Эрталабки акация гулини қандай тўғри тушунган бўлса, бунинг ҳам рамзини тўғри англайди: «Сени севаман! Сенсиз яшолмайман!». Шу хаёл, шу ишонч ва умид билан яна қайнота уйига келган Элбек машинадан тушиши билан дарвоза ёнидаги ариқча ичидаги ётган акация гулини кўрди-ю, юраги орқасига тортиб кетди. Мактуби йиртиб ташланган ошиқдай хўрланди. Бир муддат нима қилишини билмай турди-да, таваккал қилиб, ҳозир олиб келган атиргулни эшик тутқичига қистириб қўйди...

Ўша кеч Элбек уйга ҳам сифмади. Қаерга қарамасин, болаларининг нарсалари, қайси хонага кирмасин, Азизанинг хотираси. У бир қўлига кулдонни олганча хоналар бўйлаб сигарета чекиб юрди. Сўнг ётоқхонага кирди-да, шаффдан альбомларни олди. Элбек ҳамон масаланинг моҳиятига етмасдан кимнингдир ғийбатига ишониб, уйдан кетиб қолган ва онасини қалқон қилиб олган Азизага тушунмаётганди.

«Қўнғироқ қилсан жавоб бермайсан, уйларингга борсам, итдай қилиб, оstonадан ҳайдайсизлар? Сизларга нима бўляпти ўзи? Бир мартағина ўзинг чиқиб, ҳол сўрашга мадоринг ёки қароринг йўқми? – Элбекнинг саволлари жавобсиз эди. Қайнота уйига бир қулф осилган-у, унинг калитини тополмаётганди. Бу ишларни ўзидан бошқа ҳеч ким билишини истамаган Элбекнинг негадир хўрлиги келди. – Ўзим курган бинони ўзим йиқитмайман!»

У альбомдаги суратларни кўраркан, беихтиёр энг баҳтиёр лаҳзалар муҳрланган расмларни ажратиб олаётганини сезиб қолди. Қараса, анчагина бўлиби. У энди ажратилган суратларни энг кўзга ташланадиган жойларга – эшик ва деразага, шкаф ва телевизор устига қўйиб, шкаф ва коридордаги ойналарга ҳам ёпишириб чиқди. Кейин ўзига-ўзи деди:

– Уларсиз менга ҳаёт йўқ! То улар уйга қайтмагунча бу суратлар мени ғазаб билан нафратдан ҳимоя қилиб, умид бағишлиб туради...

Азиза болаларни олиб кетиб қолган бўлсада, энди улар гўёки шу ерда эди. Элбек уй ичидаги майда қадамлар ташлаганча бир-бир суратларни томоша қилиб чиқаркан, яна хотираларга берилиди: Азиза билан қандай танишгани, эҳтиросли муҳаббати, қизи туғилган, онаси вафот этган кунлар, ўғли туғилганда йиғлаганлари, машина сотиб олганида «Шу кунларни ота-онам кўролмади...», дея меҳмонхонада осиғлиқ турган суратларга қараб армон қилганлари, ўшанда Азиза унинг елкаларини силаб, «Дадаси, ўкинманг, армонсиз одам борми? Энди ҳаётимиз, айтган сўзимиз ва қилган ишларимиз билан уларнинг рухларини шод қилайлик...» деганида, югуриб ташқарига чиқиб кетгани, ўқисиб ўқисиб йиғлаганларини эслади...

– Айтганларинг билан қилганларинг тўғри келмай қолди-ку, Азиза? Нега менга ишонмаяпсан?



Элбек хаёлларга берилганча диванда шифтга тикилиб ётди. Бир маҳал усти очиқ ухлаб қолибди. Туш кўрибди. Тушида хотини билан буғдойзор оралаб кетаётган эмиш. Унинг қўлида бир даста лола, аммо Азиза гулни олмасмиш-у, юзини яшириб, «пик-пик» кулармиш. «Атрофимиз тўла гул, узуб бермасангиз ҳам, буларнинг барчаси менга эканлигини биламан!» дермиш. «Билсанг нега юзингни яширасан?»

Элбек гапириниб уйгониб кетди. Қараса, ҳеч қандай буғдойзор йўқ, диванда ётибди. Терлаб кетибди. Дераза томонга нигоҳ ташлади, тонг ёрияпти...

Элбек эрталаб яна гул бозорига борди-да, энди бир даста атиргул харид қилди. Қайтиб, қайнота уйига келса, яна ҳар галгидек эшиклар қулф, аммо атиргул йўқ. Элбек машинага қайтди-да, блокнотдан бир варақ ииртиб олди ва ёэди. «Ҳар куни бегуноҳ эканлигимни айтиш учун келишим сизларга айбими ни ювиш учун келаётгандек туюлаётганини билмаган эканман! Мен бир ғарига яхшилик қилиб, ўзимнилардан ёмонлик кўрдим. Уйга келганни ит қопмас. Сизлар мақолимни ҳам ер билан битта қилдинглар. Майли, шуни маъқул кўрибсизлар, сизлар айтгандек бўла қолсин!»

Элбек қофозни бувлаб гулдаста ёнига қистирдида, аччиқ устида девордан ошириб, ичкарига отиб юборди. Сўнг ишга кетди.

Орадан уч кун ўтди. Ердаги қорлар эриб, замин тани анча исиди. Деворларигача ухлаб кетган уйларга ҳам бир ҳарорат ингандек бўлди. Элбек бу кунларда на қайнота уйига борди, на гул харид қилди, уларнинг бирортасига қўнғироқ ҳам қилмади. Фақатгина эрталаб ишга кетишдан олдин ва ишдан келганида уй ичидаги ҳар қадамда, ҳар сонияда ҳеч бир нарса оиласи ва фарзандларидан устун эканлигини эслатиб турувчи суратларга қараб чиқар, қўнглидан нелар ўтаётганини ўзидан бошқа бирор билмасди...

Тўртинчи куни кечқурун одатдагидек ишдан қайтишда кўчадан овқатланиб, уйга келса, чироқлар ёни. Машинани гаражга қўйгач, оstonадан кирса, бўсағада бир қатор оёқ кийимлар. «Келишибди...», беихтиёр севиниб кетди у. Шу пайт ичкари уй эшиги очилди-ю, қизчаси югуриб чиқди.

– Дадажо-он?!

Элбек қизини кўтариб олди, бағрига босди.

– Сизни соғиндим... – бидирлади ҳеч нарсадан бехабар қизча.

Элбек жигарбандини янада қаттикроқ қучди, аммо уйга киришни ҳам, кирмасликни ҳам билмай

қолди. Шу вақт ичкаридан ўғлини кўтариб, Азиза чиқди.

– Ассалому алайкум, дадаси... – аёл шундай деди-ю, нигоҳлар тўқнашиши билан кўзларини олиб кочди. – Мени кечиринг... Ҳамма айб менда.

Элбекнинг қизини қучган қўллари, аъзои бадани қизиб, ич-ичидан ёнғоқдек бир нарса келиб, бўғзига тиқилди. Бир Азизага, бир суратлар осилиб турган деворга қаради.

– Киринг...

Элбек худди бегона уйга кираётгандек секин қадам ташлади. Ичкари кирса, уй ўртасида қайнонаси турибди.

– Ассалому алайкум...

– Тилим курсин, куёв, – деди қайнона алик олишни ҳам унугиб. – Бизни кечиринг, ҳамма айб менда. Қизиқонлик қилибман. Суриштириб билдим, ҳақиқатдан сизнинг бўлимингизда ишлайдиган ўша аёлни эри бир ногирон боласи билан ташлаб кетган экан. Тез-тез тоби қочиб турадиган бу болага аммаси қаараркан. Ҳаммасини билдим, ўғлим. Мени кечиринг.

Элбек ҳеч нарса демади, аммо уларнинг ёнида ўтиришга юзи чидамади. Энди кийимларини алмаштириш баҳонасида чиқиб кетмоқчи эди, қайнона деди:

– Элбејжон, мен эси кетган хотинни кечиринг. Сиз юборган гуллардан ҳам мақсадингизни тушумабман. Уларни Азизага кўрсатганим ҳам йўқ. Аммо садоқатингизга, сабрингизга қойил қолдим. Сиздан у дунёю бу дунё розиман. Ҳаммаси жойида эканлигидан бошим кўкка етди. Энди мен борай, бу ерда туришга ҳолим йўқ...

– Э...

Қайнона куёвни гапиришга ҳам қўймай эшикка чиқди.

– Сизни олиб бориб қўяман, – деди Элбек.

– Йўқ, такси билан кетавераман.

– Қўйсангиз-чи, ўзим ташлаб келаман, – қайнонасининг нега қолишини истамаётганини билган Элбек машинани олиб чиқди.

Улар йўл-йўлакай бир оғиз ҳам гаплашмадилар. Фақат машинадан тушаётгандага қайнона деди:

– Ўтган беш кун давомида кўнглингиздан нималар ўтди, билмайман, аммо Азизанинг ҳам ийғламаган куни бўлмади. Овқатини мажбурлаб едирдим. Ўзларингизга қаранглар, сиз ҳам озиб кетибсиз...

Элбек ҳеч нарса демади, бош чайқаганча изига, уйига қайтди. Димоғига ажиб бир баҳорий ифорурилди.





Абдуғани СУЛАЙМОН

Үмр бу – вақтингча берилган имкон

ЎЙЛАРИМ

Тарих йўлларини уйготар хаёл,
Гоҳ кўксимда фигон, гоҳ дилда сано.
Широқнинг муazzам овози мисол,
Ҳайқириб ўтади шоҳ Бобур Мирзо.

Тўмариснинг ўткир шамишири янглиғ,
Дониш даҳоларни очганда очун.
Ғанимлар бағрига санчиб ўтди тиз,
Темур қадамидан сачраган учқун.

Буюк жасоратлар кетмади беиз,
Улар мангуликка бўлдилар пайванд.
Дунёни ўзига чўқтирганча тиз –
Мардлар сулоласин берди Самарқанд.

Сўзлашиб юлдузлар билан Улугбек,
Бўлганда самовий сирга мұяссар.
Ўзин кимлигини кўрсатиб ўзбек,
Юксалди Ҳазрати Навоий қадар.

Неча азобларга берганча бардош,
Ўзбек эгилмади ганим қошида.
Магрур турди гарчи кўзларида ёши,
Охир қуёши кулди унинг бошида.

Ҳурлик машъалини кўтарган Сардор,
Буюк истиқболга бошлар халқини.



Озодликни кутиб яшадик бедор,
Барҳаёт қил Тангрим миллат баҳтини.

Аллоҳ назарига тушиган Ватанда,
Озодлик күйини чалди ҳақиқат.
Эзгулик гуллари кулган чаманда,
Юрт яшар фаровон, дилда муҳаббат.

Бахт боғин боғбони, бу юрт Сарбони,
Халқ қалбига солди умид ва ишонч.
Жўши уриб Темурдан меросий қони,
Элга бағишилади баҳт ила қувонч.

Яшаб ҳур диёрда, озод замонда,
Қилмай бўлармикин айтинг-чи шукр.
Орзуларим кулган Ўзбекистонда,
Сарбонга бош эгиб дейман ташаккур.



ШУКР ҚИЛСАНГ

Ҳаётда имконинг бўлиб турганда,
Бошингга баҳт қуши қўниб турганда,
Ҳарчандки толеинг кулиб турганда,
Тақдир ўйинин ҳам ўйла, унумта.

Үмр бу – вақтингча берилган имкон,
Бой берган ҳар онинг ўзингга душман.
Қадрла уни, сўнг қилмагин пушмон,
Тақдир ўйинин ҳам ўйла, унумта.

Абдугафур МАМАТОВ

Махзун кечаларнинг ялдоси Дўйдиш




* * *

– Сизни ташлаб кетаман, – дединг,
Узокларга, жуда олисга.
Унумайлик ҳаммасин, дединг,
Шовқинлардан кетиб холисга.
Шошиқалоқ бу шаҳар куну тун,
Автолардан чарчайди кўзлар.
Самоларга боқасан дилхун,
Тилга кўчмай чўкади сўзлар.
Тўхта, кетма бўлиб оввора,
Узоклардан излаб тасалли.
Мен ёнингда турибман гарчи,
Кўнгил сендан олисда... асли.

* * *

Қайсар эдим, қайтолмас эдим...
Дардим пинҳон, айттолмас эдим...
Кулоқ солмай қўйдим
Қалбимга.
Ўз-ўзимни алдадим...
Бироқ айттолмадим буни ҳеч кимга.
Севгим ўзинг, сирдошим кўзинг...
Изн бермай истакларимга,
Хукм этар “йўқ” деган сўзинг.
Аросатда умид дарбадар,
Синиб тушар тоқатим бир-бир.
Сенинг ўша кетишларингни,
Қандай қилиб унумай ахир?
Ҳижронларинг азобларидан
Пажмурда дил, пажмурда кўнгил.
Келгин яна баҳорларимга,
Келгин яна, ифорга тўлай.
Исён қилган кулгуларингни
Оғушида жон таслим қиласай...



* * *

Мени ўйланг...
Яшин каби ёногингиздан
Бўса олиб ўтса шабода,
Кўнглингизда хавотирми ё,
Орзиқишилар бўлса мабодо
Ўша менман...
Мени ўйланг,
Ухламасдан йўлимни пойланг.
Тонгда қўёш кулса чарақлаб,
Чўчимасдан тоза нурлардан,
Ўзни олманг ундан нарига,
Ўша менман...
Мени ўйланг,
Шамол бўлиб, роз бўлиб келган,
Баҳор бўлиб, ёз бўлиб келган.
Ҳам куйу, ҳам соз бўлиб келган,
Ўша менман...



СОФИНЧ

Неча йиллар ўтди, бу чўғ сўнмади,
Ўзимни овутдим, бироқ кўнмади,
Сабрим тўлиб кетди, кўнглим тўлмади,
Мен сени барибир согинавердим.
Айтмолмаган сўзинг садоси бўлдим,
Кўнгил қўргонингни гадоси бўлдим,
Махзун кечаларнинг ялдоси бўлдим,
Бироқ сени мудом согинавердим.
Тақдир тошлирига урилар бошим,
Нураб борар аста сабру бардошим,
Токи мен тирикман, кўкда қўёшим...
Мен сени барибир согинавердим.



Абдужалол РАХИМОВ

ОДАМЛАР

Фантастик ҳикоя

Осмонда ликопчасимон ғаройиб учар жисм пайдо бўлди. Лекин буни ҳеч ким пайқамади. У бир қўриниб, бир қўринмай паствлай бошлади. Зум ўтмай, пахта даласидан анча узоқда, кимсасиз қирлар ортида ғойиб бўлди.

Учар ликопча ўтлари сувсизликдан қовжираган майдонга қўнди. Бу техник қурилма қўринишидан ўта мустаҳкам маъдандан ишланган бўлиб, бирорта тирқиши қўринмасди. Ногаҳон қобиги қуёш нурида эриб кетаётгандек бўлди. Ундан ялтироқ кумушранг кийимдаги пакана одам балиқ сингари сузиб чиқди. Оёғи ерга теккач, атрофга аланглади. Куз қўёши қиздираётган даштда ҳеч кас қўринмади. У енгил одимлаб рўпарадаги қиртепага кўтарила бошлади. Йўл-йўлакай қовжираган ўт-ўланларга эгилиб қўлини теккизib борди. Қип-қизил мевалари қоқи бўлиб қолган ковул олдида узоқроқ тўхтади. Уни сувсиз қир-адирда яйраб палак отган ўсимлик ҳайратга солди. Кафтидан ковулнинг яшил поясига ипакдек нозик нур юборди. Нур қайтганда ажабланди: “Ковулнинг томири роппа-роса ўн беш қулоч ер остига кириб бориби. Бу нозик ўсимлик қандай қилиб шунчалик чуқур намликка етиб борди?».

У бир зум шуларни ўлади. Қўлида кумушранг игна пайдо бўлди. Эгилиб, уни ковул баргига санчди. Диққат билан билагидаги мосламанинг мониторига тикилди ва ҳайратдан кўзлари катта-катта очилди. Мониторда ковул пояси, меваси, томири таркибидаги бирикмаларнинг узундан-узоқ рўйхати қўринганди. Пакана одам ковулнинг ушбу сайёра аҳолисида учрайдиган нафас қисиши, ошқозон, жигар хасталикларига даволигини тушунди. Оғриқ қолдириш, гижжа ҳайдаш, яраларни битиришида фойдаланса бўларкан!

“Ҳали бу ўсимликнинг сирлари очилмаган, – деган хulosага келди у. – Ковул сайёрадаги ғаройиботлардан бири! Тўғри, у бундан аввал Ернинг Шарқ қисмида қизил кедр дараҳти иғнабаргларида кучли антибиотик борлигини аниқлади. Ҳиндистонда ёмғир ёғишидан дарак берувчи, Грузияда ер остида гуллайдиган ўсимликларни ҳам учратди. Лекин сувсиз қирда ўсан ковул бу сайёра одамлари учун табиби ғайбнинг ўзгинаси! Ажаб, улар қандай одамлар?”

Пакана саволига жавоб излаб узоқдаги пахта даласига қаради.

* * *

Пахта терими айни қизиган пайтлар эди. Кун тикка келган. Дала шийпонида Эргаш билан Зулхумордан бошқа ҳеч ким қолмади. Ишчилар овқатланиб, катта пайкалнинг этагига тушиб кетишиди. Аёллар фермер хўжалиги ажратган автобусда марказлаштирилган боғчага жўнашди.

Зулхумор радиодан берилиб қўшиқ эшитарди. Ёнига Эргаш келиб ўтириди. Беихтиёр ҳаракат билан дўпписини тўғирлаган бўлди-да, Зулхуморнинг қўлини ушлади.

– Жим! – дея қиз қўлини тортди. – Жим! Эшитинг, Ботир Зокиров ашула айтяпти. Бирам яхши кўраман!

Зулхумор ашула оҳангига мос тебрана бошлади.

– Кимни? – қизни гапга солмоқчи бўлди Эргаш.

– Ботир Зокировни-да... ашуласини.

– Мени-чи? – Эргашнинг қуёшда қорайган бақувват қўллари қизни икки ўрим соchlарига тегажоқлик қила бошлади.

– Мен бошқача яхши қўришни айтяпман, – лабини бурди қиз. – Тавба, қўшиқ эшитасизми, йўқми? Сизниам болалик аёлларга қўшиб жўнатиш керагиди.



Зулхумор ўзининг ҳазилидан завқланиб қулиб қўйди.

– Ҳали вақтлироқ-да, – оғзининг таноби қочиб деди йигит. – Кейин... сиз билан бирга кўриб кела-вераман.

Зулхумор гапидан пушаймон бўлди. Юзи ловлов ёниб, ўрнидан турди. Деворда осиғлиқ радионинг овозини кўтарди. Хонанда юракларни сел қилиб кўйларди: интизор ошиқ ёрини зор-зор бўлиб чорлаяпти. Унга чаманларни, кўйлаётган булбулларни ҳадя этади. Эргаш ҳам борган сари қудрати ортиб бораётган соҳир овозга қулоқ тутди...

Шу пайт бехосдан радио ўчди. Зулхумор алам билан симни тортқилади.

– Вой, қуриб кетгур-еј, – куйиниб типирчиларди қиз. – Қаранг, Эргаш ака, бунга бир бало бўлди. Энг яхши кўрган қўшигимиди-я!

Эргаш завқланиб Зулхуморга тикилиб турганида радиодан асабга тегувчи чийиллаган, тўриллаган овозлар эшитилди. Шовқин тингач, кимдир уларнинг исмларини айтиб чақирди:

“Эргаш! Зулхумор! Бизни эшитяпсизларми?”

– Вой! – чўчиб тушди Зулхумор. – Бу нимаси, Эргаш ака, эшитдингизми?

– Эшитдим, – ажабланди Эргаш ҳам.

Радиодан яна бояги товуш эшитилди:

“Эргаш! Зулхумор! Бизни эшитяпсизларми? Жавоб беринг!”

Бу ғайритабии ҳолатдан Зулхуморнинг томоғи қақраб қолди. Атрофга аланглаб ҳеч ким йўқлигига ишонч ҳосил қилгач, ҳайрати ортиб, Эргашнинг елкасига суюнди. Бундан дадилланган йигит атрофга аланглаб қаради-да:

– Эшитяпмиз, – деди секин. Кейин ошхонага кириб бир пиёла сув олиб чиқди.

“Яхши! – дўриллади бояги овоз. – Қўрқманлар, биз ҳозир сиз-з-нинг ҳузурингизга борамиз”.

– Сиз кимсиз ўзи?! – Зулхуморни сўрига етаклаётган Эргаш яна атрофга аланглади.

Шу лаҳзада шийпон олдида паст бўйлик, буғдорнанг юзли одам пайдо бўлди. Уни кўриб Эргашни эти жунжикиб кетди. Пакананинг бошида бир тола ҳам соч йўқ. Бир жуфт қоп-кора кўзлари силлиқ юзининг роппа-роса ярмини эгаллаган. Қаттиқ қимтилган ингичка лаблари нах қулогигача этади. Эгнидаги ялтироқ кумушранг, учувчиларнига ўхшаш кийими даланинг енгил шабадасида сирли шатирлайди.

– Қўрқманг, биз Кавсар сайёрасидан учиб келган-мизз. Биз ўзга сайёралик меҳмон! – Унинг дўриллаган овози эшитилди.

Орқасини ўтириб ўтирган Зулхумор овоз келган томонга ялт этиб қаради. Қаради-ю, шу заҳоти Эргашнинг сув тутиб турган кўлига ёпишиб олди. Пахта гулли пиёладаги сувнинг ярми ерга тўкилди. Эргаш сувнинг қолганини Зулхуморга ичирди.

– Ким бу, қўрқяпман?! Жон Эргаш ака, юринг, тезроқ дам олиш хонасига кириб қулфлаб оламиз!

У Эргашга илтижоли термулди. Зулхуморнинг моҳваш чехрасига қараб йигитнинг меҳри жў sheddi.

Билинар-билинмас титраётган қўлини бошига қўйиб, соchlарини силади:

– Қўрқманг, Зулхумор, мен ёнингиздаман!

Эргаш олдинга ўтиб Зулхуморни пана қилди.

– Ҳой, ростингизни айтинг, кимсиз ўзи? “Бизбиз” дейсиз. Бир – ўзингиз-ку, у ерда?

Эргаш қизни пана қилганини кўриб Пакана кулди. Беўхшов лаблари орасидаги майдада тишлари ялтираб кетди.

– Биз Кавсар сайёрасидан, ўзга сайёралик, – жавобини қайтарди. – Марказ элчиси мен билан бирга. – У кўлидаги қутичанинг ёниб-ўчаётган қизил тугмасига ишора қилди.

– Хўп, сизга нима керак? – Эргаш янги унган майсадек майин мўйловини қишлоқ йигитларига хос бир ҳаракат билан силаб қўйди.

Пакананинг овози радиодан эшитилаётганини энди пайқади. Гапираётганида лаблари қимирламасди. Айрим сўзларни жуда тез талаффуз қилар, баъзан нимагадир тутилиб қоларди. У қуёш нури акс этиб ялтираётган кийимини шилдиратиб бир-икки қадам олдинга юрди.

– Тўхтанг! Зулхумор қўрқяпти, – деди ўжарлик билан Эргаш.

– Яхх-шши! – У жойида тўхтади. – Саволингизга жавоб бера-манд. Бизз Марказз топшириғи билан Ер сайёрасини ўрганамизз. Пахта ўсимлиги. Фермер-ларр ҳақида маълумот тўплаймизз.

– Унда, фермерга учрашинг-да, олдин.

– Сизлар билан сухбатлашамизз. – Пакананинг лабида табассумга ўхшаш бир ифода жилва қилди.

– Майли! – Эргашниям дангалчилиги тутди. – Мухбирга ўхшаб савол берасиз-да? Мана, Зулхумор энг зўр теримчи! Биз ҳозирча, оддий сувчи... Сўрайверинг, беҳижолат... Ҳафа бўлманг-у, савол-жавобни тезроқ битирсан, ака. Шу десангиз, тушунасиз-ку, Зулхуморхонга бир-икки оғиз гапим бориди. Ҳозир аёллар келиб қолишади...

Пакананинг лабларида яна табассум пайдо бўлди:

– Ях-ши қўрасиз?

– Ҳа-да, – жилмайди йигит.

– Истайсизми, бир зумда тўй бўлади?

– Йўқ! – хитоб қилди шу пайтгача терс ўгирилиб жим ўтирган Зулхумор. – Қизик одам экансиз, унақаси бўлмайди.

– Бизда ҳаммаси тез бажарилад-ди, – дона-дона қилиб дўриллади Пакана.

– Бизда ундеймас, – секин пичирлади қиз.

Пакананинг гапи Эргашга маъқул тушгандек бўлганди. Жилмайиб ҳам қўйди. Лекин Зулхуморнинг эътирози ўйлантириди: “Бу ўзга сайёраликка ишониб бўладими! Шундаям Зулхумор билан муносабатлари бинойидек. Бу одам ораларини бузуб қўйиши ҳеч гап эмас.” Ҳаммасини тарозига солиб, Эргаш шундай хуласага келди.

– Ҳа, – дея Зулхуморнинг гапини тасдиқлади. – У ёғини ўзимизга қўйиб беринг, ака.

Пакана жим бўлиб қолди. Чамаси, у Марказ билан боғланди.

– Пахта тер-яп-сиз? – деди кейин.
 – Ҳа-да! – “Шуниям сўрайди-я” дегандек йигитнинг энсаси қотди.
 – Қа-чон ту-гай-ди?
 – Кузнинг охирларида. Об-ҳаво яхши бўлса, ҳаракат қиляпмиз.

– Истайсизми, бир зум-да те-риб оласиз?

Эргаш Паканага ажабланиб қаради. Дўпписини қийшайтириб бошини қашиб турди-да, “Қанийди!” деди.

Пакана шу заҳоти қўлидаги кутичанинг тугмасини босди. Кўз очиб юмгунча пахта ортилган ўнлаб тележкалар дала йўлига тизилди. Эргашнинг ҳуши бошидан учди. Уч-тўрт қадам олдинга юриб, ўн олти гектарлик пайкалга қаради. Ҳозиргина оппоқ чаноқлар бодроқдай тизилган ғўза туплари шипшийдам бўлиб қорайиб қолганди. Йигитнинг тилига калима келмасди. Зулхуморни олдига қайтиб, секин елкасидан ушлади:

– Қаранг!

Зулхумор ҳаммасини кўрган ва ажабланиб ёқасини ушлаб турарди. Эргашга муnis нигоҳ билан боқди:

– Йўқ, бунақаси кетмайди! – деди жиддий.

Эргаш ҳам Паканага қараб “йўқ” ишорасини қилди.

– Нима уч-чун? – ажабланди Пакана.

– Бунақаси қизигамас, ака, – деди Эргаш. – Ўзимиз терволамиз, ўрганиб қолганмиз. – Яна бир оз тараадудланиб турди-да, қўшиб қўйди: – Икки ой бекор қоламиш-ку? ... Терим тугаса Зулхуморни аяси далага чиқармайди, – Эргаш ҳазилга ўтди.

– Ха-ха-ха-ха! – Пакана дўриллаб кулди.

У бир оз “ха-ха-ха”лаб турди. Кейин қўлидаги кутичанинг тугмасини яна бир марта босди. Шу заҳоти шийпон қаршисидаги пахта ортилган тележкалар кўздан йўқолди. Рўпарадаги пахтазор оппоқ чаноқларга бурканди.

– Иш бунақа бўпти, – деди Эргаш кўнгли жойига тушиб. Кейин сўрига, Зулхуморнинг ёнига ўтириди. – Келинг, ака, бир пиёла чой қуйиб бераман. Ана ундан кейин саволингизни бераверасиз.

Пакана беўхшов бошини сарак-сарак қилди:

– Маълумот етарли. Марказ тас-диқ-ла-ди!

Сиз-з шундай одам-млар-ки!..

– Қандай?

Эргашнинг гапи оғзида қолди, Пакана ерга кирдими ёки осмонга учдими – бирдан ғойиб бўлди.

Эргаш шийпондан югуриб чиқиб, атрофга аланглади. Асфалътланган майдонга ёйиб қўйилган пахта қуёш нурларида қўзни олиб товланади. Радиодан Ботир Зокировнинг сехрли овози тараалмоқда... “Боғимга ноз ила ёр кел, қувноқ овоз ила ёр кел...”. Эргаш шийпон томонга ўгирилди. Зулхумор берилиб қўшиқ тингларди.

У секин қиз томонга юрди.

* * *

Пакана яна ўзи баргига игна санчиб кетган коувул олдида пайдо бўлди. Игнадан билагидаги қабул қилиш мосламасига ҳамон ахборот оқими қўйилиб келарди. Бу ахборотда ковул гулининг таркибидаги дармондорилар, илдизининг шарбати одамларда қон ивишини тезлатиши ва яна аллақанча омиллар бор эди. Айниқса, ковулдан саратон касаллигининг олдини олиш ва даволашда, инсон умрини узайтиришда фойдаланиш мумкинлиги уни лоп қолдирди...

Пакана бу ахборотларни сайёра одамларига етказмоқчи эди. Эргаш ва Зулхумор билан учрашганидан кейин фикридан қайтиди. “Бу сир-синоатларни яқин орада одамларнинг ўзлари ечишади” деган хуносага келди.

У ковул баргидаги игнани суғуриб олди. Кейин пастга, учар ликопча томонга одимлади.





Алишер ТУРСУНОВ

Ҳаёлингга томчидек томсам



* * *

Сени согинганман, зорлик ичраман,
Кўнгилга қил сизмас, торлик ичраман.
Э воҳ, умидимнинг кўзлари сўқир,
Кошки эди билсанг, кўрлик ичраман.

Унумман, Сен учун унумт замонман,
Юракман кераксиз, ўксик армонман,
Саробга талпинган чорасиз жонман,
Шамолман қўнимсиз – хорлик ичраман.

Кўнгил дилга малҳам сўзинг истайди,
Мехри жонимга жон кўзинг истайди,
Баҳорингу ёзинг, кузинг истайди,
Бир лаҳза ёд этгин – борлиқ ичраман.

Истаклар чўғ қалар юракка,
Ҳаёлим шамолдек изингда...
Орзулар гулидан ранг олган,
Розингда яшасам, розингда...

Руҳимни титратган хуши номим
Ўқилса, бор бўлсам сўзингда...
Ёндириса нигоҳинг оташи,
Аксимни кўрсайдим кўзингда...

Ҳар лаҳзанг, ҳар даминг мен бўлсам,
Кун кўрсам баҳт бўлиб рўзингда...



Айланиб умрингда қувончга,
Күёшдек порласам юзингда.

Бирим дунёнгни тўлдириб,
Колсайдим ёнингда – ўзингда...
Ҳаётинг ёритган нур бўлиб,
Яшасам қалбингда – ўзингда...

Ҳаёлингга томчидек томсам,
Мавжларида оқсайди ёдим.
Ўйларингда тонгдек уйгонсам,
Ёғду каби ёғсам, Ҳаётим.

Кўзларингга санчилиб қолган,
Нуқта бўлсам, нишон бўлсайдим.
Ҳаёлингга беркиниб олган,
Ягона бир инсон бўлсайдим...



* * *

Излаб таскин тополмадим ҳеч,
Руҳимда куз, гаминг сўлдириди.
Ой юзлигим, куним бўлди кеч,
Дийдорсизлик мени ўлдириди.
Армонгулим, эй алвон гулим,
Мехр кўрмай топарман ўлим.



Дилобод КАРИМОВА,
АДУ тадқиқотчиси

Сатира сөзлери

Мұхтарам Президентимизимиз таъқидлаганларидек, “Адабиёт, сүз саңғати азалдан халқ қалбининг ифодаси, ҳақиқат ва адолат жарчиси бўлиб келади”. Шунинг учун ҳам мустақиллик йилларида мамлакатимизда адабиётга, маънавиятга эътибор кучайтирилди. Буни юртимизда маънавиятимизнинг ғоят мухим ва узвий қисми бўлган адабиётни ривожлантириш, шоир ва ёзувчиларимизнинг эзгу меҳнатини қадрлаш ва муносиб рағбатлантириш бўйича амалга оширилаётган ишлар мисолида ҳам яққол кўришимиз мумкин. Энг мухими, бадиий адабиётимиз мавзулар кўлами жиҳатидан ҳам, жанрлар нуқтаи назаридан ҳам ранг-баранг бўлиб бормоқда. Жаҳон адабиёти дурданалари билан бўйлаша оладиган асарлар яратилмоқда.

Шоир ва ёзувчиларимиз ҳамда драматургларимиз бугунги авлодларнинг фидокорона меҳнати, бунёдкорлик салоҳияти, замондошларимиз маънавий-руҳий дунёси, ҳаётга кириб келаётган ва ҳал қилувчи кучга айланяётган ёшларимизнинг пок орзу-интилишлари ўзининг теран бадиий ифодасини топган янги асарлари билан халқимизни қувонтиromoқда.

Бошқача қилиб айтганда, ўзбек адабиёти намоёндаларининг асарларида замон нафаси уфуриб турибди. Ўзбек адабиёти энг жонли ва таъсирчан, илфор, ўткир, бадиий юксак адабиётга айланмоқда. Бунда шубҳасиз, сатирик асарларнинг ҳам ўрни беқиёсdir.

Маълумки, барча ёмон иллатларни, камчилик ва нуқсонларни фош этишда ва уларга қарши курашишда, шу билан бирга, яхши нарсаларни улуғлашда сатира жамиятда ғоят катта рол ўйнайди.

Ўз навбатида ўзбек сатираси илдизлари ҳам узоқ ўтмишга қараб кетади. Ўзбек халқида сатира ва юморнинг илк намуналари дастлаб ҳалқ оғзаки ижодида пайдо бўлган, кейинчалик тараққий этиб ва ривожланиб ёзма адабиётга кириб келган. Шундай қилиб, сатира фольклордан, биринчи адабий ёдгорликлардан ўтиб, Навоий, Турди, Махмур, Гулханий, Ҳозик, Муқимий ва Завқийларнинг ижодларида яратилди ва ривожлантирилди.

Ўзбек сатирасида Ҳамза, С.Айний, А.Қодирий, F.Фулом, А.Қаҳҳор, Сўғизода, А.Мажидий, Сайд Аҳмад, Х.Тўхтабоев каби ижодкорлар янги босқични бошлаб бердилар.

Сатири инкор этиб бўлмайди. Сатири инкор этувчилик ҳақида Абдулла Қаҳҳор шундай деб ёзган эди: “Сатира ўтига учраган киши, – виждони бўлса, одамларнинг юзига қаролмайди, виждони бўлмаса, оғзидан кўпик сочиб, ёзувчининг кетидан болта кўтариб югуради”. Ҳолбуки, ҳалқ сатири севади, ҳақиқий сатирик асарларни ўқиб, маза қилиб, ҳордиқ чиқаради, яйраб кулади. Сатирик ҳикоялар, фельветонларни, масал ва пародияларни, сатирик қисса ва романларни ўқишни истамайдиган инсонлар топилмаса керак. Ҳамзанинг “Майсаранинг иши”, F.Фуломнинг “Тирилган мурда”, “Шум бола”, Э.Воҳидовнинг “Олтин девор”, X.Тўхтабоевнинг “Сарик девнинг ўлими” каби асарлари ана шундай асарлар сирасига киради.

Ўзбекистон Қаҳрамони, таникли шоир Эркин Воҳидов сатира соҳасида ҳам ажойиб намуналар яратиб, ҳалқни кулдириб келаётган ижодкорлардан. Мисолга шоирнинг биргина ҳалқона сюжет ва ҳалқ оғзаки ижоди намуналарида илҳом олиб ёзган “Донишқишлоқ латифалари” ва “Кулги мушоиралари” шеърий туркумларини олиб кўрайлилек. Бу шеърлар ўзининг теран мазмунни, кенг мушоҳадаси, ҳаётий ҳикматларга ва кулгига бойлиги билан алоҳида ажралиб туради.

Эркин Воҳидов ўз ижодида сатирага алоҳида эътибор қаратган. Боиси шоир ҳаётда учраб турадиган камчилик ва нуқсонларга ҳеч қаҷон бефарқ қараб тура олмаган. Буни унинг “Кулги мушоиралари” туркумида яратилган “Кўчаман” шеърида ҳам кўришимиз мумкин. Ушбу шеър қаровсиз қолиб кетган, одамлар ва транспорт қатновида қийинчалик туғдираётган кўча тилидан баён қилинган. Шеърда шўроларга хос боқибегамлик каби иллатлар қаттиқ танқид остига олинган. Кўча тилидан шоир қуйидагиларни баён қиласди:

Кўчамен дер бўлсан, эвоҳ,
Кўплар айлаб иштибоҳ.



*Билмадим, рост кўчадурмен,
Ёки ёлғон кўчамен.*

Ачинарлиси, “қанчаларнинг кўзларига чанг-ғубор” тўлдираётган, “қанчаларнинг этигини тортиб олғон” ушбу кўчага қарайдиган масъул киши йўқ. Бoisи икки туман ўртасида жойлашган бу кўча бепарволик, ободонликка эътиборсизлик туфайли қаровсиз қолиб кетган. Шоир бундан афсусланиб кўча тилидан шундай деб ёзди:

*Бир томоним у раёну
Бир томоним бу раён,
Бошлиғим кўп, кўп аросат –
қолган кўчамен.
Айлади жарроҳи горгаз
Воҳки, кўксим чок-чок,
Ким қачон тиккай бу заҳмим,
Мангу ҳайрон кўчамен.*

Шоир ёшлар тарбиясига алоҳида эътибор беради. Европа маданиятига тақлид қилиб, миллйликни унтугнларни қаттиқ танқид остига олади. Э.Воҳидовнинг сатирага мойил “Бошиндадур” шеъри фикримизнинг далилидир. Шеър куйидаги сатрлар билан бошланади:

*Ўн саккиз минг олам ошуви
Падар бошиндадир,
Не ажаб, чун ўғли онинг
Ўн саккиз ёшиндадир.*

Шундан сўнг шоир “най мисол шим кийган,” сандикдайин туфлиси билан, “Хурпайиб турган саватдек” сочи бўлган бебош мода курбони устидан кулади. Бир замон ўзгаларнинг фарзанди устидан кулган отанинг боши бугун эгик, ўзлининг қилмишларидан ерга кириб кетгудек уялади. Раҳмат ўрнига таъна тошлари эшитган ота дардини кимга айтишини билмайди. Шоир эса бу ҳолатдан:

*Йўқ ажаб, ёшиликда ўғлин
Ота ардоқлаб, суйиб.
Эркалаб бошига кўйди,
Ул ҳамон бошиндадир,*

дека хулоса чиқаради. Ҳақиқатан ҳам, Европа маданияти деб ҳамманинг кулгисига қолган, ўзлигини унугтан, миллатимизга хос иш тутмаган бундай бебош ва одобсиз ёшлар йўқ дейсизми? Буларнинг бари оиласидаги тарбияга боғлиқ. Зеро, ҳалқимиз “Куш уясида кўрганини қилиди”, “Эркалатса онаси, талтаяди боласи” деб бежиз айтмаган. Шунинг учун ҳам Э.Воҳидов сатира тигини ана шундай иллатларга қаратиб, отоналарни огоҳликка даъват этади.

Э.Воҳидовнинг “Насиҳат”, “Манфаат фалсафаси”, “Эски ҳаммом, эски тос”, “Кексалик гашти” каби шеърлари ҳам мавзунинг долзарблиги билан ўзбек ҳажвий шеърияти дурданалари ҳисобланади.

Эркин Воҳидовнинг “Донишқишлоқ латифалари” туркуми ҳам ўзининг долзарблиги, юморга бойлиги билан эътиборга молиқдир. Донишқишлоқлик Матмуса ҳозиржавоб ва шу билан бирга ўта айёр ҳам. Бу туркум ҳақида Э.Воҳидов шундай деб ёзди: “Донишқишлоқ

латифалари”ни ўқиб ҳамма кулади. Ваҳоланки, мен уларни алам билан ёзганман. Ақл-идрокка зид, тескари ишларимиз эл бошига ғурбат келтириб ётгани сир эмас-ку! Косаси тескари қурилган чархпалаклар камми? Ўзимиз яратган қолипларни тандирдай кийиб олиб, йўлни кўролмай, осмонга қараганча кетаётган ҳолларимиз йўқми?”

“Донишқишлоқ латифалари”ни ўқисак, кенгроғ фикр қилсақ, ҳаммамиз катта Донишқишлоқнинг минглаб Матмусаларига ўхшаймиз.

Матмусанинг қишлоғи, Матмусанинг қалпоғи, Матмусанинг рассомликка қизиқиб қолиши, хуллас, “Донишқишлоқ латифалари” туркумидаги қайси шеърни олиб кўрманг, уларнинг ҳар бирида жуда долзарб мавзу қаламга олинганига гувоҳ бўласиз.

Матмусанинг қишлоғига шоир шундай таъриф беради:

*Донишқишлоқ қаерда?
Ўзимизнинг томонда,
Ўша қишлоқ ҳалқидек
Доно ҳалқ йўқ жаҳонда,
Ақл кўплук қилса, бош
Ёрилади деб ҳалак –
Бошлирига донишлар
Кийиб юрар чамбарак.
Содда деманг уларни,
Улар содда бўлмайди.
Қулдирса ҳам сизларни
Ўзлари ҳеч кулмайди.*

“Матмусанинг уйланиши” шеърида оиласа бе-писандлик билан қараш, қизлар тарбиясига бепарво бўлиш шўро давридаги шаҳарликлар учун қанчалар кўнгилсизликлар олиб келганлиги қаламга олинади. Шеърда ҳикоя қилинишича, олис шаҳарга борган Матмуса бир пари пайкарни кўриб севиб қолади, у санамга уйланиб қишлоғига қайтади. Бироқ жононнинг ой-куни яқинлиги маълум бўлади. Ҳамма “Биз бир йилча кутардик, Матмусанинг хотини чиқиб қолди ударник” деб бармоқ тишлаб қолади. “Зарбдорлик”нинг бу сири “Донишгазет” мухбирининг хабари билан ҳамма ёқка ёйилади. Оқибатда “Янгиликка – катта йўл!”, “Тўққиз ойни – уч ойда!” деган бемаъни шиорлар пайдо бўлади. Матмуса эса ҳайъатларда “Биз ундоқ, биз бундоқ” деб кеккайиб ўтирадиган бўлади. Шоир бу билан бирор меҳнатни қилиб, бошқаси обрў олиши, қолаверса, бу уятли ҳолат жамиятга зид эканлигини кўра-била туриб уни танқид қилиш ўрнига, бу кўнгилсиз ҳолатга кўнишиб қолган инсонлар устидан боплаб кулади.

Хуллас, ҳалқона сюжет ва юмор асосига қурилган “Донишқишлоқ латифалари” туркумига кирган ҳар бир шеърда оғриқ нуқталаримиз бўлган жиддий муаммолар тилга олинади ва кескин танқид қилинади. Булар шуни кўрсатиб турибдики, шоир ўзининг бебаҳо лирикаси, “Олтин девор” каби ичакузди драмалари биланлана эмас, балки ўзининг сатирик шеърлари билан ҳам китобхон қалбини забт этди ва ўзининг юморга бой асарлари билан жамиятимиздаги иллатларга қарши фаол курашиб келмоқда.



Росемори БОРДЕР

ПИАНИНО

Ҳикоя

«Жаноб Антони Эванс концерт беради».

Бу сўзлар театр эшигига ёзиб қўйилганди. Бино деворида эса жаноб Антонининг пианино билан тушган катта сурати... юзлаб томоша мухлислари чиптахона қаршисида турнақатор тизилиб туришибди. Лекин менда алоҳида таклифнома бор, чунки мен мухбирман – концерт олдидан машхур пианиночи билан суҳбатлашишим лозим. Таклифномани назоратчига кўрсатиб, театр ичкарисига кирдим. Кейин зиналардан кўтарилиб, пардоҳона томон йўл олдим. У ерга етиб боргунимга қадар бу машхур пианиночи ҳақида ўйлаб кетдим. Мен ҳатто бир оз чўчирдим ҳам. Ниҳоят пардоҳона қаршисида тўхтадим. Эшикнинг катта олтин юлдузаси бор эди. Қўнгироқни чалдим, эшикни узун бўйли, анча кексайган, малла кўзлари кулиб турувчи бир киши очди. Ҳа, бу ўша машхур ва маълум пианиночи Антони Эванс эди. У қора шим ва оқ қўйлак кийган, сочи силлиқ қилиб тараалган эди.

– Менинг исмим Салли Хилл, – гап бошладим мен.

– Айтишингизнинг ҳожати йўқ, – у менинг ҳужжатимни кўриб жилмайди. – Сиз мухбирсиз. Қайси газетада ишлайсиз?

– «The Sunday Times»да, жаноб.

– Жуда яхши газета. Киринг, марҳамат! Бемалол саволларингизни бераверинг. Биз ҳам қачонлардир ёш бўлғанмиз, ахир, тўғрими, Линда? – шундай дея у ёнидаги аёлга ўтирилди. Аёл менга дўстона кўзларини тикиб жилмайди. «Бу Эванс хоним бўлса керак», ўладим мен. Ва кўрсатилган жойга ўтириб дафтаримни очдим.

– Жаноб, Антони, менга ўзингиз ҳақингизда гапириб берсангиз. Сиз мусиқачилар оиласида тарбия топганмисиз? Худди Моцартга ўхшаб пианино чалишни учёшдан бошлаганмисиз? – сўрадим.

Пианиночи жилмайди, сўнг жавоб берди:

– Йўқ, йўқ, азизим. Мен оиласидан чиқсан илк пианиночиман. Ва биринчи марта пианино чалганимда 14 ёшда эдим. – У менинг ҳайронлигимни кўриб деди – концертгача оз қолди, лекин мен унгача сизга ўтмишимни гапириб бераман...

* * *

Тони тез-тез мусиқа эшита олмасди. Унинг оиласи қамбағал ва бундай одамларда мусиқа тинглаш имконияти бўлмасди. У пайтларда радио ёки телевизор каби нарсалар йўқ, аммо шаҳарчаларда концерт бўлиб турарди. Бироқ, камбағаллар у ерга ҳам боролмасдилар. Баъзан итальян мусиқачи шаҳарга келарди. Унинг ғилдирак аравачасида кичик пианиноси бўлар, пианино устида эса озгининга маймун ўтиради. Унинг мусиқасини эшитиш учун одамлар уйларидан чиқар, шунда маймун консерва банкасини ушлаганча одамлар атрофида айланарди. Мусиқачи эса «бизга эҳсон қилинглар», деб қўшиқ айтарди. Лекин маймун қайтиб келганда консерва банкаси доим бўш бўларди. Мусиқачи бошини сарак-сарак қилганча ўйлида давом этарди. Мактабда эса Тони мусиқа дарсларини интиқиб кутарди. Чунки бу пайтда Тони дўстлари билан худди қушлар каби куйлардилар. Мусиқа ўқитувчиси Ларк хоним соат 12 да пианино қопқонини кейинги ҳафтагача ёпарди ва «хайр» деганча чиқиб кетарди.

Тони мактабни тугатгач, шаҳарчадан иш топа олмади. Бир куни онаси уни эрта саҳар уйғотди. Улар текин автобусга чиқишидни ва олис йўл юришиди. Автобусдан тушишгач:

– Юрақол, Тони, – деди онаси. Улар қуёш тифида, пиёда икки чақирим йўл босишиди. Йўл ёқасида оқ ва сарик гуллар очилиб ётарди. Тони бу ерга қизиқиб қолди. Чунки уларнинг шаҳарчасида на дарахт бор эди, на гул. У адирлардаги сигирларга қаради. «Умримда ҳақиқий сигирни кўрмагандим», деди ўзига-ўзи. Жўжалар дон излаш билан овора. Семиз, оппоқ мушук эса деворда турганча, уйқусираган кўзлари билан уларни кузатарди. Ойиси уни фермага етаклаб келганини энди тушунди. Шу пайт рўпарадаги уйдан бир эркак чиқиб келди. У оиласидан эски дўсти жаноб Вуд эди. Тони илгари бу кишини кўрмаганди.

– Салом, Бетти, сени кўрганимдан хурсандман. Хатинг учун раҳмат. Ишларинг қалай? – жаноб Вуд худди минг йиллик қадрдонлардек сўзлашарди. Улар анча суҳбатлашишиди.



Тони эшик ёнида турарди. У ўзини негадир ноқлай сезар, уйга кетгиси келарди.

– Бу сенинг ўғлингми, Бетти? – сўради жаноб Буд.

– Ҳа, унинг исми Антони, лекин биз Тони деб чақирамиз. У икки ҳафта олдин мактабни битирди. Тони жуда тиришқоқ, илтимос унга иш беринг. Биласиз, олтита фарзандимиз бор, биз пулга муҳтоҳмиз.

Жаноб Буд Тонига ўгирилди.

– Хўш, йигитча, фермада ишлашни хоҳлайсанми?

Тони шаҳарчани эслади. Дўконда ишлаш шовқинсурон, заводлар бундан баттар эди. Қачон қараса, у ердаги ишчиларнинг юзлари касалникидек оппоқ, заҳил бўлади. У юзлари офтобдан қизарганча жилмайиб турган ғайратли фермерга қаради.

– Хоҳлайман!

Антони чиндан ҳам кучли, бақувват ва анча тиришқоқ эди.

Жаноб Буднинг Линда исмли яккаю ягона қизи бўлиб, ота қизини жуда севарди. Аммо доимо ўғли бўлишини жуда-жуда истарди. Тони кечгача тиним билмасди. Кечқурун унинг елкалари, оёклари оғрирди. Шу сабабдан ёстиққа бош қўйиши билан қотиб ухлаб қоларди. Тони овқатдан қисилмасди: жаноб Буд етиштирган мазали мева ва сабзавотлардан ер, истаганча сут ичарди. Эски кийимларини эса, тўплаган пулига қўшиб уйига-укаларига юборарди. Тони уйига кам бораарди. Шунинг учун унинг бориши ҳам, қайтиши ҳам байрам бўларди.

Жаноб Буднинг оёқ кийимлари фабрикасига эга бир оғайиниси бор эди. У икки ўспирин ўғли Пит ва Жоннинг катта бизнесмен бўлишини орзу қилар, шу боисдан ўғилларининг сяги меҳнатда қотсин деб, фермер хўжалигига ишлаш учун юборарди. Бу йилги мактаб таътилида ҳам Пит ва Жон фермага келишди.

– Мен фермер бўлмоқчиман, – деди Пит Тони билан танишиб олгач.

– Ҳа, – деб Жон унинг гапини маъқуллади. – Фермерлик дунёдаги энг зўр касб!

– Лекин сизлар бу ерга факат таътилда келасизлар, холос-ку? – Тони ҳайратини яшиrolмади. – Ёз эса доимий эмас, қуёш ҳамиша чиқавермайди. Фермерлар қишида қўйналишади.

– Лекин бу иш сенга ёқади-ку? – деди Жон кулимсираб. У ҳақ эди. Тони фермани севарди.

Ёзинг жазирама кунларида болалар ўт ўришарди. Қуёш аямай қиздирап, иссиққа чидаб бўлмасди. Уша иссиқ кунларнинг бирида Жаноб Буд уларнинг олдига келди.

– Болалар, сизларга бир иш бор, – деди у ва ўтлоқ ёнидаги омборхона томон юрди.

– Унинг ҳамиша бизларга «бир иши» бўлади, – деди Пит унинг ортидан мугомбirona кўз қисиб. Тони ва Жон кулиб қўйишиди.

Фермер омбор эшикларини ланг очди.

– Янаги ҳафта менинг янги машинам бўлади, – тушунтирган бўлди жаноб. – Омборхонани эса гараж қилмоқчиман. Бу ердаги ҳамма нарсани олиб чиқиб улоқтириб юборинглар. Кейин яхшилаб тозаланглар. Янги машинамнинг уйи бу.

Жаноб Буд жўнаб кетди. Болалар омборда тўлибтошган нарсаларга ҳайрон бўлиб қараб қолишиди.

– Бу иш кўп вақтни олади, – деди Тони омборни айланаркан.

– Ҳа-а. – Жон уни маъқуллаган бўлди.

Тони буюмларга бир-бир қааркаркан, бурчақдаги катта, чанг босган кути дикқатини тортди.

– Нима бу? – сўради Тони.

– Пианино, – Жон буюмга яқинлашиб жавоб қилди.

– Пианино! – Тони ҳаяжон билан Жоннинг сўзларини қайтарди. Сўнг шошиб кўйлагини ечиб, пианинонинг чангини артди. Тонининг кўзи ундаги турли хил қушлар, гуллар, баргларнинг суратига тушди. Улар қоронғу омборда худди чарақлаб турган ўлдузларга ўхшарди. Тони пианино қопқоғини очиб, клавишларга ҳавас билан тикилди.

– Биз буни ташлаб юборолмаймиз! Бундай қиломаймиз! – деди сўнг ҳаяжон билан.

Ака-укалар бир-бирига қараб елка қисишиди. Тони эски стулни пианинонинг ёнига қўйиб ўтиради. Бармоқларини клавишларга теккизиши билан кўзларини юмди. Унинг хаёлида ёдида қолган мусиқалари бир-бир тақорлана бошлади. Бармоқлари клавишлар узра ўз-ўзидан ҳаракатлана бошлади.

– Мен буни чала оламан, – деб ўйларди Тони. – Менга ҳеч ким ўргатмаган бўлса-да, миям бармоқларимга нима қилишни айтяпти. Мен мусиқа чала япман!

Дарҳақиқат, пианинодан ажиб бир куй тарапларди. Жон ва Пит куй оҳангидан маст бўлгандай жойларида қотиб туришарди.

– Бу қайси куй? – сўради Пит Тони бармоқларини клавишлардан олгач.

– Билмайман. – деди Тони бўшашиб.

Шу пайт эшик томондан овоз келгандай бўлди. Учала боланинг кўзи баравар эшикка қадалди. Остонада бўйчан, озғин, унча чиройли бўлмаса-да, истараликкина Линда Буд узун, жигарранг соchlарини ўйнаб, ширин жилмайиб турарди.

Тони айб устида кўлга тушгандек қизариб ерга қаради.

– Нега тўхтадинг? – сўради қиз оҳиста.

– Тугатдим, – жавоб қилди Тони ердан бош кўтаришади.

– Қаранглар, – деди Линда ҳеч нарса бўлмагандай шодон қиёфада ичкарига киаркан. – Ойим сизларга тушлик бериб юбордилар.

Ҳаммалари овқатланишга киришишиди.

– Чалишни кимдан ўргангансан, Тони? – Линда пианинога ишора қилиб, Тонига боқди.

Тони кир оёқ кийимларидан кўз узмай жавоб берди:

– Ҳеч кимдан. Мен чалишни билмайман.

– Алдама, – қиз кулимсиради. – Бизнинг мактабда ҳам пианино бор. Муаллимдан анча-мунча нарса ўрганишга ҳаракат қилганман, аммо сенчалик чалолмайман. Сен чалган мусиқани биламан. У «Яшил ўтлоқ» деб номланади. Буни менга ўргатсанг яхши бўларди...

– Қандай қилиб? – Тони ҳайрон бўлди. – Мен ноталарни билмайман. Бизнинг мактабда ноталарни ўргатишмасди... – Тонининг ёдига мусиқа ўқитувчisi Ларк хоним тушди. Унинг дарсларини эслаб жилмайди. – Биз сешанба кунлари қўшиқ куйлардик, холос.

У ўйчан тарзда пианино қаршиисига борди. «Мен буни албатта ўрганаман», – деди ўзига-ўзи. «Бу ҳақида жаноб Вуд билан гаплашиб кўришим керак».

Кечки овқатни Тони хаёлчан тановул қилди. У ўзининг идишларини ювиб, эшик томон юрди.

– Йўл бўлсин? – сўради Жон чой ҳўплар экан.

– Жаноб Вуд билан пианино ҳақида гаплашишим керак, – деди Тони ортига бурilmай.

Хонадон соҳибларининг ҳаммалари ўз юмушлари билан банд. Вуд хоним Линданинг кийимини тикиб ўтирас, қизи хиргойи қилганча, матога гул расмини соларди. Жаноб Вуд эса одатича «Фермерлар ҳафтаномаси»ни ўқиш билан машғул. Эшикнинг оҳисати чертилгани уларнинг диққатини бўлди.

– Киринг, – деди жаноб Вуд газетадан бошини кўтармай.

Тони эшиқдан кириб, хонадагиларга бир-бир кўз ташлади. Сўнг бир оз ботинмайроқ сўз бошлади.

– Жаноб Вуд, омборхонада эски пианино бор экан...

– Ҳеч нарсани эшитишни хоҳламайман, – деди фермер кескин оҳангда.

– Эшитишни истамайсиз? – Тони беихтиёр жанобнинг сўзларини такрорлади. – Ахир пианинони ахлатга ташлаб юборолмаймиз.

– Менга машинам учун жой керак. Шунинг учун пианинони ташлаб юборасизлар, вассалом, – деди жаноб Вуд ва майнинроқ оҳангда қўшиб кўиди. – Бугун жуда оғир кун бўлди, сенам чарчагандирсан, борақол. Мен бир оз газета ўқимоқчиман.

Вуднинг оҳангидан Тони бир оз дадилланди.

– Лекин пианино...

– Ўша алмисоқдан қолган пианино ҳақида эшитишни истамайман, – дедим сенга! Бор, жўна! – деди Вуднинг жаҳли чиқиб.

Тони бир сўз демай хонадан чиқди.

Ака-укалар Тонининг қовоқ-тумшуғи осилиб қайтанини кўришиб, масаланинг ижобий ҳал бўлмаганини тушунишиди.

– Биз сенга ёрдам берамиз, – деди Пит олдин Тонига, кейин Жонга қараб.

– Қандай?

– Пианинони жаноб Вуднинг юқ машинасига жойлаймиз, бу албатта вақтинча, кейин бир гап бўлар.

Ҳаммага бу гап жўяли туюлди ва улар пианинони базўр кўтаришганча машинага жойлашди. Сўнг ҳаммалари тинч уйқуга кетишиди.

* * *

Эртасига улар яна ўт ўриш билан банд эдилар. Туш пайти улар чанқашиб сув идишларига кўл чўзишиди.

– Ие, тугаб қолибди-ку? – деди Жон ҳафсаласи пир бўлиб.

– Уйга боргандан кўра яқин-атрофдан қидириб кўриш керак. Ахир анави ерда макtab бор-ку, у ерда албатта сув бўлади, – деди Пит ақлидан қувониб.

– Мен бориб келаман, – Тони шундай деб идишларни олди ва макtab томон кетди.

У макtab атрофини айланниб қувурни тополмади. Макtab эшиги олдига борди. Итариб кўрганди, очилиб кетди. Кичкина ошхона, бурчакда артезиан сувининг

жўмраги кўзга ташланди. Тони жўмракни бураб, қўлини тутди. Аввалига илиқ, сўнг танани яратадиган муздек сув шариллаб тушди. Тони ютоқиб сув ичгач, мактабни айлангиси келди. Бунга кўп вақт кетмади. Чунки макtab биргина синф хонасидан иборат эди. Хонадаги кичик стол-стуллар, таътилга кетган болаларни кутган-дек жимгина туришарди.

– Ўқиш сентябрда бошланади, унгача ҳали икки ой бор, – ўйлай кетди Тони. – Пианинони шу ерга қўйиб турсам бўлади-ку! Макtab бошлангунча яна бир иложи топилар...

Тони хаёлига келган фикрдан қувониб, идишларни сувга тўлдириди-да, болалар олдига шошилди.

– Талқон еб, сени сувга юбориш керак экан-ку! – Пит кулди.

– Мен пианинони қўйиб турса бўладиган жой топдим! – деди Тони қувончини яшиrolмай макtab томон ишора қиларкан.

– Аҳмоқ бўлма, – деди Жон кўл силтаб. – Ўқитувчи уришади.

– Қандай уришади, ахир у таътилда-ку? – Тони Питга ўгирилди. – Сен ҳам ҳозир таътилдасан-ку, тўғрими?

– Тўғри.

– Мактабнинг эшиги очик, ҳатто қоровули ҳам йўқ. Сизлар менга ёрдам берсаларинг, пианинони мактабга олиб кириб қўярдик.

Ака-укалар бир-бирига маъноли қарашибди. Сўнг маъқул дегандай босирга шўнгигиб кетишиди.

Вуд хоним йигинга кетганлиги учун кечки овқатни Линда тайёрлаганди.

– Болалар, – деди қиз стол устига идишларни қўяр экан, – отамнинг юқ машинаси сизларда экан...

Улар савол назари билан бир-бирига қарашибди. Ҳали улар пианинони кўчиришмаганди. «Наҳотки, Линда сезган бўлса? Отасига айтса, ҳамма уринишларимиз зое кетадими энди?» деган саволлар кўнглидан ўтди уларнинг. Учловон Линданинг юзига бақрайиб қарашибди.

– Мени қишлоққа ташлаб қўя олмайсизларми? Дугонам Кетрин касал экан, кўриб келмоқчи эдим...

– Бажонидил ташлаб қўямиз, лекин...

Тони сўзини охирига етказмай, ўрнидан турди. Хонани бемақсад айланди. Сўнг Линданинг кўзларига тикилганча, бор гапни айтиб берди. Линда Тонини дикқат билан эшитгач, жилмайди.

– Сени тушундим, Тони. Менам сизларга ёрдам бераман.

Болалар қизни Кетриннинг уйига ташлаб ўтдилар.

– Соат тўқиздан кечикмай уйда бўлинглар, – деди Линда улар билан хайрлашар экан. – Дадам сешиб қолиши мумкин.

Уч ўспирин тасдиқ ишорасини қилишиб, босирга шилтади. Пианинони мактабга жойлаштириш оғир бўлди. уни машинадан тушириб, синфа олиб киргунларича, қора терга ботишиди. Пианинони девор олдига кўйишиди.

– У мана шу ерга ярашади! – деди Пит. Сўнг клавишларни бирин-кетин босиб кўра бошлади. Хонани шовқин, ғалати овоз босди.

– Сен уч йил пианино дарсига қатнагансан, аммо чалган мусиқангни қара. Агар шуни мусиқа деб аташ



мумкин бўлса... – дер экан Жон Тонига юзланди. – Бизга бирор нарса чалиб бер.

Тони стулга ўтирди. Кўллари клавишлар устида ўз-ўзидан ўйнай бошлади. Мусиқа унинг миясига қўйилиб келарди. У ўзга оламда учиб юрарди... Дўстлари эса дикъат билан тинглашарди.

Ёз Тони учун мароқли кечди. Ҳар куни овқатдан сўнг Линданинг велосипедини миниб мактабга борар, мириқиб пианино чаларди. Кеч тушиши билан яна фермага қайтарди. Ишдан бўшаган пайтларда эса Линдаданnota ўқиши ўрганарди.

– Ну осон экан, – деди у Линдага. – Ноталар бармоқларга нима қилишни айтаркан.

– Тўғри.

– Линда Тонининг сўзларини яхши англамаган бўлса-да, уни қувватлаб. – Қара, мана бу – итальянча мусиқа.

Тони ноталарни тез ўрганди. Бунда Линданинг яхши ўқитувчи эканлиги иш берди. Ну дарслар Линданга ҳам, Тонига ҳам ёқарди. Тони бора-бора бу дарслардан сўнг юрган йўлида хиргойи қилиб юришга одатланиб қолди. Ундаги янги одатни биринчи бўлиб, Вудхоним пайқади.

– Менимча, Тони кимнидир севиб қолган, – деди у Линда билан кечки овқатни ҳозирлар экан.

Линда жилмайиб кўйди.

* * *

Жаноб Горден қишлоқ мактабининг якка-ю ёлғиз ўқитувчиси эди. У ўз ишини, айниқса болаларни жуда севарди. Шунинг учун ўзидағи бор билимни болаларга беришга ҳаракат қиласарди. Мактабда пианинонинг йўқлиги жаноб Горденнинг кўнглини бир оз ўқитарди. Аммо у бунга кўпам парво қиласермасди. Пианиносиз ҳам ўз шогирдлари билан берилиб қўшиқ айтаверишарди.

Ёз кечаларининг бирида жаноб излаган китобини ўйидан тополмади.

– Эсладим, – деди у қўл силтаб. – Мактабда қолган. Мактаб узоқ эмас, тезда бориб келсан бўлади.

У боф орқали мактабга кириб борди. Чўнтағидан калитни қидирди, лекин тополмади. Қараса, мактаб эшиги очиқ. (Тони мактаб чироғини ёқмасди, чунки кимдир уни кўриб қолишидан кўрқарди).

– Эҳ, қариллик қурсин, – деди у бosh чайқаб. – Эшикни қулфлашни унутибман-ку! Ичкарида кимдир бор... Менимча, у ўғри! Энди нима қилдим-а?

Жаноб Горден турли хаёллар билан эшиқдан ичкарига ҳатлади. Ичкаридан мусиқа товуши эшитиларди. Жаноб Горден сесканиб кетди. Аммо хурофотдан нари одам бўлгани учун яна бир-икки қадам ташлади. Деразадан таралётган ойнинг ёғдусидан хона бир оз ёришиб турарди. Жаноб Горденнинг кўзи пианино олдида ўтирган болага тушди. У бехосдан оёғи остидаги стулни тутиб юборди. Стулдан чиқкан товуш етарли бўлди: пианинонинг овози шу он тинди.

Тони ўрнидан сакраб турди ва кескин орқасига бурилди.

– Илтимос, полицияга айтманг, – деди у титраб. – Мен ҳеч нарса ўғирлаганим йўқ.

– Хўп, хўп, – деди муаллим тутила-тутила. – Аммо сен кимсан? Ну ерда нима қилиб юрибсан? – Горден столга суняди.

Тони олдида турган одамнинг ҳайриҳоҳлик билан гапираётганини сезди. Шу сабабли унинг саволларига батафсил жавоб берди.

Жаноб Горден фермага келиб, Вудлар билан бафуржга сухбат қурди.

– Тонида катта истеъодод бор, – деди у сухбат поёнида. – Қирқ йил ўқитувчилик қилиб унга ўхшаган болани учратмаганман. У мусиқа дарсларига қатнаши керак, кейин Лондонга... Мусиқа коллежида таълим олиши, кучли мусиқачилар билан ишлаши лозим.

– Лекин унинг оиласи жуда ночор яшайди, – жаноб Вуд тушунтирган бўлди. – Улар Тонининг ҳатто мактабда ўқиши учун ҳам пул тўлолмайдилар. Ну ерга ҳам Тони ишлаб, уйдагиларига ёрдам бериш учун келган.

– Булар ҳал бўладиган масала, – жаноб Горден хуш кайфият билан ўрнидан турди. – Ўтган кеча мен мактабга бориб, ажойиб бир мусиқачи билан танишдим. Унинг учун қанча кўп маблағ ажратсан, шунчалик курсанд бўлардим.

Бу гаплар жаноб Вуднинг иззатига тегди.

– Йўқ, – деди у қизариб, – Тони яхши бола. Ундаи ўғлим бўлишини жуда-жуда хоҳлардим. Тонининг оиласи камбағал бўлса-да, биз ночор эмасмиз.

– Тўғри, – Вуд хоним кескинликни юмшатиш учун ташаббусни қўлига олди. – Биз Тонини ўз ҳисобимиздан коллежга ўқиши юборамиз.

– Баракалла, хоним, – деб Горден енгил таъзим қилди ва Вудга қараб қувноқ оҳангда давом этди. – Демак, мусиқа дарслари биздан, колледжа ўқитиш сизлардан!

Ҳаётини буткул ўзгартириб юборган бу сухбатдан фақатгина машина юваётган Тонигина бехабар эди.

– Жаноб Горден эртадан бошлаб сенга мусиқадан сабоқ беради!

Фермернинг бу сўзларини эшитиб, Тонининг кўзлари порлаб кетди. Аммо сал ўтмай бўшашиб бош чайқади:

– Менда ўқиши учун пул йўқ.

– Мен у билан гаплашдим, сендан ўқитгани учун пул олмайди. Ҳар куни соат тўртда мактабга борасан. Икки соат шуғулланиб, фермага қайтасан.

– Ишим-чи?

– Мен бошқа ишчи топарман, – деди жаноб Вуд Тонининг елкасига қоқиб. – Эвазига биринчи концертингдан учта чипта берасан!

Тони барвақт турар, уй юмушларини бажарар, соат тўртда машғулотга шошарди. Жаноб Горден унга мусиқага оид китобларни мутолаа учун берарди. Баъзан Тони уларни ўқиган ҳолда ухлаб қоларди. Ва тушига ҳам мусиқа киради. Дараҳт баргларини тўқди, қиши ҳам келди. Тони дарсдан қайтгунча қоронғу тушарди, баъзан қалин қор ёғарди. Тони мактабга пиёда қатнаса-да, бирорта дарсни қолдирмасди. Жаноб Вуд муаллимдан Тонининг ўзлаштириши ҳақида сўраб турарди. Горден эса ундан ниҳоятда мамнун эди.

Дараҳтлар яшил либосга бурканди. Баҳор келди.

– Ёзда мусиқачилар танлови бўларкан, – деди Горден бир куни Тонига.

– Биз ҳам томоша қилгани борамизми? – қувонди Тони.

– Йўқ, Тони, мен томоша қиласман, сен эса унда иштирок этасан. Мен сенинг номингни ҳам ёздириб келдим.

— Қандай?! – Тонини ҳаяжон босди.

— Шундай. Сен унда қатнашасан. Сен билан бирга дунёниг машхур мусиқачилари ҳам иштироқ этадилар.

Тони ўзи учун берилган таклифномани кўрди.

— Ҳеч ким мени Антони демайди-ку? Нега улар Тони деб ёзишмаган? – Тони устозига савол берди.

— Тони ёш боланинг исми. Антони катталар номи. Тони Эванс-ферма боласи. Антони Эванс эса мусиқачи! Бир кун келиб сен жуда машхур мусиқачи бўласан. Номинг дунёни тутади. Мен сени бугундан бошлаб Антони деб атайман.

* * *

Танлов куни улар бир оила бўлиб, жаноб Вуднинг машинасида шахарга боришиди. Вуд хоним Тонини дўконга бошлади. Улар жигарранг костюм-шим ва оқ кўйлак сотиб олишиди. Сўнг хоним уни пойабзал дўконига олиб кирди. Бу дўкон Жон ва Питнинг отасига қарашли эди. У Тонига янги оёқ кийим совға қилди. Туфли жуда бежирим ва чиройли, Тонига ҳам, хонимга ҳам жуда ёқди. Фақат у Тонига бир оз кичик келди. Аммо у хонимга ҳеч нима демади. Жоннинг отаси Тонининг елкасига қоқаркан, далда бериб кўйди:

— Исламни танлов дастурида ўқигандим. Антони Эванс-жарангдор исм. Омадингни берсин!

Улар танлов ўтадиган бинога қараб йўл олишиди. Бино олдида жаноб Горден уларни кутиб турарди. Вудлар ўз жойларига ўтиришгач, у Тонини саҳна ортига бошлади. Жуда кўп мусиқачилар ўтирган хонага олиб киргач, устози Антонига кўл узатди:

— Сенга омад тилайман! – дея хонани тарк этди.

Антони ўтириб узоқ кутди. Туфлиси аёвсиз оёғини қисарди. Қўллари эса муздек эди. Бир оздан сўнг пианинонинг овози эшитилди. Антони ҳамма нарсани унуди: пианинонинг сеҳрли овозига берилди. Унинг хаёлини фақат ҳар ўн-ўн беш дақиқада кириб, кимнингдир исмини айтадиган йигитнинг овозигина бўларди. Ниҳоят:

— Жаноб Эванс, сизнинг навбатингиз! – деди йигит Антонининг олдига яқинлашиб.

Антони ўрнидан турди. «Оҳ, оёғим! – деб ўйлади у йигитнинг ортидан энгашиб бораракан. – Худди Чарли Чаплинга ўхшаб юраяпман. Ҳамма устимдан кулаётган бўлса керак.»

У томошабинларга қаради. Устозини ҳам, Вудларни ҳам кўра олмади. Лекин уларнинг меҳрини, севинчларини ҳис қилди. Оёғи оғриқдан, қўллари музлашдан тўхтади. Бармоқларини пианино клавишларига оҳиста қўйди. Бу пианино мактабдагидан анча катта эди. «Мен чалишим керак! Ахир бу ерга шунинг учун келганман.» – деди ўзига-ўзи. Бармоқлари клавишлар

устида ўйнаб кетди. Антони қаршисида ўтирган минглаб одамларни ҳам, ўзини ҳам унуди. У дўстлари, оиласи учун чалди, Вудлар учун, Линда учун чалди. Жаноб Горден учун ва албатта Ларк хоним учун чалди... «Хозир қаердасиз, Ларк хоним? Тони Эвансни эслайсизми? Менда мусиқага меҳрни сиз ўйғотдингиз! Сиз мени унутсангиз ҳам, мен сизни ҳеч қачон унумайман. Раҳмат сизга!»

Гулдурос қарсаклар янгради. Антони мусиқани туғатганини шунда сезди.

— Бу ҳаётимдаги энг баҳтли куним бўлади! – деди у ўзича.

— У албатта шоҳсупани эгаллайди! – Горден ҳам ўз ҳаяжонини яшиrolмади.

Антони устози ўйлаганидек ғолиб бўлди. Буни у эртаси куни газетадан билди. Оёғининг оғригани танловдан эсдалик бўлиб узоқ йиллар унинг ёдида қолди.

* * *

Жаноб Антони ҳикоясини тугатиб, диққат билан менга қаради.

— Шундан сўнг менинг мусиқий ҳаётим бошланди. Уч йил мусиқа коллежида ўқидим. Ҳар йили ёзги таътилда фермага қайтардим.

Ёшим йигирмага тўлган куни Линда Вудга ўзимнинг энг муҳим саволимни бердим: «Хозир сенга ҳеч нарса беролмайман. Лекин бир куни мен машхур ва бадавлат бўламан. Ўшанда менга турмушга чиқишга рози бўласанми?»

Линда менга меҳр билан узоқ тикилди. Сўнг кулди.

— Оҳ, Антони... – деди у. – Буни кутиб ўтирма. Ҳозир сўра!

Шундай қилиб, мен унинг қўлини сўрадим: биз турмуш курдик.

— Бунга ҳам олтмиш йил тўлди. – Линда хоним сухбатга қўшилди. – Бир ой бурун бизни қиролича Букингем саройига таклиф қилди.

— Мен у ерга боргунимча Антони Эванс эдим. У ердан эса «Сэр Антони Эванс» бўлиб чиқдим, – дея мусиқачи кулимсираб рафиқасининг қўлидан тутди. – Менинг Линдам эса, «Леди Эванс» бўлди.

Шу пайт эшик қўнғироғи чалинди.

— Икки дақиқадан кейин чиқишингиз лозим, Сэр Антони, – деди хонага кирган йигит.

— Мен тайёрман, – деди сэр Антони ва менга ўгирилди. – Мен ҳозиргача икки мингта, балки уч мингта концерт бергандирман. Аммо ҳамиша илк маротаба концерт бераётгандекман... Сиз энди борақолинг, ҳикоянгизни ёзинг. Ўқувчиларга менинг жуда баҳтли эканлигимни етказинг.

**Инглиз тилидан Нодирабегим ИБРОҲИМОВА
таржимаси**



Наргиза АСАД

Бахор сени суйғанлиги рост



* * *

Уюлиб ётади столда қозоз
Бошинг кўтаролмайсан ишдан.
Хонанг иссиқ...


совқотдим бир оз,

Жоним, хабаринг борми қишидан...
Қиялатиб эшигинг насим,
Остонангдан бўйласа сўнг бор.
Англамадинг...

согинии касбим

Қара, ахир, кетяпти баҳор!...
Увушдими недандир тананг,
Қарогимда қолса тилаклар.
Кўрмаганга йўйгач ишхонанг,
Олиб кетди,
мени лайлаклар...

Хазонбогдан келса гар овоз
Изла, энди туйгуларимни
Йиллар бўйи титкилаб қозоз,
Тополмайсан,
кулгуларимни...



Хушхабарни илиб кетди,
Шамол эркка бериб жисмин.
Оlam боқиб, қизалоқнинг
Кўкламой деб қўйди исмин.

* * *

Бунча гўзал, бунча дилрабо
Баҳор сени суйғанлиги рост.
Атрофингда айланар сабо,
Унинг ишқи шамолларга хос.

Сўз тополмай даштлар бир оғиз,
Бу ҳуснингдан туради караҳт.
Ойдалада қўрқмайин ёлғиз,
Айт, қандайин гулладинг дараҳт.

* * *

Ватан.
Сенинг ҳар бир буржининг
Юрагимнинг сарҳадлариидир.

* * *



Куёшининг тикилиб
қолганини кўриб,
дув қизарди олчанинг юзи.

* * *

Тун бўйи... ёмғир
Деразам олдидан кетмади,
Йиглайверди исмингни айтиб.

МАНЗАРА
Дардга йўргаклаб баҳтни,
Бу фурсатни қанча кутди.
Титратиб еру самони,
Юкли кўкни тўлгоқ тутди.

Карахтланиб қолди замин,
Паҳзаларга ларза инди.
Чопиб доя гулдираклар
Дўл-ёмғирлар ҳориб, тинди.



Мадина ЭГАМБЕРДИЕВА,
Қарши педагогика колледжи талабаси

ҲАЁМ ҚҰШИҒИ

Рұх инсон вужудига мусиқа воситасида кириллган экан. Шунинг учун ҳам мусиқа ва оғанғ руҳимизга ором бағишлайды. Ҳузурбахш құшиқларни тинглаганда бир муддат тириклик ташвишларидан баландроққа күтариғандек бўламиз. Дунёнинг энг гўзал ва нағис құшиғи бўлган алла эса ўзининг мулојим оғанги билан кўнгилни тўлқинлантириб юборади.

Алла илк бор қачон ва ким томонидан куйланганини ҳеч ким билмайди. Аммо шуниси аниқи, у дунёнинг биринчи құшиғидир ва уни аёл куйлаган. Шунинг учун ҳам файласуфлардан бири аёлни мадҳ этар экан: “Дунёнинг илк шоири ҳам, бастакори ва күйчиси ҳам онадир, чунки у илк бор фарзандига алла куйлаган” деб ёзган эди.

Алла – оналар құшиғи. У оналарнинг ўз фарзанди учун тўқиган, юрақдан куйлаган достонидир. Аллада она қалбининг жамики ҳис- туйгулари – кувончи, изтироби, дарду ҳасрати, айни пайтда фарзандига бўлган фидойларча меҳри акс этади. Баъзи ҳолатларда онанинг ҳаётга ва инсонларга нисбатан муносабати ҳам у куйлаган аллада акс этади. Шунга асосланган ҳолда айтиш мумкинки, алла кўп асрлардан бери аёл учун юрак дардини тўкиб солишининг энг самарали воситаси бўлиб келган.

Аллалар тарихий ва миллий характерга эга. Чунончи, ҳар бир ҳалқнинг алласида фақат шу ҳалқнинг менталитетига, яшаш тарзига хос бўлган ҳусусиятлар, ҳолатлар акс этади. Аллада энг ардоқли, энг муҳим нарсалар тилга олинади. Она ўз гўдагини дунёнинг энг гўзал хилқатларига қиёслайди, эркалайди. Таъбир жоиз бўлса, она алла воситасида ҳали дунё ташвишларидан бехабар гўдакни секин-аста ҳаётга тайёрлаб боради. Шу маънода алла гўдак учун илк ҳаётий сабоқ вазифасини бажаради.

Баъзи оналар алла гўдакнинг тезроқ ухлашига ёрдам беради, деб ҳисоблашади. Бу нотўғри фикр. Алла болага осойишталик бағишлайди. Онасининг алласини тинглаб уйкуга кетган гўдак тинч ухлайди, уйкусиде безовта бўлмайди. Эътибор билан қарасангиз, бешик тебраниши ва алла оғанги ўртасида ҳам мутаносиблиқ, боғлиқлик бор. Бешикнинг майнин ғичирлаши ўзига хос мусиқа вазифасини бажаради.

Она ўз алласида фарзандини турли жонзотларнинг болаларига қиёслайди. Шунинг учун ҳам аллаларда “қўзичогим, бўталогим,” қабилидаги эркаламалар кўп учрайди. Бу бежизга эмас. Чунки ҳар қандай жоноворнинг ҳам боласи ширин бўлади. Айтайлик, қўзичоқ миттили-

ги, бўталоқ жовдираган, маъсум кўзлари билан беғубор гўдак учун энг муносаб қиёс бўлиши мумкин.

Хўш, она нима учун фарзандини, қушнинг полапонига, қўйнинг қўзичогига ўхшатади? Чунки худди инсон фарзанди каби жонзотларнинг боласи ҳам меҳрга, ғамхўрликка муҳтож! Айни мана шу меҳр тирикликининг давомийлигини таъминлайди.

Бугунги кунда гўдакнинг ривожланиши учун она сути қанчалик катта аҳамиятга эга эканини кўпчилик яхши билади. Бу ноёб озуқа боланинг жисмоний ривожланишини таъминлайди. Унинг ташқи таъсиirlарга нисбатан ҳимоя қобилиятини шакллантиради. Тибиёт соҳаси вакиллари эса боланинг жисмоний ривожланишида она сути қанчалик муҳим бўлса, унинг руҳий ривожида алла шунчалик катта аҳамиятга эга эканлигини таъкидлашади.

Алла факат она қалbidаги меҳр-муҳаббатни ифодалаш воситаси эмас. У мурғак гўдакка уни қуршаб турган, бирор ҳали унга нотаниш бўлган нарса- ҳодисалар, манзаралар ҳақида маълумот беради:

Жонимнинг жиндалаги алла,
Қовуннинг ҳандалаги, алла.
Чаман ичра гулчаси алла
Нонлар ичра кулчаси, алла.

Жуда содда мисралардан ташкил топган бундай аллаларда мурғак гўдак қовуннинг ҳандалагига, митти гулларга, ширин кулчага қиёсланади. Умуман олганда, бундай нағис ва табиий шаклдаги қиёслар фақат ўзбек аллаларига хос десак, хато бўлмаса керак. “Кулча” сўзи эса жуда кўп аллаларда учрайди. Бу ҳам ўзбекона ҳаёт тарзини ифодаловчи сўзлардан биридир. Сир эмаски, ёш боласи бор хонадонларда, нон ёпилгандা, оиласаги болаларнинг ҳар бирига атаб кулчалар ёпилади. Юртимизнинг баъзи вилоятларида болани бешикка согланда, ёстиғи остига кулча қўйиш одати ҳам бор. Кексаларнинг сўзларига кўра, бу одат “боланинг ризқи бутун бўлсин” деган маънони ифодалар экан.

Юртимизнинг турли ҳудудларида куйланадиган аллалар бир-биридан фарқ қиласиди. Бундай аллаларда ўша ҳудудга хос сўзлар, атамалар, одатлар ҳам акс этиши мумкин. Қашқадарё ва Сурхондарё вилоятининг дашт ҳудудларида айтиладиган алладан парча келтирсан:

Алла айтай адига, алла
Сув обкелсин кадига, алла.

Кадилар боғи узилсин, алла,
Келинлар бўлиб сузилсин, алла.
Ухлаш унинг зиммаси, алла,
Айланаб ўтсин аммаси, алла.
Адирларнинг поласи, алла,
Ўргилиб ўтсин холаси, алла.

Даставвал мазкур алладаги "кади" сўзи ҳақида. Кади қовоқнинг бир тури. Ундан ичимлик сувини сақлаш ва сутни ивитишда фойдаланишган. Кадида ивиган қатиқ жуда хушхўр ва мазали бўлган. Қашқадарёнинг баъзи туманларида ҳозирга қадар янги ивиган қатиқни "кадиқатиқ" деб аташади. Хўш, "кади" сўзининг бу аллага қандай боғлиғиги бор?



Ситора БОЙМУРАДОВА

Парвозга чорлайди эзгу орзулар

РОЗ

Дунё жамолига шайдо ҳаётим,
Дилиму тилимда шеърим, баётим.
Парвозга чорлайди эзгу орзулар,
Хаёл самосида ижод-қанотим.

Севаман кўқдаги юлдузларни мен,
Она ерга туташ илдизларни мен.
Хаёлим фазода, ҳаётим ерда,
Үйгун этсам дейман ўй, ҳисларни мен.

Фикримга туйгулар пайваста бўлса,
Шеъримга уйгунлик вобаста бўлса.
Буюк мувозанат – илоҳий кучнинг,
Сехрига, қанийди, шеърларим тўлса!

Кўраман қатрада қуёши аксини,
Кўраман заррада зиё рақсини.
Шояд, мисраларда этсам намоён,
Хаёту дунёning рангдор нақшини.

Шерият, сеҳрли, сирли маъвосан,
Диллардан тилларга кўчган навосан.



Бу ҳолат она қалбидаги ният билан боғлиқ. Она юрагидаги эзгу ниятларини жуда содда тилда баён этаётир. У фарзанди вояга етиб, оиланинг дастёри бўлишини орзу қилмоқда.

Замонавий тиббиёт чақалоқнинг тинглаш қобилияти она қорнидаёқ шаклланиб улгуршини аниқлаб берди. Бу борада ўтказилган тадқиқот натижаларига кўра, етти ойлик ҳомила онаси нималарни сўзлаётгани ҳақидаги маълумотга эга бўлади. Онанинг кайфияти ва фикрлари унга етиб боради. Шу боис тиббиёт вакиллари бўлғуси оналарга ҳомила учун вақти- вақти билан қўшиқ куйлашни, эртак ёки шеърлар айтиб беришни тавсия қилишади. Бу ҳолатда энг муҳим ва самарали восита ҳомилага алла куйлаш эканлигини таъкидлаб ўтиш ўринли бўлса керак.

БИРИНЧИ УЧРАШУВ



Балки митти юлдуз каби Ситора,
Ижоддда порлагай кўрсанг раво сан...

ЭЪТИРОФ

Ҳаёт ичра гоҳо маъюс,
Гоҳо хурсанд онимда –
Минг шукурки, отажсоним,
Шерик бўлар ёнимда.

Қўша-қўша ортар яна
Кувончларим, яирашим,
Тенг иккига бўлинганча,
Барҳам топар ташвишим.

Қалби қуёши, меҳри дарё,
Онамнинг йўқ қиёси,
Умрим йўлин ёруг этар,
Юрак қўри, зиёси.

Бу дунёда, бу ҳаётда,
Онамдай ўтай дерман,
Дуоларин олиб ҳар дам,
Камолга етай дерман.



Холмуҳаммад КАРИМИЙ

ЁНФОҚҚА ТУШГАН ҚУРТ

Ҳикоя

Ой сутдек ёруғ, юлдузлар хира милтиллайди. Тун кўйнида ҳашаротларнинг чириллашию, онда-сонда итларнинг гингшиб ҳургани қулоққа чалинади. Чанг кўчада ширакайф икки киши кўланкадек лапанглаб келяпти. Новчароги Боймурод, алами қўзиганидан тез-тез қоқиниб-суриниб кетади. Фўла гавдалик Тўхта, ошнасини суямоқчи бўлиб кўлинин чўёса, Боймурод силтаб ташлайди. – Мен унинг арогини ичишга ўлиб турганим йўқ, билсанг. Бой бўлса ўзига, куни кеча у ҳам бир бечора эди. Яна қариндош эмиш. Чет элдан тўрт танга топиб келиб, тумшуғи кўтарилиб қолибди, ҳай номард-эй, тўй қиляпсанма, одам ажратишингга бало борми? Куни бўйи хизматини қилиб тенгимиз вино бўлди-я.

Тўхта кўнглига қараб гапиргани сайин, оловга мой сепгандек ошнаси баттар аланга олар, бир шиша ароққа ўтмадим, дея ўзича ўксинарди.

Дастурхонга ароқ кўйдими, вино кўйдими, Тўхта аҳамият берган эмас. Аммо Боймурод жонимни гаровга кўйиб бўлса ҳам бир бойишим бор, данғиллатиб тўй бериб ҳаммасининг олдидан ўтаман, билиб кўй, ошна, айтган гапимнинг устидан чиқмасам, отимни бошқа қўяман, дея ҳамон алжиарди. Унинг хурмача қилиқлари жонига теккан Тўхта кайфинг тарқагандан кейин ҳаммаси эсдан чиқади, дедио ошнасидан балога қолди. Бу гап Боймуроднинг миясига тиғдек ботди. Жаҳли чиққанидан қандай қилиб ошнасининг ёқасидан ушлаганини ўзи билмайди. Аммо дарров шаштидан тушиб, ачиниш билан кўл силтади.

– Ҳай ошна-я, ошна... сен мени қаттиқ хафа қилдинг. Қўра-била туриб мени кайфи борга чиқариб ўтирибсан-а... Эҳ, афсус. Қулогингда тут, ошна. Мен бир гапирдим. Айтган гапим гап. Ҳали кўрасан. Аммо сен... шуям ошначиликма...

Боймурод ҳафсаласи пир бўлганича уйи томон бурилди. Ҳавотирда ўтирган онасининг бемаҳалда қаерларда санқиб юрибсан, дея ёзгириши ўлганнинг устига тепган бўлди.

– Қаерда бўларди... тўй маслаҳатидан келаяпман. Ҳурматли амакингиз Қаршибойникида хизматда эдик.

– Чорининг ботинкаси нима бўлди? – онаси ғўлдираётган ўғлидан жаҳл билан сўради. – Гапирсам ўдагайлама-да танангта бир ўйлаб кўр. Ичишни ким кўйибди ўзи сенга...

– Хуррам пул олмабдима? Фишт қуйиб бўлгандир, – Боймурод чўнтағида борини совуриб кўйганидан ботинкани Хуррам олиб бермасмикин, деган умидда шундай деди.

Хуррам ҳайдовчилик гувоҳномасини оламан деб кеча-кундуз одамларнинг ғишини қуяди, томорқасида юмуши борми, қош қайтармай бажариб акасига оғирини туширмоқчи эмас. Үғиллари бирин-кетин уйлантирадиган ўшга кирганини ўйлайвериб, онанинг эл олдида юзи шувит. Отаси бўлганда аллақачон невара суйиб ўтирган бўлардим, дея ўз-ўзича куонади. Буларни Боймурод билмайди, деб ўйлайсизми? Билади, лекин ичига ютади. Ана шу дард-алами бир шиша ароқ баҳона очилди. Очилди-ю, Боймурод ҳаловатидан айрилди.

Онаси ҳозир мавриди эмаслигидан уф тортганча, бошини чайқай-чайқай ётоғига кирганида, кичкинаси кўрпани тепиб ташлаган экан, унинг устини ёпиб кўйди. Мана кенжаси ҳам бешда ўқияпти, ҳали замон бу ҳам йигит бўлади. Олдида икки акаси бўйдоқ. Ёлғиз қизи Қизларгул катта синфга ўтган, ҳадемай совчилар эшигига келиб қолса, нима деб жавоб айтади. Кутиб туринглар дейдими? Онанинг уйкуси қочди.

Ҳали саратоннинг тафти сезилиб турган тијрамоҳ ҳавоси кишига хуш ёқади, осмонда сон-саноқсиз юлдузлар жимирлайди. Боймурод ичига чирок ёқса ёришмайдиган аҳволда тахта сўрига судралиб чиқиб, узала тушди. Бир йўлини топиб мен ҳам хорижга кетаман, кейин аҳмоқ бойваччаларга ўхшаб пули бор-

ларни эмас, ўзимга ўхшаган фақирларни сийлайман, керак бўлса... Боши лорсиллашига қарамай узоқ ўйланниб ётиб, эснай-эснай қўлини оғзига қўйганича ухлаб қолди.

Үйқудан боши зилдай бўлиб турди. Аччиқ кўк чой ичганида бироз енгил тортди. Кечга томон бисотида-ги биргина оҳорли либосини эгнига солиб кўчага отланди. Онаси ўғлининг бу қилифидан ҳайрон. Боймурод тўгри отасининг тўн ёпишган ошнаси Нормўмин бобосининг уйига борди. У отаси тириклигига энг қадрдан дўсти эди, кейин ҳам орани узиб кетганий ўқ. Ўзига тўқ, жуни куруқ одам.

Боймурод бобосини-ку бир амаллаб кўндиради. Бироқ онаси розилик бермаса, уйни қандай сотади. Ўйлаб кўрса буёғи чатоқ. Тоғасини орқа қилиб бориб, дакки эшитди:

– Менга қара, хўв бола, бира-тўла кафандаго бўлмоқчимисан. Кўрпангга қараб оёқ узатсанг бўлмайдима? Амакингнинг олдидан ўтдингми, йўқми, билмадиму, ҳовли-жойда унинг ҳам ҳақи бор, ота ҳовлиси ахир. Устига устак бечораҳол бева аёлга уйингни сот, дейишдан оғири бўлмаса керак. Бу ҳовлифишингга илон пўст ташлайди-я, жиян.

– Тога, индамай юраверсак, ҳали замон одамлар оёғи билан кўрсатади, – деди Боймуроднинг ҳам фифони чиқиб.

– Одамлар билан нима ишинг бор.

Боймурод режасини очиқ айтаверса, тоғаси бадтар ажигади. Ночор ҳолатда турғанларини рўкач қилишга ўтди:

– Фақатгина ўзим учун куйиб-пишаётганим йўқ. Бир бошимга шунча ташвишни бўйнимга олиш зарил кептима? Мени ҳам тушунинг ахир. Уйланишим керакма, укамлар ҳам катта бўляпти, уларни ҳам уйли-жойли қилиш менинг гарданимдама? Ҳозирдан ҳаракат қилмасак, кейин кеч бўлади-ку.

Ёш бўлса ҳам ўз аравасини ўзи тортмоқчи экан, дея тоғаси шаштидан тушди. Қараса, жиянига ён босмаса бўлмайдиган, бирга амакиси олдига маслаҳатга жўнади.

Бу гапни эшишиб бетоб ётган амакиси инқиллаб ўрнидан кўзғалди. Кўрпага ўраниб ўтирганча узоқ ўйланди... лекин бирон оғиз чурқ этмади. Қайтадан ўрнига чўзилар экан, Боймуродга қараб онанг менинг олдимга келиб-кетсин, деб тайинлади.

Онаси тўшақда ётган одамнинг гапидан эмас, Боймуроддан хафа бўлиб, худди эри ўлган пайтдагидек мотам тутиб:

– Сен боланинг шу уйга кунинг қолдима, бошқа иш қилсанг бўлмайдима? Одамларнинг сен тенги болалари дехқончиликдан ҳам пул топаяпти-ку. Қаёқдан чиқди шу хориж деган гап ўзи, – дея тумтайди.

Боймуроднинг кўзига ҳеч нарса кўринмас, фақат ва фақат қандай бўлмасин хорижга кетишни ўйларди. Шундан бошқа гап унинг қулогига кирмасди. Розилик олгач, бир-икки кун ичida Боймурод уйдагиларни тоғасиникига кўчириб ўтказди. Ўзи туман марказига бўзчининг мокисидек зув-зув қатнайвериб, роппа-роса уч ой деганда хорижга ишга жўнаб кетди.

Бу орада Хуррам ҳам ҳайдовчилик гувоҳномасини олди-ю, бироқ бирон бир ташкилот уни ҳай-

довчилика ишга қабул қилмагач, ноилож қурилишда ишлайдиган уста қўшнисига ёрдамчи бўлиб ёлланди. Қурилишда иш бўлганда бўлиб, бўлмагандан ойлаб бекор юарди.

* * *

Орадан уч йил ўтиб, Боймурод уйга қайтди. Уни тоғасиникида кувонч билан кутиб олишди. Кулчали меҳмон сўймали, бу ёғи соғинч, орада бўлиб ўтган гина-кудратлар эсланмади. Тўшакка михланган биттаю битта амакиси ҳам бир йил олдин вафот этган экан. Шодлик-қайғу аралаш Боймурод бир-икки кун қандай ўтиб кетганини ҳам сезмай қолибди. Бироқ ўзига келганидан кейин Нормўминбойнинг уйига борди.

Кўришиб-сўрашиб дастурхон бошига ўтиришгандан сўнг:

– Бобо, баҳтимга ишим юришди. Ваъдага биноан мана келиб турган жойим, – дея кулди Боймурод.

Гап авзойидан билдики, унинг шашти баланд. Демак, йигитча бир дунё пул топиб келган. Рости, шу ўтган уч йил давомида бир нодон ўғлининг аҳмоқлигидан бошпанасиз қолган ошнасининг оиласига юраги ачишиб юрди. Ҳатто ошначилик ҳурмати ҳовли-жойни текинга қайтариб берсам, деган фикрга ҳам борди. Бироқ ҳиммат қилишга келганда қатъиятсизлик қилдими, ҳар қалай орқайин юраверди. Боймуроднинг келаётганини эшифтганда эса мабодо у молу-маблағ билан келиб қолса, берган пулимни қайтар-да, уйингга эгалик қилавер, демоқчи эди. Афсуски, пулнинг дарагини эшифтганида шайтон қитиқлади. Агар бир бегонага сотганда Боймурод унинг яқинига ҳам боролмасди, дея ўз-ўзига далда берди. Мен ошнанинг арвоҳи ҳурматини ҳам жойига қўйган эдим. Ҳудойиларида майда-чуйдасини беминнат кўтардим. Аминманки, қориндошлари яхшилигимнинг ўндан бирини ҳам қилгани йўқ. Бугун ошнанинг боласи бойиб келибдими, бир белогримасга берадиган пулни олсан олибман-да, аслида уйини ушлаб турғаним ўзи уларга ёрдамим-ку, бунинг устига ўзи лафз қилиб кетган, дея хаёлидан ўтказарди. Боймурод бўлса бобосининг ўйланниб қолганидан хавотирланиб, шоша-пиша пулни чиқариб кўрпача устига қўйди.

Каловланиб қолган Нормўминбой бир пулга, бир Боймуродга қараб илжайди.

– Нима десам экан невара, дунё кўриб келяпсан, орадан уч-тўрт йил ўтди. Ўзингга маълум, пул ҳам қадрсизланди, бу ёғи нархлар ҳам ўсади, – деди чайналиб, овози қалтираганидан хижолат чекаётгани билиниб турарди. – Ҳозир мен бу пулни олсан судхўрга ўхшаб қоламан, қиёматлик ошнамнинг болаларига шундай қилсан, кейин одамлар нима деб ўйлашади?

Боймуроднинг хавотирлари тарқалиб, бирдан юзи ёришди. Нималар деяпсиз, сизга уч ҳисса берсам ҳам куймайди, дея миннатдорлик билдиришга ўтди. Бу билан иккиланаётган бобосини қувватлантириди.

Кимлардир вақтинча яшаб ҳовлини қоровсиз қолдирган экан: ҳамма томонни ўт босган, томорқадаги тизза бўйи маккажўхори ола-чалпоқ сарғайиб ётиб-

ди. Дарахтларнинг шох-шаббалари тарвақайлаб, чангалзор ҳолига тушган ҳовли-жойнинг эгалигини қайта ихтиёрига олган Боймурод укаси билан то-залашга киришиди. Ҳуррамнинг устаси уйни бир ҳафтада қўғирчоқдек безатиб қўйди. Пул бўлса чангальда шўрва экан.

Отаси тирилиб келгандек Боймурод ўзида йўқ хурсанд. Очиги, эси-дарди уйни қайтариб олишда бўлиб, яқинларига тузукроқ эътибор бермабди ҳам. Кўрсаки, синглисининг ҳам бўйи етиб, ўн тўрт кунлик ойдек тўлишиби. Чорибой укаси ҳам овози дўриллаб, йигит бўлиб қолибди. Бироқ ота ўрнини билдириналини гарданига олган онасининг соchlарига оқ оралаб, юзидаги ажинлар хийла қулоқлашган...

Оиласини кўчириб келиб, томорқа гирдида нураб-тўкилиб қолган деволни буздириб, усталарга бир одам бўйи кўтартириди. Шу билан ҳовли мисоли кўрғон тусини олди. Ўз уйи ўлан тўшагида онаси гўё ёшарип кетгандек, укаларининг шодлигини-ку асти кўяверинг. Уй-ҳовли данғиллама тўй ўтказишга тайёр, шу сафар келганида қишлоқдошларга бир-бир салом бераман, ёшу қарининг эсидан чиқмайдиган тўй бўлсин, деган хаёлда ич-ичидан яйрайди.

Таътил кунлари охирлаганида қариндош-уроф, ёр-дўстларни чақириб, қишлоқдошлар қойил бўладиган зиёфат берди. Дастурхонга қуш сутидан бошқа таом тортилди. Албатта, мақтаб-мақтаб еб-ичаётган Қаршибой бир пайтлар тўйида Боймуродни хўрганини қайдан ҳам билсин? Боймуродни олдиндан билганман, ота ўрнида ота, ўғил ўрнида ўғил, асл йигит шундай бўлади, дея кўкларга кўтариб мақтар экан, жойидан туриб бориб қулоқлаганча табриклиди. Соатбой олдига борганида зўрга ёрдам қўлини чўзганини эсдан чиқаргандек, оғзидан бол томиб Боймурод шаънига мақтовлар ёғдириди. Бир пайтлар кўча-кўйда кўришиб қолса, кинояли гап ташлайдиган қишлоқдошлари ҳам мум тишлигани, олдига қўйилган таомдан бosh кўтармайди. Бошқаларнинг ҳам сидқидилдан ёки тил учидан ноилождан мақтаб айтган гаплари ёғдек ёқиб, кўнгил чигилини ёзган Боймурод эса мамнун, ҳали бошланниши, деб қўяди.

Кечга бори ошнаси билан ёлғиз улфатлашди. Шунда уйнинг тўрида ёнбошлаб олган Тўхта ҳаваси келаётганини айтиб Боймуродни ҳайрон қолдириди. Боймурод сир бой бермагандек салмоқлаб:

– Ҳей ошна-е, бир тасодиф туфайли, қулай жойга тушиб қолдим, қолдим-да. Албатта бу пуллар осонгина келаётгани йўқ... жойи келгандан ҳаётинг ҳам кўзингга кўринмай қоларкан... Хорижда пул топиш осон деганлар адашади. Фақат буни уйга қайтганида билдиришмайди. Мисқоллаб йигиб бой бўлган корхона эгаси олдинга пулни тўкиб ташлайдими? Ҳар бир тангасини ҳам осонликча бермайди. Барини ўз кўзим билан кўриб келяпман. Айримлар тузук жой тополмаганидан чиқиндиларни тозалаш ишларига жойлашган. Бориб олгандан кейин уйига қуруқ қўл билан қайтишга юзи чидамаганидан қишлоқда орқиладиган ишларга ҳам ўзини урганлар бор.

Ошнаси олдида изза бўлган Тўхта гапини ҳазилга йўйди.

* * *

Орадан бир йил ўтиб, Боймурод навбатдаги таътилга келди. Негадир шашти анча паст, шикоат олови сўнгандек. Кутимаганда томорқанинг бошидаги очиқ жойдан янги уйга пойдевор ташлаб, пишиқ гишт келтиришни бошлаб юборди...

Шу орада унашиб қўйилган синглисини узатиши. Тўй ташвиши билан бўлиб, бирор-бировдан кўнгил сўрашга имкон ҳам бўлмади. Қизини узатиб, онасининг эл олдида юзи ёруғ бўлди. Аммо келгандан бери ўғли лоақал ўртоқларини сўроқлаб кўчага чиқмаганидан ўйланиб қолди. Устига-устак Боймуроднинг укамни уйлантирамиз, дейиши онасининг бадтар таажжубини ошириди. Эл нима дейди, дея гап бошласа, эл оғзига элак тутиб бўлармиди, деб қўя қолди пинагини бузмай. Онаси яна нима десин, буёғи эрта-индин сафарга отланаман, деб турган бўлса. Ке-қўй, деганча ўғлини ортиқча қистамади.

Боймурод йилдан-йил кўпроқ пул топа бошлади. Аммо бу энди уни кувонтирмас, ҳали оғриқ зўраймаган бўлса ҳам, аммо бир дардга чалинганидан ичини ит тирнайди. Атрофдагиларнинг гап-сўзларига ҳам лоқайд, диққат билан эшитаётгандек кўринса ҳам, қулоғига гап кирмас, бошини иргаб-ирғаб қўяди. Биргина таскини ва илинжи онанинг беғубор ва бегидир дуои жонини ўйлаб ичи ёришгандек бўлади.

Бир куни Боймурод кўча тарафда усталарга қарашаётганида қўшни бобо қўлида ўроқ ушлаганча келиб қолди. Салом-алиқдан кейин:

– Ишлар унсан, чарчаманглар бўзболалар, – деганча ҳол сўрашиб четроқда ётган хорининг устига мардош курди. Қўшни бобо бармоқлари билан соқолини тараб-тараб:

– Қани дунёда нима гаплар. Юрт кўрган одамга ўхшаб яхши-ёмондан гапир. Келганингдан бери ҳеч ўттай ҳам демайсан? Илгари ўтиб турардинг. Шунга хабар опай деб чиқдим. Еган-ичганинг ўзингники болам, кўрган-билганларнингдан эштайлик.

Боймурод нима дейишини билмай қолди. Бир бинонинг ичига кириб ишлаймиз, чиқиб ётоқга борамиз, берганини еб ётибмиз-да, десинми. Тайнли гап айтолмаганидан кейин кулиб кутилди.

– Бурунги замонларда чигиртка деган бало бўларди. Бундан бошқа бундай оғатни кўрган эмасмиз. Ҳозир бўлса қовун-тарвуз, памидор-бодринг... нима ўсса барига бало дориган. Тайнаклигига қуртлаб боряпти. Одамларнинг айтишига қараганда, бу курт деган бало гулга тухум кўярмиш. Шуйтиб одамлар гулга ўтирган зироатини дорилаб ётибди. Дори сепмасанг, икки қўлингни бурнингга тикиб қолаверасан. Ҳозиргина томорқадаги қовун-тарвузнинг палагини тозалаб чиқдим, ҳеч умид йўғай. Энди жойига бедамеда сепиб қўйсамми, деб турибман. Неча йилдан бери қишлоқда яшаб қовун-тарвузни бозордан сотиб олиб ётибмиз, эшитсанг. Шу қурт балоси қачон арир экан, билмай қолдим. Биз-ку қариб қолдик, ёшларга оғир-да, уларнинг тақдири нима бўлади? Шуни ўйласам кечалари уйқум учади..

– Бобо-е, ўтолмаганим учун узр. Қишлоқдаги кўп ўзгаришлардан бехабар қолибман. Бундай қарасам



ҳамма пулдан гапиради, қурт-чигиртка кўпайганини сиздан эшишиб туришим, – деб қўя қолди Боймурод.

– Бобонг кўп синчи одам эди-да болам, бир қўриб гаплашган одамининг неча пуллигини адашмай айтарди. Сен шу бобонгга тортгансан, тез ловулаб кетишинг ҳам.

Боймурод хорижда ҳам негадир қўшни бобонинг гурунгини соғинарди. Қандайдир бошқача гурунг беради. Ҳозирги гурунгларда маза-матра йўқ. Иккевнинг бири пулдан гап очади, қаерга борса, қанча тўлайди. Ўв бундай бир ўйлаб кўр, пул ҳамма нарсанни ҳал қилмайди-ку, дейдиган мард йўқ.

* * *

Боймурод кейинги йил келганида онасининг кўзларида баҳт жилваларини кўрди. Анча ўзини тутиб олибди. Келинлик уй янада файзли, осуда ҳаёт, рўзгор ишлари бутунлай келин қўлига ўтган. Ният қилганидек онамга хоҳлаган нарсасини муҳайё қил, бирон жойга пиёда юрмасин, деб уласига машина калитини тутқазди.

Энди уларнинг оиласига одамлар ачиниб эмас, балки ҳавас билан қарашаётгани гап-сўзлар, саломаликлардан билиниб турибди. Оила ўмганини кўтаришда ўзининг катта ҳиссаси борлигидан фаҳр туди. Фақат...

Қадрдон ошнаси меҳмонлар тарқалганидан кейин ҳам одатдагидек алламаҳалгача гурунглashingib ўтириди. У Боймуроднинг шашти пасайганини билмоқчи бўлиб кўнглига қўл солди:

– Ошна, қарасам ҳеч тўйга тараффудинг сеziлмайди, холамга-ку келин олаверинг, деб яхши қилдинг. Ўзинг ҳам уйлан, не-не қизлар йўлингга муштоқ, фақирлар ҳам бир яйраб қолайлик. Қачонгача юрасан, уй-жой дединг, мол-дунё дединг, ҳаммасига эришдинг-ку. Қишлоқнинг олди бойларидан бири бўлдинг. Яна нима каминг бор?

Боймуроднинг ичи музлади, тили тутилиб гапни бошқа томонга бурди. Ошнамга гапим ёқмади, шекилли, деган хавотирга борган Тўхта бошқа бу мавзуни очмади.

* * *

Кутилмаганда ўғлининг одатдагидан эртарок келиши онасини хавотирга солди. Боймурод қаттиқ бетоб эди, лекин дардини ичига ютар, сир бой бермас, уни биргина онаси тушунади, лекин онасига дардини ёрса, оғирлашиб қолишидан чўчирди. Аммо дард дардлигини қилди, икки ой олдин дунёнинг бир чеккасидаги шифохонада ҳушига келганида умр дарахтининг япроқлари қовжираб тўкилиш арафасида турганини билди. Шифохонадан даволаниб чиққач, умрининг саноқли кунларини она бағрида ўтказишга ошиқди.

Дард қийнаётганига қарамай ўзини бардам тутиб уйга етиб келди. Бегона юртларда эмас, жудолик арафасида яқинларининг меҳрига тўйиб олишни истади. Онасининг қўлига бир ўрам нарсани тутқазди.

– Катта пул... ўз қўлим билан сизга топширий дедим-да.

Бу гал пул салмоқлироқ эди. Нимадандир ҳадик олган она юраги шиф этиб кетди.

Бойваччанинг келганидан хабар топган қўниқўши, қариндош-урұғлар эрталабдан келиб-кетиб Боймуродни роса толиқтириди. Яқинларини қўриб бироз ғами тарқагандек бўлса ҳам, аммо узоқ йўл дармонини қуритганидан холироқ хонага ўтиб ётди.

Кўзига уйқу келавермади, ўз ёғига қоврилиб узоқ тўлғонди. Бир пайт онасининг ҳовлида Хуррамга тез бор, деяётгани қулогига чалинди. Хуррам онасига:

– Мен ҳозир гир этиб бориб-келаман, аммо билб қўйинг, қизингиз акам келса, пул сўрайман, деб юрибди. Тағин сиз пул олиб беришга рози бўлиб қўйманг, унингиз акамни ҳам алдаб эритиши мумкин. Акамдан хавотир олманг, бизга берганидан иккича уч баробарини иш жойида банкками, бирон ҳисоб рақамига ўтказиб юргандир. Илтимос она, туман марказида ҳовлининг савдоси пишган, нархидан анча паст бераяти, савдогар одам, савдоси касод бўлганга ўхшайди. Мендан олган пулининг вақти яқинлашганидан оёғи куйгандек типирчилаб юрибди. Акам келгунча биронтага арzonроқ бериб юбормасин, деган хавотирда эдим. Бизга насиб қилган шекилли, ўзи-ку менинг нархимга бошқалар кўтаргани ҳам йўқ, яхши жой, қўлдан чиқаришни ҳеч кўзим қиймаяти, шунинг учун жоним ҳалак эди. Ишим юришганини қаранг-а, акам барвақт келиб қолди...

Тасодифан қулогига чалинган бу гаплардан Боймурод титраб кетди. Аъзои баданидаги оғриқ бадтар кучайгандек, энди кўксига ҳам тош осиб қўйилганга ўхшарди. Ўрнидан кўзғалай деса мадори етмади.

Хорманг-саломат учун келгандарнинг аксари пул ҳақида гурунглашади. Лекин бирори аҳволинг қалай, деб унинг дардини сўрагани йўқ. Бойбобо қанча келтирибди, энди нима қилмоқчисизлар, дегандек илмоқли саволлар Боймуродни таажӯкубга қўяр, наҳотки қишлоғимиз шу қадар ўзгариб кетган бўлса-я, дея ҳайрон бўлиб уларнинг гапларига қулоқ тутди. Ўзининг ҳолига ачиниб кетди. Сўнгги умиди ҳам саробга айланди. Бу ерда ортиқ қололмайди...

Ташқарига чиқмоқчилигини баҳона қилиб, бир амаллаб ўрнидан турди. Ҳовлида жилдираб оқиб ўтаётган ариққа энгашиб бет-бошини ювди. Яхдек сувдан бироз ҳузурлангач, тетиклашиб томорқага оралади. Қуёш қиздира бошлаганида бобосидан қолган ёнғоқ соясига келиб ўтириди. Қучоққа сиғмас ёнғоқнинг бир-икки шохи қуриб, диккайиб турибди. Барibir, ҳали сояси қуюқ. Раҳматли отасининг айтишича, бу ёнғоқ бобомерос, узоқ замонлардан кўз қорачигидек асрар келинган, ҳосили ҳам тузук. Ҳар йили икки-уч қоп ҳосил олишарди. Оиланинг кўп харажатини шу ёнғоқ кўтарарди. Пуллари кўпайиб ёнғоққа қарамай қўйишибди. Шуларни ўйлар экан, офтобда кўпроқ юрганиданми, ғалати ҳолга тушди, ўпкасини тўлдириб ҳавони ютар, лекин ҳаво етиб бормасди. Суяклари зирқираб, илигини курт кемираётгандек ғимирлаб безовта қилди. Титроқ тутганида шоша-пиша чўнтагидан дорини олиб оғзига солди. Бироздан сўнг оғриқ ўтиб хиёл ўзига келди. Ҳовлидагилар унга аҳамият бермас, ҳамма ўзи билан ўзи овора. Чинданам чарчабди. Негадир соғлом пайтлар эсига тушиб, сояди ёнбошлаб ётганларини кўз олдига келтириди. Ажриққа тирсаклаганча

чўзилганда ёнғоқ танасига курт тушганини кўриб қолди. Шунда қўшни бобонинг гапи лоп этиб эсига келдию бир қалқиб олди, бобо ҳаёт кўрган эканда, эх, ўша пайт нега тушунмабман-а, дея ўзини ёзғирди...

Боймурод ёнғоқ остида ўтиаркан, йилдан-йил уйдагилардан бегоналашиб кетаётганини ҳис этар, ранг-рўйи синиқан бўлса ҳам, лекин юзидан эт қочгани йўқ. Ўйига келган меҳмонлар бир-бир тарқалди. Қуёш қишлоқ устида ловуллаганча осилиб қолган. Боймурод келиб супанинг бир четига омонатгина чўкканига кўзи тушган келин кўрпача-ёстиқ келтирди, дастурхон ёэди.

Боймурод чойни ҳафсала билан қайтариб, эндинга келиб ўтирган онасига бир пиёла чой узатди.

– Тани-жонинг соғма, болам. Хаёл сурганинг сурган. Бир эмас, икки уй бўлса, укангга машина олиб бердинг, синглинг оиласи тинч, яна нимани бунча ўйлайсан. Ичингда бир дардинг борга ўхшайди, сен боланинг. Бундай ёрил, биз ҳам эштайлиқ, қани нима экан у? – дея сўроққа тутди онаси.

Боймурод мийиғида кулди.

– Нимага ваҳима қиласиз, она. Денгиз бўйида шамол одамнинг сўлини опкўяркан. У ёқлар бизнинг чанг кўча, боғ-роғларга ўхшамайди. Ҳамма томон денгиз, шўр сув шамоли бирам ёқимсиз-ей, шунинг учун одамлари ранглар бўлишса керак. Мен ҳам шунча йилдан бери уларнинг нонини, сувини ебичиб, ҳавосидан нафас олганимдан кейин уларга мослашдим, нимасига хавотирланасиз, – деди худди онасининг гапларидан хафа бўлиб аразлагандек, кейин гапини давом эттириди. – Уйда қолсам-ку, яхши бўларди. Аммо ўртамизда келишув қофози бор. Шу қофозга қўл қўйганим учун менга иш берди, пул берди. Тўсатдан онам уйда қоласан деяпти, энди ишламайман дея олмайман-ку.

Бу гапдан кейин она кўнглидан хавотир кўланкаси тарқалгандек бўлди. Шу заҳоти юзига табассум ёйилди.

– Йўқ болам, нималар деяпсан. Шукрки... бoshing омон бўлсин. Қандай она ўз фарзандидан рози бўлмасин...

Боймурод онасининг меҳр уфуриб турган сўзларидан томогига нимадир тиқилгандек, зўрга ютинди. Кейин дамини ростлаб:

– Очиғини айтсам, она сизларни, укамларни, ҳовлида шуйтиб ўтириб чой ичишларни соғинибман. Шунга томорқани айланиб хумор босди қилиб юргандим, – деб яна ёлғондакам жилмайди. Онасиға тик қаролмай юраги эзилиб кетди.

Шу пайт келин боласини кўтариб келиб қолди. Гурунг узилди.

– Амаки, пулингиз кўп-ку, менга бир укача олиб келинг, амаквачам билан ўйнаймиз, дея Келин бола тилидан гапириб, гўдагини Боймуродга тутқаздида: биялпизма ака, болакай тўғри айтаяпти, ёлғиз сўппайиб ўтиришингиз нимаси, қанча кўп бўлса ҳам пул жони йўқ нарса, барибир хотиннинг жойини босомайди, мана шундай қорақўзни пулга сотиб олиб бўладими-я, ўзингиз айтинг. Тағин кўнглингизга оғир ботмасин... Яхшида-ей овсиним бўлса, гангир-гунгир ҳовлини тўлдириб юрардик, дея нимадандир хабар топгандек айёrona қиқирлаб кулди.

Амакиси унга ўйинчоқлар олиб беради, – дея Боймурод ҳеч нарса эшитмагандек кичкинтоини эркалади.

Ҳазил маъносида айтилган бўлса-да бу гап она дилини оғритди. Келинни аяганидан эмас, ўғлини ўйлаб:

– Бу тўғри гап, болам, сенга қайишганидан гапирди келин ҳам, – дея орада дилхиралик пайдо бўлмаслиги учун келиннинг ноўрин қилиғини ювиб-чайиб қўйди, холос. Боймурод эса кичкинтоини эркалаш билан машғул. Хумори босилгунча у билан ўйнаб кейин онасиға узатди. Бироз толиқанидан соя-салқинларни яна бир айланиб келай, кечга бориб йўлга чиқаман, дея юраги ачишган ҳолда томорқа оралади.

Онаси унинг ортидан ғамгин қараб қолди, кўнгли алағда. Боймурод келиннинг гапидан хафа бўлмади. Эрталабдан бери шунча одам нима учун келиб-кетяпти? Бир пайтлар тилаганига беролмагандар шулар эмасми? Бир қараща ҳамон ўша-ӯша Боймурод-ку...

Сув оқаётган ариқларни ҳатлаб ўтиб, соянинг куюқроқ жойида тўхтаб ажриқ устига оёқ узатиб ўтириди. Ариқда сув жилдираб туриби. Боймурод сувга тикилиб хаёлга чўмди: сувда оқиб бораётган ёнғоқ куртини кўриб, энгашиб олмоқчи бўлдию жуда миттилигидан у қўлига илашмади... Бу сувлар бизнинг богимиздан оқаяпти. Боғ ўзимизники бўлиб қолаверади... сув жилдирайди... Бобоминг ҳовлисида невара-чеваралари ўйнаб-кулиб шоду хуррам умр ўтказади, дея ўзига таскин берди.

Боймуроднинг жони қиёқ устидаги шудринг каби омонатгина қилтиради. Жигар-бағри эзилиб бораётганига қарамай онасининг кўз ўнгига кулиб уйдан чиқди. Ботиб бораётган қуёш янглиғ заъфарон қалби тобора зулмат қаърига сингиб кетмоқда. Қишлоқдан узоклашаркан, у жуда ғамгин, теваракка ҳорғин бοқарди.



**Маърифат ТЕМУРЗОДА**

Рақсга тушар яшил шамоллар

**КЎЗ ЁШЛИ ТУНЛАР**

САЛОМ АБАДИЯТ! Салом мангулик!
Хуш келибсиз яна кўз ёшли тунлар!..
Салом, гам чекишига хос, арзигулик
Умрим тақвимидан танланган кунлар!

Дардга бўкиб кетган юрагим сирин,
Салом, вақтнинг ошкор этмоқ чоғлари.
Салом сизга, умр саналаримнинг
Яп-янги ва гамли илтифотлари!

Баҳор ёмғирига хўб мослигимдан
Кувонсам кўзларим йиғлаб кулади.
Шу сабаб оқшомлар нам ёстигимдан
Кўз ёшларим ҳиди келиб туради.

Гўё рақсга тушар яшил шамоллар,
Гўё гуллар тинглар томчилар шеърин.
Йиғлайвериб мудом кундуз-у шомлар
Кўзларим кичрайиб бормоқда менинг.

Кулранг лабларимдан нотаниш ҳарфлар,
Титраб таралади йиғлаган чогим.
Кўнглим бисотимдан кўз ёшлар сарфлар,
Йиғлаш озайтирас гўё гуноҳим.

Чечаклар эриниб таратар ифор,
Табассум қиласи қуёши мајбурий.
Ивиб қолар мен-ла самода ҳилол
Ва шойи кўйлагим – бинафша гулли.



Онажон, қўйиб бер, йиғлайин тўйиб,
Шалаббо бўлайин бағрида кузнинг.
Кечиргин кўз ёшга юзини ювиб,
Ёмғир ичаётган йиғлоқи қизни.

* * *

Сокин яшаяпман, орзуларим нақд
Бир қўлимда ҳаёт, биттасида вақт.
Тақдир кафтларимга тутган эди баҳт,
Икки қўлим банддир, икки қўлим банд.

Ўзлигим ёқмайди кўпларга чиндан,
Кимлардир ясамоқ бўлишар мендан.
Қалбим дер, Баҳога айлайлик ҳижрат,
Лек яшашим шартдир, яшамогим шарт.

Балки барча шеърим чиқади йўққа,
Балки бор умримга бир дуо арзир.
Кафтларим очиқдир, кўзларим кўкка,
Сўраганим қарздир, тўлаганим қарз.

Бу куч – менинг учун кучсизлик асли,
На кўрқоқ аташар, на аташар мард.
Насиб этармикан фарогат фасли,
Ушлаганим дарддир, хушлаганим дард.



Муқим тоғлар юриб кетар қачондир,
Ногирон юлдузлар учади албат.
Мен бир тиланчиман Ҳаққа ялиниб,
Тилаганим баҳтдир, тамшанганим баҳт!



Зарина РАҲМОНОВА,
ЎзМУ тадқиқотчиси

ФОНЧАЛАРНИ КҮРСАТУВЧИ КҮЗТУ

ёхуд қалб ва қиёфа мувозанати

Қалб ва қиёфа... Бу тушунчалар ҳамиша ёнма-ён келади. Қиёфа зоҳир, ташки кўриниш, умуман, реал ҳаётда кўриш мумкин бўлган белгиларни ифодаласа, қалб ботинда, ичкарида бўлади; у кўзга кўринмайди, унинг шаклини, ҳажмини, ўлчамини ифодалаб бўлмайди. Бироқ уни ҳар ким ўз дунёкараши, тафаккури доирасида идрок этиши мумкин.

Ёқимли чехра, келишган қомат – булар қиёфага нисбатан ишлатиладиган сифатлар.

Қиёфа сингари қалб ҳам ўз сифатларига эга. Баъзи инсонлар ҳақида гап кетганда, уларни «соғ қалб», «қалби дарё», «оташ қалб», «қалби гўзал» дейа эътироф этамиз. Магарки қалб ботинда бўлса, уни кўришнинг имкони бўлмаса, хўш, ундаги сифатларни ким кўрибди? Қалб гўзаллиги, соғлиги, оташинлиги нималарда намоён бўлади?

Албатта, инсонларро муносабатларда, инсоний фазилатларда кўринади бу гўзалик. Ҳар куни чой қайнатадиган чойнагимизни маълум вақт ичидаги тозалаб турмасак, қурум босиб, жўмрагидан сув чиқмай қолади. Қалб ҳам худди шундай: вақти-вақти билан покланиб, тозаланиб турмаса, кирланиб, ифлосланиб кетади. Кирланган чойнакни-ку, ювуб тозаласа бўлар, аммо кирланган қалбни-чи? Унинг чораси нима? Буюк файласуф Аристотель айтган катарсис (покланиш) ҳодисаси фақатгина санъат, адабиёт орқали амалга ошадими? Инсонлар қалбини поклашни фақатгина санъатнинг зиммасига юклаш тўғримикан? Албатта, йўқ. Бундай жараёнлар, аввало, ҳар бир инсоннинг ички олами билан боғлиқ. Баъзилар бор – санъатдаги, адабиётдаги энг буюк гўзаликлардан завқланмайди, қалби жумбушга келмайди. Яна баъзилар бор – биттагина япроқ узилса, қалби титраб кетади...

Қурум босган чойнак биргина дилни хира қилса, кирланган қалб бутун бошли инсоният, жамият бошига оғатлар ёғдириши мумкин. Бунинг оддийгина мисоли сифатида, фашизм истилолари ва садизм ғояларини олайлик. Ана шундай бузғунчи ғоялар кирланган қалб ва онг маҳсулидан бошқа нарса эмас.

Кўпинча юрак, кўнгил, дил каби сўзларни унинг маънодошлари сифатида ишлатамиз. Бироқ бу тушун-

чалар қалб ўрнини боса олармикан? Масалан, юрак барча жонзотлар, ҳайвонлару паррандаларда мавжуд бўлган аъзодир. Мисол учун, мушук юраги дейиш ўрнига мушук қалби ёки мушук кўнгли деган иборани ишлатиб бўлмайди. Чунки қалб фақат инсонгагина хос. Агар инсон юраги инсонгагина хос нозик сезимлар, гўзал ҳис-туйғулар, меҳр-муҳаббат ва ҳоказоларни ҳис этмаса, демак, бу юракнинг ҳайвон кўксидаги уриб турган бир парча гўштдан фарқи бўлмайди.

Қалб ва қиёфа... Сурат ва сийрат... Булар бир-бири билан чамбарчас боғлиқ. Шакл ва мазмун бирлиги сингари уларни бир-биридан айро тасаввур этиб бўлмайди. Қалбсиз қиёфа бекор. Қиёфасиз қалб ҳам худди шундай... Аммо қиёфа моддий, қалб эса руҳий оламга оид. Қиёфани ҳар лаҳза, ҳар соат, ҳар куни кўришимиз мумкин. Ундаги ўзгаришлар, турланишу тусланишлар, ҳаяжон, кўркув, қувонч, қайгу, баҳт ва ҳоказо кайфиятлар юз-кўзлар, чехралар, ҳаракатлар, юриш-туриш, ҳатто кийинишида ҳам намоён бўлиб туради. Уни истаган вақтимизда истаганча ўзгаришишимиз, турли жойларда турлича кўринишими мумкин (айниқса, ҳозирги замонда бужмайган юзларни бир зумда текислашга, қариларни ёшартиришга қодир пластик операциялар авж олиб кетган). Масалан, уйда одмигина чит кўйлакда, пардоз-андозисиз юрган аёлни тўй ёки зиёфатда кўрсак, танимаслигимиз турган гап. Негаки, унинг асл қиёфаси билан тўйдаги кўриниши орасида ер билан осмонча фарқ бўлади. Гарчи уйида йўқчилик, нотинчлик ҳукмрон, эри ҳар куни ичиб келиб жанжал қилади, эгнидаги кўйлаги ҳам кўшнисиники... Шундай бўлсада, аёл ўзини ҳаётдан хурсанд, баҳтилдай кўрсатади. Кўрган-кўришган одамларга жилмайиб қарайди, ичидан йиғлаб, ўкиниб, хўрлиги келиб турган бўлса-да, кулади, кулаверади... Демак, қиёфани ўзгаришиш унчалик қийин эмас, уни бир лаҳзада амалга оширса бўлар... Қалбни эса ўзгаришиш мушкул. Қалбдаги жараёнлар, ҳис-туйғулар кўринмагани, яширинлиги учун ҳам уларни кўпда англаб бўлмайди. Ҳозиргина қаршимизда мутлақ магрур кўринган инсон ўз мақсади йўлида кимларнинг-дир олдида тиз чўкиши ҳам ҳеч гапмас. Ана шундай

пайтда қалб ва қиёфа ўртасидаги мувозанат бузилади. Мувозанат бузилган жойда эса номутаносиблик юзага келади.

Одамзод, ўзи сиртдан қараганда, сипогина күринади. Ўзимиз ҳам ҳар куни оппоқ кўйлакларда, галстуклар тақиб, тоза кийиниб, ювениб-тараниб ишга борамиз. Кўча-кўйда, одамлар орасида, ишхонада ўзимизни хушумомала, оппоққина қилиб кўрсатамиз. Ҳамкасбимизга ширин сўзлар айтиб, кўнглини кўтарамиз ёки амалга оширган ишларини мақтаб қўяминиз... Аслида, ўша дамда қалбимида нималар кечачётгани фақатгина ўзимизга аён... Эҳтимол, у эришган ютуқлар, муваффақиятлардан қалбимида ҳасад олови ловуллаб ётгандир... Балки, ичимида ўша ҳамкасбимизнинг тезроқ бирор фалокатга йўлиқиб, бошига оғатлар ёғилишини, унга насиб этган омадлар эса, бир зумда бизга кулиб боқишини истаётгандирмиз... Балки ҳали инсон зоти тасаввур ҳам эта олмайдиган ёвузиликлар яшириндир ичимида. Ҳа, буларни аниқ айтольмаймиз, ошкор этолмаймиз. Яхшиямки ичи-

миздаги, қалбимида манзуру манфур истаклар: ёвузилик, қабоҳат, ҳасад ва ҳоказолар бошқаларга кўринмайди. Қалб аксини намоён этувчи кўзгу яратилганда, ана ундан буюкроқ фожиа, фалокат бўлмасди. Дунёйи дун нақ чапласига айланиб, қиёмат қойим рўй берарди. Энг яқин инсонлар бир-бири билан қирпичоқ бўлиб, ақл бовар қилмайдиган хунрезликлар содири бўларди... Яхшиямки... Яхшиямки, шундай кўзгу йўқ. Яхшиямки, биз бошқалар қалбини, бошқалар бизнинг қалбимида кўра олмайди. Ҳатто баъзан ўз қалбимида туғулар, кечинмалар ҳам ўзимизга англамсиз туюлади.

Нима бўлганда ҳам, ИНСОНмиз. Оллоҳ бизга ҚАЛБ аталмиш буюк хилқатни ато этибдими, уни ўз моҳиятидан узоклаштирмаслигимиз лозим. Кирланган қалбларимизни МАЪНАВИЯТ сувлари билан поклаб, буюк бурчимиз – ИНСОНлигимизни оқлашимиз шарт. Зеро, Яратувчи бизни бошқа маҳлуқотлардан юксак қилиб яратган экан, қалб ва қиёфамиз мувозанатини сақлай билайлик.



Сирожиддин РОБИДОВ

Васлинг согинчи

ТАШЛАБ КЕТДИ

Ёмегир қорга айланган кеча,
Чанг кўчалар лойланган кеча.
Кўнгил ёрга бойланган кеча,
Мени ташлаб кетди ҳаловат.

Энди тунлар уйқу йўқ менда,
Ишқдан бўлак туйгу йўқ менда.
Йиги бор-у, кулгу йўқ менда,
Мени ташлаб кетди ҳаловат.

Қайдан бордим ёр кўчасига,
Озорлари бор кўчасига.
Муҳаббатнинг тор кўчасига,
Мени ташлаб кетди ҳаловат.

Ўхшар эди кўзи мунчоқча,
Кўрқар эдим уни қучмоқча.
Бугун абад муздек қучоқча,
Мени ташлаб кетди ҳаловат.



ҚУВОНТИРГИН ҚАЛБИМНИ

Келиб маҳзун кўнглимга,
Олгин сен бу дардимни.
Ғам-қайгуни ўлдириб,
Қувонтиргин қалбимни.

Сенсиз кулмаса нетай,
Ойдек тўлмаса нетай.
Кел, васлингга мен етай,
Қувонтиргин қалбимни.

Кўтарилисин у тоғдай,
Баҳордаги гул боғдай.
Қайнасин пок булоқдай,
Қувонтиргин қалбимни.

Айланма ёмонимга,
Чиққин дил осмонимга.
Айлан жисму жонимга,
Қувонтиргин қалбимни.



Гулноза ЭРНАЗАРОВА

ОЛМАЛАР

Ҳикоя



Фалати туш кўрди. Тушида раҳматли онаси со-
вукдан жунжикканча мунғайиб эски ҳовлиларининг
дарвозаси олдида кўлида бир парча нон, бермоқчи
бўлиб итни чақиради: “Олапар, ма, баҳ, баҳ”.

“Онам ўлмаган экан, қайтип келипти” дея суюнди
нимагадир. Югуриб бориб кучоқлагиси келди, лекин
онаси рўйхуш бермагани учун журъат қилолмади.

“Вой, совуқда бундай турманг, шамоллаб қоласиз,
ўзиз касалманд бўлсайиз, уйга кириң”, деярмиш жон-
ҳалак.

“Йўй-ўқ, кетаман?” – онаси аллақандай ғамгин
мўлтираб тисарилди, тисарила-тисарила Нозимага
кўлидаги нонни узатди:

– Ма, Олапар келмади, сен ея қол.

Нимадандир норозига ўхшади: “Даданг шаҳардан
олиб келган газ ўчоғимни олиб кетай, ўшани бериб
юборинглар” дегандай бўлдими-ей, кейин мўрисидан
қоп-қора ту tun бурқсиб чиқаётган кулба томон кетди.
Кимнинг кулбаси, бу нимага ишора?

Рухи оғир, дили хун бўлиб уйғонди. Юраги тез
урарди. Тушини, онасининг гапларини таъбир қил-
моққа уринди. Бир нуқтага тикилганча, бироқ ҳеч нар-
сани кўрмай, ўйламай, караҳт алфозда анча ётди.
Эри нимадир деб ҳазиллашди, эгилиб юзидан ўпди,
хотинининг бефарқлигидан ажабланди: “Тузукмисан?”
деди елкасини силаб.

Деярли лом-мим демай эрини ишга кузатгани-
да ҳам, мактабга кетаётган қизини йўлдан қайтариб,
“енгил кийиниспан” деб койиганча қалинроқ кийинтир-
ганда ҳам караҳтлиги тарқалмаган, ёд бўлиб кетган
юмушларини ихтиёrsиз такрорларди, холос.

“Бечорагина онам-а, отам уйланганига ҳеч то-
қат қилолмаяптимикин, ўн йил ўтаётган бўлсаям кўн-
маяптимикин?!... Ёшгина кетган онама”.

Аллақачон ишга борадиган вақти бўлган бўлса
ҳам уй ичиди мақсадсиз тимирскиланди, ўз хаёлида
ишга бормаслик учун баҳона қидирди, жўяли баҳона
тополмади. Кўзгу олдига упа-эллик қилгани ўтирас
екан, яна кўрган туши ёдига тушди. Ихтиёrsиз хала-



тининг олд тугмаларини очиб кўкракларига синчиклаб қаради. Уларни жонига қасд қилиши мумкин бўлган заҳарга тўла қопчалардек, кўл тегизса заҳар танасига тарқаши мумкиндек эҳтиёт бўлиб пайпаслаб кўрди, ҳеч қандай хунук аломатни сезмай хотиржам бўлди.

“Агар мен ҳам худди онамдай... уйланармикан... Албатта уйланади. Отам уйланганда, нега бу уйланмасин. Кимга уйланаркин? Зиёдагами? Эридан чиқиб бунга тегадими?! Ҳали ҳам уни яхши кўрса керак, мени ҳеч ким яхши кўрмайди, ҳеч кимга керагим йўқ... Жинни бўлипман. Фирт жинниман. Кимга уйланса уйланавермайдими, менга барибир эмасми кейин”. Огринди. Худди бирор ўласан дегандай, бемаъни ўйлардан дили хира эди. Кўчага чиқиб қишига оғушини очаётган шаҳарнинг ялангоч дараҳтлари устида қағиллаб айланаётган қарғаларга қаради: “Уч юз йил, уч юз йил-а?! Балки юз йилдир? Барибир ҳам қоп-қора бир күш учун жуда кўп” деб мингирилаб кўйди. Автобус бекатида сут ва бўлка нон кўтариб турган, мункиллаб қолган ўрис кампирнинг имиллаган ҳаракатларини кузатиб туриб юраги баттар ғашланди, тоқатсизликни ва кўнглини тўлдириб турган қора қуйқани чиқариб юбормоқчи бўлгандай чуқур хўрсинди, узоқ “уфф” тортди. Кампир эса: “не спеши, наш тоже придет, не нервничай” дея уни овутган бўлди.

“Ҳа, шошмаслик керак, менга ҳам балки навбат келиб қолгандир, ким олдин, ким кейин, Худо билади. Кўп-камлигининг ҳам унча аҳамияти йўқ.”

Кўз олдида яна бўйлари баланд, соchlари, қош-кўзлари қоп-қора, доим жилмайиб турдиган навқирон онаси жонланди, уни кўриш, овозини эшитиш, вужудидан тараплиб тургувчи хушбўй ҳидларидан тўйиб нафас олиш истаги жисмини ёқиб юборди. Ҳатто соғинчдан сўнгаклари қақшаб кетгандек, жони бўғзига тиқилгандек туюлди. Томирлари титраб кетди... бирдан дилининг ўртанишига чидолмай ёш боладек хўнграб йиғлагиси, чорасизлик тугунларини кўз ёшлари билан ечгиси келди. Онаси қазосидан кўп ўтмай қишлоққа борганида узоқ вақт бемор ётганилигидан деворларига дорилар ҳиди сингиб кетган, оғриқли тунларнинг ингроги, видолашув кунларининг қийноғи уфуриб турган хужрага кириб, онасидан қолган тугунларни титган, кўйлакларини топиб ҳидлаган, соchlарининг қадрдан ҳидлари анқиб турган болишларни бағрига босиб увиллаган: “Чидолмаяпман, соғинаяпман. Онамни соғиниб кетаяпман, кўргим келаяпти, ҳеч чидолмаяпман”, – дея дод солганди. Холаси кўзидан милдираб оқаётган ёшларни оқ рўмоли учи билан арта-арта: “Астагфуруллоҳ, дегин, сабр сўрагин, ўлганни “соғиндим” дейилмайди, безовта қиласан, фарёд қилаверсанг чин дунёда тинчмайди” деб койиганди.

Беихтиёр “астагфуруллоҳ” дея шивирлади. Тирбандлигидан ёрилгудай бўлган автобусда бир пасда эзилиб, фижимланди. Баланд бўйли, келишган йигитнинг елкасига тираплиб тураркан, димогига келинчакли уйдан келадиган исириқ, оҳорли кийимлар ва қалампирмунҷоқнинг аралаш бўйи урилди, ёшликтининг ҳаётбахш нафаси хотирасини қитиклади, эти ёқимли жимирлади. Ҳаммаси худди кеча юз бергандай кўз олдидан лип этиб ўтиб кетди. Тавба, у келин бўлганди-ю, назарида онаси уялган, алланечук ийманган, тўйга келувчилардан тортингандайми бўлганди. Қизи би-

лан анчагача очилиб гаплашмагандиям. Йигитдан тисаримоқчи бўлиб атрофга қаради, нигоҳи беихтиёр тўллагина жувоннинг палтоси этагидан маҳкам ушлаб олган қизчага тушди. Қизча тинмай бурнини тортади. Жувоннинг қимирлаш, демакки, дастрўмолини сумка-сидан олиш имкони йўқ, қизи ҳар бурнини тортганида хижолатдан жаҳли чиқади, “бурнингни тортишни бас қил” дегандай хўмрайиб қўяди. Йиллар орқага қайтсао, онангни этагидан ушлаган қизчага айланиб қолсанг, унинг хўмрайишиларига бепарво бурнингни тортуб кетаверсанг...

...Бунча тез ўтди, улгурга олмадим ҳатто илғашга, кўулларим ҳавода муаллақ қолди, қилдайин илинжим йўқ фурсатни-да ушлашга. Дунё, ростларинг ёлғондир, ёлғонларинг рост. Нега кипригимни кўтардим, нимани кўрдим? Англолмасман сира – нимага келдим....

Кечикканидан тажанг бўлиб кирди, иссиқ ҳаво урилди юзига. Эшик олдидаги хонадан шогирд қизларнинг кулгиси эшитилди. Тўрдаги кичикроқ хонада уч киши: Ойдин опа, Гули деган чевар бирга ишлашади.

Чок босадиган машинанинг аллақаерини устага кўрсатаётган Ойдин опа қўзойнагининг устидан думдумалоқ кўзларини хунук гўлайтириб Нозиманинг саломига хушламайгина алик олди. Палтосини ечиб одатдагидай деворга михланган тош ойнага қаради, юзи қаримсиқлашгандай, энг сўнги русумда ҳавас билан тиккан, қоматига ёпишиб турган кўйлаги униқиб кетгандай туюлди. Ҳафсаласиз кеча чала қолган ишини олиб у ер-бу ерини кўклай бошлади. Устани кузатиб қайтган Ойдин опа эшикдан кира солиб бидирлади:

– Нима бало бўлиб кечикиб юрипсиз? Кеч келиб, эрта кетасизлар, ҳозирги ёшларга ишлаш ёқмайди, биз эканмиз-да ўзимизни аямаган, инсофи йўға буларни, хоҳлаганда кириб келишаверади. Яхшиям ўзларинг учун ишлайсизлар. Тартиб бўлиши керакми, ахир?

– Шундай бўп қолди, – Нозима ҳам ғўнгиллади. Опа яна хунук қаради, нигоҳи Нозиманинг кўнглига ботди: “ошириб қўйган жойи борми, ўқраяди.”

– Ҳар кун нимадир бўп қолади. Ишга вақтида келмайсизлар-да, кейин план катта, бажариш қишин дейсизлар, – жаварди опа, – манг, Гулининг иккита кўйлагининг енги қўндирилмаган экан, ҳозир мижози телефон қилди. Бугунга керак экан. – Опа кўйлакларни Нозиманинг олдига итқитаркан, қўшимча қилди: – У ёғбу ёғиниям кўриб қўйинг, яна бирор камчилиги бўлса қолиб кетмасин.

Опанинг асабий қимирлаётган ингичка лаблари, қандайдир совуқ тусга кирган рафтторига, сояси оғир булут каби устахонада у ёқдан буёққа сузиб юришига оғриниб қараб турди ва нима учун кўйлаклар ўзи томонга лопиллаб учиб келганига аввал тушунмади, бироқ сўнги жумлаларни англагани сайн мияси юзлаб вертолёт бир вақтда парракларини айлантириб учишга шайланган аэродромга айланди. Ўзини босишига ҳаракат қилиб тикув машинаси устига тушиб беўхшов осилиб қолган кўйлакларга тикилди, тикилгани сари мавҳум ғувиллаш остида гуллар ҳаракатга келди, аста-секин ўз шаклини йўқотди ва охири бир-бирига чаплашиб кетди, ранглар аллақандай қорамтири, яшилтоб бўтқа тусига кирди ва портлади:

— Эркатойингиз яна ишга келмадими? — овози чи-йиллаб чиқарди: — Мен кечиксам бўлмайди, у ҳафтада икки марта ишга чиқмаса ҳам дамингиз чиқмайди-а?! Ундан тили қисиқ жойингиз бўлса бордир, мени тилим қисиқ эмас! Айтаётган сўзлари томоғига тиқилиб турган ёнгоқдек аламзадаликка урилиб тўхтаб қолади, кейин титраб чийиллайди, худди бегона бировнинг овозидай, вертолётларнинг гувиллаши аралашган, шаллақиларча. Шу овоз ўзиники эканига, шу гаплар ўзидан чиқаётганига ҳатто ўзи ҳам ҳайрон қолди, Ойдин опани-ку кўзойнаги нақ энгагига тушиб кетди. Айтилиши керак бўлмаган гаплар айтилган, энди орқага йўл йўқ эди. Нимагадир шартта турди-ю, кўйлакларни опа томонга силтаб ташлади: — Мен унинг чаласини битказувчи эмасман! Андишанинг отини қўрқоқ қўйманг!

Ярим соатлар чамаси оғир сукунат чўқди. Бу орада Ойдин опа аллақандай дори ичди шекилли, хонани ачқимтири ҳид тутиб кетди, икки-уч хўрсинди. Нозима ҳаммасини билиб турса ҳам бошини ишидан кўтармади, онаси тенги аёлни хафа қилганига пушаймон бўлди, аммо ўзини ҳак ҳисоблади, узр сўрашни ноҳоиз билди. Ҳадеб чигил бўлаётган ипларни жаҳъ билан тортар экан, дилидаги қоронгулик қуюқлашаётганини, бир-икки кўнглига келган-у, бироқ тилига чиқмаган гапларни айтиб ғазабини тўкиб солгани билан енгил тортмаганини, аксинча, девордаги соат миллари сукунат юрагига тиқиллаб урилгани сари томоғидаги аламзадалик ёнгоғи заҳардай аччиқ қўйқани вужудига тарқататётганини, кўкси куиша бошлаганини ҳис қилди.

Тушлик ҳам қилишмади, бирга ермиз деб олиб келган қўймоқларини ҳам сумкасидан чиқармади.

“Ишга келсан, опа билан ҳасратлашсам, дилимнинг хиравлиги тарқайди деб юрипман мен аҳмоқ. Баттар бўлди. Ўзи нима жин урди мени? Биламан-ку Гулининг аҳволини, ўйнаб юргандир... иккита тирик етимини бокаман деб ўтга ҳам, сувга ҳам киради шўрлик... йўйқ, нимага ҳамманинг раҳмини ейишим керак, менинг раҳмимни ким ейди? Жин урган мени. Қандай жин экан-а?... Шу енгларни кўндирамсам ўлиб қолармидим, ишим ҳам кам эди. Опа бечоранинг Гулига раҳми келади, ёш жонини жабборга беради деб ачинади, нега “тилинг қисиқ” дедим?... опа мунғайгандан онамга ўхшаб қоларкан... кечирим сўрасамми... кейин яна елкамга чиқиб олишади... эсимни ебман, елкамга чиққанда нима қилишарди? Осмон бунча тунд-а?... Яхшиям қизимни иссиқроқ кийинтирганим...” Ховлига чиқиб бир пас изғирин совуқда турди, вужудуни ёндириётган аллақандай ғалати, ўзига ҳам тушуниксиз ниманингdir тафтини аччиқ совуқ билан босишини истади.

*Танамни пайпаслар номаълум бир дард,
Совуқ ҳарорати жоним куйдирав,
Кипригимда титрар озор отлиғ гард
Нени исташимни Худойим билар...*

Қайтиб кирганида Ойдин опа кетиб бўлган, хонада ҳеч ким йўқ, бўзрайган маникенлар устида осилиб турган кўйлаклар, нимчалару камзуллар ва яна алланимабалоларнинг сояси кеч кузнинг кул ранг ҳавосидан нимкоронғулашган хонага ўлик рух бераётгандай эди.

Яна тирбанд автобус, чарчаган чехралар, кўз-

ларини юмиб олган, қулоғига телефон симини тиққан талаба қизлар, соchlари қўқиган, пальтосининг тугмаларини қадамаган, узун шарфларини ияклари билан айлантириб олган ҳафсаласиз йигитчалар...

Уйига етмай бир бекат беридаги кичкина бозорча олдида автобусдан тушди. Бир оз юрмоқчи, баҳонада кўкатлар, мева-чева олмоқчи бўлди.

— Олма олиб кетинг, опа, — бозор дарвозаси олдида турган юк машинаси панасидан эскигина телпак кийган, кўзлари қисиқ, совуқдан юзлари қип-қизил, оёқларини ерга тапиллатиб ураётган йигит ўтиб бораётган одамларга худди олмаларини бепул бериб юборадигандек манзират қиларди: — Ака, олма текин бўлиб кетди.

Нозима машинага яқин борди, оқ, қизил, кўкимтири бўлиб товланиб турган олмани ушлади, олма муздай эди.

— Қанчадан бўлди?

— Опа, арzon, икки минг, янги йил олди олиб чиқмоқчи эдим, беш мингдан кам бўлмасди, кўрмайсизми, дабдурустдан келинингизнинг мазаси бўлмай қолса денг.

Йигит гапира-гапира олмалардан бирини пичоқчаси билан тилимлаб узатди: — Олинг опажон, қаранг, саралама олма, Олойга олиб борсам ноинсофлар бир минг уч юз охири дейди, сувга оқизгандай беролмайман-ку, тўғрими?

Йигитнинг қаеридир укасига ўхшаб кетди, япалоқ бурними, жовдираб қарашими? Бир бўлак олмани тили устига қўйди, шимиidi: ширин. Нозима индамай сумкасини кавлади, ростдан ҳам арzon, пули етса бирдан ўн кило олади, янги йил байрамига бир ярим ойча бору, балконга кўйса турар. Кармонининг чўнтакларию, авра-астарини ағдариб ўн тўқиз минг тўрт юз топди, йигитча яна бордир дегандай кармонга умидвор қаради.

— Ҳай, тўқиз кило бера қолинг, чиқмади, бори-да, — деди хижолатомуз.

— Йўғе, ўн кило бераман, опа, баракасини берса бўлди, қўлингиз енгил бўлсинг, тезроқ ҳаммасини сотай, — деди шошганча қийшайган пақирни олмага тўлдирап экан.

— Илоҳим хотинингиз ҳам соғайиб кетсин, — деди Нозима унга жавобан.

— Айтганингиз келсин. Болалар ёш, — йигитнинг овози титраб кетди, — соғайиб кетсин.

Ўн кило ҳазилакам юк эмас экан, ўзини анча пишиқ деб юргани билан йигирма-ўттиз қадам юрар-юрмас ўпкаси оғзига тиқилди. Қаттиқ матодан тикиб олган тўрхалтасини ерга қўйиб атрофга жавдираб қаради: “ҳадемай қоронғу тушади, бу юришида қачон етиб боради”.

— Кўтаришиб борайми опа?

Нозима ўгирилиб қаради, бечораҳол кийинган ўттиз беш ёшлар атрофидағи эркак турарди:

— Ўзи қатта турасиз?.

— 12-кварталда.

— Анчагина экан, қанча берасиз?

— Рози қиласман. Қанақасига анча, беш юз метр, узоқ эмас, уйгача олиб чиқасиз, учинчи қават. Эркак индамай сумкани кўтариб илдамлади, унинг ортидан эргашиб бораркан, эркакнинг юк оғирлигидан ён томонга майишган гавдасига, эски шимига ва аллақачон



совуқ тушган бўлса ҳам оёғидаги чап томони ейилиб кетган ёзлик латта туфлисига қаради: “ёмғир ёғса нима қиларкан?” Йўлни яқин қилиш учун икки уй орасидан кесиб чиқаётгандарида қаердандир, подъезд айвончаларининг бириданмикан, ёш боланинг кувноқ овози эшитилди:

– Фоти, адажоним кевоттила, адажооним... – улар томонга йўлакни тўлдириб тўрт ёшлар чамасидаги лўпги болакай ўқдай учиб келарди, хазонларни қўлидаги чўпча билан титиб юрган қизалоқ унинг кетидан югурди: – Адажооним. Болалар майдончасидаги олти-етти ёшлар чамасидаги бола ҳалинчадан тушиб “мен ҳам борсамми” дегандай тараффудланиб турарди. Биринчи бўлиб етиб келган болакай дадаси қўлидаги олма тўла сумкани кўриб қувончдан сакради ва орқасига қараб қичқирди:

– Фоти, адажоним олма олиб келди. Олма, урей, олма... Қизалоқ ҳам кела солиб дадаси қўлидаги сумкага қаради ва чапак чалганча у ҳам орқасига қараб, майдончада турган болага суюнчилаб бақирди:

– Кўп олма, роса кўп, урреей.

Ака ҳам олмадан куруқ қолмаслик учунми, ёки укаларининг гапи чинлигига ишонч ҳосил қилиш учунми, улар томонга югурди. Эркак болалари олдиндан чиқишини кутмаган эканми, довдиради, хижолатдан нима қиларини билмай типирчилади:

– Совуқда нима қилиб юрипсанлар, кеч бўлди, уйга кирларинг, ойинг қани? “Тез уйга кирларинг”. Болалар оталарига ёрдамлашмоқчи бўлибми унинг қўлидаги сумкани олишга уриниб тармашганча қувончдан қичқиришарди, гўё бу олмаларни улар минг йилдан бўён кутаётган эдилар. Жуда ғалати вазият эди, эркак уларни сумкадан нари итармоқчи бўлар, бўш қўли билан қушлар галасини ҳайдагандай ҳавони сермар ва айни пайтда олдинга қараб юришга беҳуда уринарди, болаларининг сумкани кўтариб, оталари юкини енгил қилишдек айрича хоҳиш-истагидан юк яна ҳам оғирлашганди: Уйга бор баринг, кирларинг уйга, – деб бақириб юборди у охири важоҳат билан, болалари ёпишган сумкани силтаб тортаркан, қичқирди.

– Йўқол, йўқоле ҳамманг.

Овози ваҳший ҳайвон ўқиригига ўхшаб кетди, болалар тош қотиши, бутун дунё жимиб қолди ёки Нозиманинг қулоқлари битиб қолди, ҳеч нарсани эшитмай қўйди.

– Сардор, укаларингни олиб кел. Нозима овоз эгасини қидирди: подъезд олдида корни дўппайган аёл, ранги гезаргандай (балки шом қоронғусида шундай кўрингандир) турарди. Унинг ранжу норозилик сингиб кетган чийиллаган овози Нозиманинг кўксига келиб урилди, зарбидан юраги қалқиб кетди. Нимагадир болалар ҳам оталарининг ҳайқириғи, оналарининг чорловидан кейингина уларга термилиб турган холани пайқашди. Ҳамма бир-бирига тушунарсиз алфозда тикилди. Яна қоралик нуқси ура бошлаган кул ранглар, болаларнинг кичкина жуссалари, яланғоч дараҳтларнинг совуқ қўланкалари майишиб-қийшайиб бир-бирига аралашиб қуйқа тусига кира бошлади, хозир портлайди деб ўйлади Нозима ва ана шу фалокатнинг олдини олмоқидай беихтиёр эркак томон интилди, унга муҳим ниманидир айтмоқчи бўлди, бироқ ўша муҳим ниманинг нима эканини ҳатто ўзи ҳам билмасди. Хижолатдан қадди букилаёзган эркак унга сумкани тутқазмоқчи бўлиб узатди, у эса сумкани тўлдириб турган олмалар томон ориқ ва совуқдан заҳил ранга кирган қўлларини узатаркан:

– Қизимга ҳам олмаларингиздан бир-иккита бering, майлими – деди ва ҳайрон эркак ўзига келмай туриб бир неча дона олма олди, лаблари эса шивирлади:

– Болаларни хафа қилманг, мен розиман, кейин узилиб кетарсиз, ҳозир индаманг, индаманг.

Жуда қатъий, муҳокамага ўрин қолдирмай айтди бу гапни, ҳар бир товушга сингиб кетган ҳукмифармоликдан ўзи ҳам ҳайратланди. Эркак рози бўлгандаи синиқ илжайди, бироқ лаблари худди йиглаётган одамнинг лаблари каби хунук қийшайди. Улардан узоқлашар экан, эркакнинг:

– Юринглар уйга, – деганини эшитди, – юринглар, олма еймиз.

Нозима кўзидан иссиқ ёш оқаётганини сезди, уни қўлидаги олма билан артди.





Шахрибону ДАВРОНОВА,
Жиззах Давлат педагогика институту
талаабаси

БАДИЙ АДАРДА БҮЖОҚ ИЖОҚ ЕИЛМОСИ

Ўзбек адабиётининг тарихи, бугуни ва келажаги хусусида сўз юритар эканмиз, кўз олдимизда беихтиёр буюк Алишер Навоий сиймоси гавдаланади. Нафакат адабиёт, балки бутун бир миллат қиёфаси Алишер Навоий даҳоси орқали намоён бўлади. Шу сабабдан ҳам Навоийни англаш, унинг адабий-бадиий меросидан баҳраманд бўлиш ҳар бир инсоннинг ҳам кўнгил орзузи, ҳам маънавий эҳтиёжига айланган. Шу билан бирга буюк шоир, мутафаккир ижодини ўрганиш, тадқиқ этиш орқали ўзбек адабиётининг тараққиёт тамойиллари, унинг сарчашмалари, ўзига хос хусусиятларини очиб берилади. Боз таъкидлаш ўринники, бу масала бугунги кунда ҳам адабиётшуносликнинг долзарб масалаларидан бўлиб турибди. Алҳол, нафакат Республикализ адабиётшунослари, балки бутун дунёning етук мутахассислари бадиий сўз буюклигини англаш, эътироф этиш мақсадида Навоий даҳосига, унинг ўлмас ижодига қайта ва қайта мурожаат этишмоқда. “Навоийшунос олимлар,” деган эътироф юзага келишининг ўзи ҳам мутафаккир шоиримизнинг нечоғлик кўллами эканлигини англатади.

Шу билан бирга кўплаб адиллар буюк Навоий сиймосини ўз асарларида бадиий талқин этганлар. Алишер Навоийдек даҳо шахсиятининг бадиий талқинига бағишлаб адабиётда турли хил жанрларда кўплаб асарлар яратилди. Алишер Навоий шоир, мутафаккир, давлат арбоби сифатида ёрқин ранглар билан тасвирланди. Ойбекнинг “Навоий” романи, Уйғун ва И. Султоннинг “Алишер Навоий” драмаси бунга мисол бўла олади. Навоийнинг бадиий сиймоси ёзувчи Омон Мухтор қаламига мансуб “Ишқ ахли” романида ҳам ўз аксини топган.

Омон Мухтор Навоий ҳақида ўзигача яратилган асарлардан фарқли шоир образини бадиий-илмий мужассамлантиради. Бунда, табиийки, адаб устоз ижодкорлар услубини тақоррламаслик, уларга тақлид қилмасликка интилган. Ёзувчи Навоий ижодидан гўзал маънолар топган.

“Ишқ ахли” романига хос хусусият – унинг дафтардаги битиклар тарзида беш дафтардан иборат Навоий ҳаётига оид битиклари ҳамда Барно ва Одил муносабатларини ўз ичига олган хатлар мажмуудир. Битиклар муаллиф-ровийнинг билвосита баёни ва таҳлили ҳамда бадиий қаҳрамонларнинг билвосита намоён бўлиши, ҳамда нутқидан ташкил топган. Қаҳрамонларнинг хатлари орқали мулоқоти эса адабиётда зуҳур бўлган эпистоляр жанр имкониятларини намоён қилган.

Роман Одилнинг Барнога йўллаган мактуби билан бошланади. Үнда рассом Абулхайр Навоий сиймосини мужассамлаштироқчи бўлганига туртки берилади ва рассомнинг дафтарларида битиклар илова қилинади.

Биринчи дафтарнинг илк сатрларида ёзилади:

“Болалигимда, сандалда ёнма-ён ўтириб, бувим менга Мир Алишер ғазалларини ўқиб берган, ажаб ривоятлар сўзлаган эди. Шундан буён Ҳазратнинг бўйбастини кўргим келади. Изланаман. Лекин, бундан қаҷондир бирон натижа чиқадими, ўйқуми, билмайман.

Ёшим олтмишга яқинлашди.

Шоирнига бутун умри!

Ўзимни тоғ этагидаги чумолидек сезмоқдаман.”

Романнинг ниҳояси, яъни бешинчи дафтарда битилади:

“Худога шукр! Изланишларим ниҳоясига етган-дек.

Мен уни тасвирлайман, албатта. Лекин...

Чексиз Осмонни кўргандек бўлдим.

Чексиз Уммон ёқасига бориб қолдим.

Бу “юқ” билан дунёда энди қандай яшайман”.

Эътибор берсак, “Ишқ ахли”да Одил томонидан Барнога жўнатилган Абулхайрнинг дафтарлари билан боғлиқ тафсилотлар ўзига хос қолипловчи ҳикоя. Барно – фикр-мулоҳазали қиз. Айни пайтда, у шу хислатларга эга ҳар бир китобхонга мурожаат қилиш воситаси ҳамдир. Муаллиф ва китобхон ўртасидаги жонли

мулоқотни таъминлаб туради. Одил кундаликларни жўнатаётган Барно носрнинг бадий тафаккуридаги ҳар куни бир қирраси очилиб, янгидан кашф этилаётган муҳаббатнинг тимсоли. Мушкулларни енга олишида унга қалбида яшётган муҳаббат таянч бўлганлигига ишора, эзгу инсонлар билан руҳий яқинлик тимсоли. Ўтган йиллар давомида ўз йўлни қидириб, изланиб, ўзгариб, ўзликни англаб бориши учун кўмакдош. Шу маънода Абулхайрнинг дафтарлари ҳам аслида Омон Мухторнинг бадий тафаккури ҳосиласидир.

Романда Ҳусайн Бойқаронинг қишида Навоий қабрини зиёрат қилиши каби ёрқин манзаралар чизилган бўлиб, бу тасвирлар асар бадий рангларини янада ойдинлаштиради, шу билан бирга адебнинг айrim мулоҳазаларию мушоҳадаларига хос теран мазмундорлик асарга фалсафий-психологик руҳ бағишлайди, воқеалар тасвири ва психологияк таҳлил мутаносиб ҳолда йўғун қўлланилгани ҳам ёзуvinинг бадий маҳоратини кўрсатади. Романда Султон Ҳусайннинг Алишер қабрини зиёрат қилиши, бизнингча, ривоят адабиётдаги ғоятда нозикликни ҳис этиш кераклигини алоҳида таъкидлаш учун келтирилган. Ҳусайн хотиралидаги болаликка талпиниб, Дехлавий назокатини, Лутфий ҳайратини, Навоий хушҳоллигининг боисини эътироф этади. Руҳий ҳолатларни илғай олади. Муаллиф Абулхайрни "кучга тўлиб, яшарган" ҳолатда кўрмоқни истайди. Зоро, буюк аждодлар руҳи мададкор кучга эга деб билади. Академик М.Кўшжонов "Ишқ аҳли" асарини Омон Мухторнинг Навоийга бағишиланган романи фақат навоийшунослик, навоийхонлик оламида ўзига хос бадий тажриба бўлмай, балки ўзбек адабиётининг тараққиётида кўзга ташланадиган муҳим янгилиқдир", – деб баҳолар экан, табиики биринчи навбатда романнинг поэтик моҳиятини назарда тутган.

"Ишқ аҳли"даги Одил ва Абулхайрга тааллуқли тафсиллар асарда муаллиф асарга олиб кирган асосий ғоя – Навоий назми, шоирнинг шахс, инсон сифатида талқин этилишига қолипловчи ва йўлловчи восита вазифасини таъминлайди. Воқеалар ва характерлар тасвири синкетик услубда берилган бўлиб уларнинг асардаги мутаносиблигини таъминлайди. Шу билан бирга асар Навоийнинг ижод психологиясини очиб беришга бағишилангандир. Бу эса асарнинг сюжетида ҳам намоён бўлган. "Ишқ аҳли"да ҳам ҳозирги асарлар сюжетида кўзга ташланиб турадиган бир муҳим хусусият – ассоциативлик мавжуддир. Асарда субъектив омилларнинг кучайиши шахснинг ички олами, фикр-ўйлари дунёсига эътиборни кучайтирган, асосий диккат унинг қалб диалектикасига қаратилиб, анъанавий тамойилга

хос ҳаёт ҳодисаларини замонда сабабий кетма-кетликда жойлаштириш ўрнига қаҳрамон хотираларида жонланган воқеалар эгаллаган. Бошқача айтганда, эпик воқеалар ички ҳиссий жараёнлар ҳисобига янада бойиган.

Алишер Навоийдек шахс сиймосини яратиш ёзувчи Омон Мухторнинг руҳий эҳтиёжига айланган. У онгу тасаввури, идрок ҳайратданишидан туғилган ўта нозик, ёрқин майлларни ўз табиати, истеъодод йўналишига мос, ҳаёлотини тўлароқ намоён этадиган услубда тасвирлашга уринган. "Ишқ аҳли"да ўзига хос ифода. оҳанг, туйғу ва ранглар товланиши муаллифнинг эпик баён тарзи, характер ёрқинлиги билан ажralиб туради. Тасвир ҳис-туйғулар оламидан тасавурлар томон йўналтирилар экан, Шарқ ҳаёти, маданияти ва одобандиша доирасида фикрлаш оддий ҳолатларда ҳам теран ҳаётини маъно касб этган. Тафаккурида яшаб келаётган руҳий воқееликни сўзлаб беришга уринган. Омон Мухтор талқини янгича тафаккур – тадқиқот ва таҳлил орқали кечади. Инсон ҳаёти ва кечмиши асарда онг ва руҳияти орқали тасвирланади.

"Ишқ аҳли"да ёзувчи тасаввуридаги Навоийни англаши шоир ғазаллари қўйидаги тартибда берилган: Ишқ ва Зуҳд аҳли орасида паришон ёки эзгин туришлик; шунчаки бир жайдари одам сифатида яшашни истаб қолиш; дунё ташвишларини унтишни ихтиёр этиш; овуниш илинжида бўлиш; ғоятда толиқкан, руҳан эзилиш; ўз-ўзидан хижолат чекиш; оғриниш ва ҳамдардлик; ёлғизлик, ҳижрон, соғинч ва умидворлик; жавобгарлик, ишонч; ўн саккиз минг олам ҳайрати; огоҳликдан максадларига куч, фаолиятига шиддат олиш; шукроналик, қисматга ризолик ва сабр-қаноатлилик; меҳршафқатлилик, ғамгусорлик; самимий дўстлик ва садоқат; инсонпарварлик ва халқчиллик.

Асарда Навоийнинг ўй-хотиралари, муҳокама-мулоҳазалари, туғёнлари орқали борлик ва инсон, моддий ва маънавий қимматлар таҳлил этилади ва баҳоланади. Зуҳд ва Ишқ аҳли ҳақидаги қарашлар эса адабий-фалсафий концепцияни ифодалашнинг шартли воситаси бажарган, десак тўғри бўлади. Инсоннинг руҳи ва тафаккурида кечган жараёнлар Навоий образи орқали инкишоф этилади. Романда инсон тақдирни қисмати орқали унинг ботиний оламини акс эттириш орқали жамият қиёфаси ҳамда руҳини намоён этиш, инсонда масъуллик тушунчасини кучайтиришга интилиш кузатилади. Бадий-сиёсий ғояни фалсафий идрок этиш, талқин қилиш асарнинг асосий ғояси - жамият руҳияти, тарих ва қисмат талқини буюк инсон, шоир ва мутафакир Навоий образи орқали юзага чиқарилган.





ШАҲНОЗА ШАМСИДДИНОВА

ҚАЛТИС СИНОВ

Жажжи ҳикоя

Авжи баҳор. Осмон инжиқ болакайдек қовоқ уйиб, гоҳ ёмғир ёғдирар, гоҳ чақмоқ чақтирар эди.

Саида бошланғич синфда ўқийди. Бугун улар дарсда “Фавқулодда ёрдам” мавзусини ўрганишди. Муаллима “Тез ёрдам” хизматининг вазифасини тушунтириб берди. Саида дарс тугагач уйига тез келди-да, тушликни ҳам чала еб уй телефонига ёпишиди. Устозимиз “Тез ёрдам” куни бўйи тинимсиз ишлайди”, деганди. Қани бир синааб кўрай-чи, – деб “03” рақамини терди.

Нариги тарафдан дарров жарангдор овоз эшилтиди:

– “Тез ёрдам” эшитади.

– Үйимизда ҳеч ким йўқ эди. Менинг иссиғим баланд, бошим оғрияпти. Илтимос, ёрдам беринглар, – деди илтижоли оҳангда Саида.

– Қаерда турасан? Исминг нима? – дея сўрашди ундан. – Қўрқма, ҳозир етиб борамиз.

Орадан ўн беш дақиқа ўтар-ўтмас дарвоза ёнида пайдо бўлишди.

Саида уларни кулимсираб қарши олди.

– Устозимнинг гали рост экан. Дарров келдиларингиз.

– Бемор қани? – дея ҳовлиқиб сўради жомадон тутган шифокор.

– Қанақа bemor? Э, ҳа, мен Саидаман. Синаш учун кўнфироқ қилувдим.

Шифокорнинг жаҳли чиқиб кетди:

– Одобсиз қиз экансан. Сени деб қанча bemорларнинг ҳаёти хавф остида қолиши мумкинлигини биласанми? Кетдик, эссаиз, шунча йўл босиб келиб

ўтирибмиз. “Тез ёрдам” машинаси яна тезгина ортга қайтди.

Саида кўзлари ёшланганча қолди. Уни одобсиз қиз дейишди-я! Ахир, қизиқани учун қўнфироқ қилганининг нимаси айб?!?

Орадан бир-икки соат ўтмасдан Саиданинг ойиси ишдан шошганича келди.

– Саида, тайёрлан. Бобонгнинг тоби қочиб қолибди. Амакинг ҳам уйда йўқ экан. Тезроқ борайлик. Улар шоша-пиша йўлга чиқишиди.

Бобосининг уйи туман марказининг четроғида жойлашганлиги сабаб улар йўл машинасида кетишиди. Етиб келгач, ойиси уйга юрганича кириб кетди. Саида дарвоза олдидаги “Тез ёрдам” машинасини кўриб кайфияти тушиб кетди ва қизарди. Ойиси уйда бобоси ва бувисидан ҳол сўради ва шифокорга юзланди. Шифокор:

– Биз ҳам бир оз кеч қолибмиз. Дадангизнинг қон босими кўтарилиб кетган экан. Агар яна сал кеч қолганимизда нима бўлар эди, билмадим. Лекин ҳозир тузук. Бир оз муолажа олишлари керак, – дея дори-дармон жомадонлари билан ташқарига чиқди. Эшик олдида Саидани кўргач, жиддий тортди.

– Қизим, шифокор опангга салом бермайсанми? деди онаси.

Шифокор:

– Ие, Саида сизнинг қизингизмиди? – деб сўради.

– Мени... мени кечиринглар!

Саида шундай дея уялганидан йиғлаб юборди.





Насиба АБДУЛАЕВА

БЕТОНА ТОЗМИИ

Ҳажвия

– Сумбатини кўрган сатил тўлдириб сут берса ке-
рак деб ўйлайди. Бир эчкича ҳам ҳиммати йўқ, шуни
соқкунчаям энамдан эмган сутим оғзимга келади. Мендан
бошқани ёнига йўлатмайди-я, қирилгур. Яна йил орала-
тиб қисир қолади, жонимга тегиб кетди.

– Гулжамол қарғана-қарғана молхонадан чиқиб кел-
ди. Хотинининг жаврашидан Бобоқул сигири яна бир
хунар кўрсатганини сезди.

– Савил қолгур, сатилнинг ичига оёғини тиқиб олди.
Шунча қийналиб соққаним бир қошиқ сутниям ҳузурини
пишагингиз кўради энди, – жаҳл билан сутни консерва
кутига ағдарди Гулжамол.

– Ҳозир мол арzon, ем қиммат, одамлар боқолмай
молини сув текинга сотяпти. Сабр қил энаси, қиш чиқсин,
сотиб бошқа сийир оббераман, хотинини овутган бўлди
Бобоқул.

– Сийирингизни бу қишлоқнинг одами омайди,
тепонғич, сузонғичлигини ҳамма билади, устига-устак
кўтирип. Тунов кун Назира келин сизларга итнинг ҳам кераги
йўқ, сийирингиз итдан ҳам ёмон деб роса купди.

– Э, ким оламан деса қўш қўллаб тутқазардим бун-
дайди сийирни, – деб уф тортид Гулжамол.

– Ота, – гапга аралашди Эшмурор, – молбозорга
олиб чиқсан-чи? Бир-икки ҳафта кунжара бериб яхшилаб
боқаман, семирса балки кўтириям кетиб қолар?

Ўғлининг гапидан Бобоқул ҳам ўйланниб қолди.

– Бўймаса, хотин, эртадан соғма, боқувга соламиз. Бу-
зовини айрамиз, бедани тъымини билди, қийналмайди
энди. Улим, сен кўтирига кун ора чучитилмаган мойдан
сурт, бир ой-ярим ойда тузалиб қолади.

Орадан бир ой ўтар-ўтмас сигир ялтираб семи-
риб қолди. Аммо белидаги кўтири тузалмади. Бу орада
Хайдар бобонинг ғунажини сотиладиган бўлиб қолди.
Гулжамол отасига сигирни бир ҳафтадан кейин оламиз,
жўрангизни кўндирип деб тайинлаб келди.

– Шу бозор сийирни сотмасангиз бўлмайди, отамга
айтиб келдим, сийирдан қуруқ қолмайлик. Қанчага сот-
сангиз-сотинг, етмаса қарз оламиз.

– Бўпти, шу ҳафтадан қолдирмайман, – ваъда берди
Бобоқул.

Бозор куни ота-бола тонг қоронғусида молни ҳайдаб
кетишиди. Ким эчки сотган, ким кўй. Мол олувчи-ю, со-
тувчидан даллоп кўп. Қоронғуда яхши кўрмаган экан,
Бобоқулнинг сигирига кўзи тушиб танимай қолди. Тўсдай
қоп-қора, ялтиллаган, тирсиллаган.

– Улим, сийирни нима билан чўмилтирдинг, кўтириям
билинмай қопти-я?

– Яна айтиб юрманг, ота, энамни ипак бўёғи билан
бўядим, кўтирига пўстакдан кесиб ёпиштиридим.

Бобоқул кулиб юборди.

– Энанг кечада пўстагимни бир четини сичқон ками-
риб кетиби, қайтишда маргимуш олиб келинг деб тай-
инлаганди. Лекин бозордагилар билиб қолишса ўзинг-
дан кўр.

Бобоқул бозор айланиб нарх-навони билгач, сигирни
саккиз юз мингга нархлади. Бир оздан сўнг ўрта бўйли,
миқтигина, қорачадан келган бир киши келди.

– Ака, қанча деяпсиз?

Шундай деб сигирнинг у ёқ-буёғидан айланиб бели-
дан ушлади. Бобоқул харидорнинг кўли пўстакка тегиб
сидирилиб тушса деб кўрқанидан ранги оқариб кетди.

– Саккиз юз минг, ака, – деди Эшмурод, сўнг отасига
хавотир олманг дегандай имо килди.

– Ҳа, саккиз юз минг деяпмиз, ука, – деда Бобоқул ҳам
тасдиқлаган бўлди.

Ака, мунча пулга бузоғли сигир беради-ку, сал паст-
роқ тушинг.

Харидор сигирнинг оғзини очиб тишларини кўра
бошлади.

– Ука, бозор кўтартганига сотамиз-да, буям кузга бо-
риб болалайди, – деб дадиллашди Бобоқул.

– Қисирга ўхшайди-ку, кузда болалайдиган сигирнинг
корни билиниб қолади, мунингиз теп-текис-ку?

– Ука, қишиқми-текисми, сийirimизнинг нархи шу,
олсангиз олинг, олмасангиз, бирор ярим харидор чиқиб
қолар.

Бу кишининг савдолашишидан даллоллиги билиниб
турарди. Бобоқулнинг қўлини тутганича 750 минг, борига
барака, ака, деда силтайвериб шилиб юбораётди. Бобоқул
ҳам йўқ деб туриб олди. Охирни 770 мингга келишишиди.

Ота-бала пулни санаб олгач хурсанд бўлиб уйга қай-
тишиди. Эртаси Ҳайдар бобонинг сигирини сотиб олишди.

Гулжамолнинг оғзи қулогида, молхонани тутунга
тўлдириб исирин тутатди, сўнгра сигир соғишга тутинди.
Бир пас ўтар-ўтмас сатилнинг тарақлагани-ю, гурс этган
товуш эшилтиди.

– Ҳа, қирғингинага кеттур, сийир бўлмай, адо бўл,
ёмғирдан қочиб дўлга тутилдим-ку, отаси.

Кўйлаги таппи-ю, шиптирга беланган Гулжамол йиғ-
лагандан бери бўлиб молхонадан чиқиб келди. Ўғли би-
лан Бобоқул бир-бирига қараганича на йиғлашни, на ку-
лишни билар эди. Гулжамол қарғана-қарғана уйга кириб
кимимини алиштириб чиқди.

– Буни олдида ўзимнинг сийирим қўйдек юввош
екан-а. Қани юринглар, бу шайтондан тўраганга ўзимнинг
кучим етмайди.

– Бегона қилаётгандир-да, энаси.

Бобоқул ўғли билан хотинига эргашди. Икковлон си-
гирнинг оёғини боғлашди, Гулжамол бир амаллаб соғиб
олди. Аммо сигир ҳар куни “бегона” қилаверганидан уни
учковлон соғадиган бўлишди.



ЭКСУМИД

Эксумид – биологик фаол қўшимчаси Ер шари бўйича фақат Ўзбекистоннинг Сурхондарё вилояти худудида ўсадиган «Туркестон аюгаси» деб номланган ўсимликдан олинган 100% табиий экстракт асосида яратилган.

Эксумид турли хил патологик ҳолатларда (миокардиострофия, жигар ва буйракнинг заҳарланиши, камқонлик, ошқозон шиллик пардасида тери қопламаларидағи ўзгаришлар ва суяқ синиши) тўқималарнинг фаолияти тикланишига ва сустлашган метаболизмнинг фаоллашишига ёрдам беради.

Эксумид – стрессга бардошлиликни оширади. Унинг таркибида тинчлантирувчи хусусиятга эга ва табиий бирималар бўлганлиги учун кундалик асаббузарликларнинг салбий таъсирини камайтиради. Инсоннинг психологияк ҳолатини яхшилаб, кайфияти кўтарилишига сабаб бўлади. Умумлаштириб айтганда:

- Организмга куч-кувват багишилайди;
- Жисмоний ва ақлий ишга қобилиятни оширади;
- Организмни асабий зўриқишидан ҳимоя қиласди;
- Организмни жисмоний зўриқишидан, кучли толиқишидан сўнг тикланишига ёрдам беради.
- Астеник ва астено-депрессив симптомларни ўқотади;
- Касалликдан кейинги тикланиши даврини камайтиради;
- Иммунитетни оширади;
- Енгил афродозиак хусусиятга эга бўлиб, эркакларнинг потенциясини яхшилайди.

ТАБИИЙ СОВУНЛАР

Сиз қачонлардир қўлда тайёрланган табиий совунлардан фойдаланган бўлсангиз, шубҳа йўқки, сиз бу совунлар дўйонларда сотиладиган кимёвий совунлардан мутлақо фарқ қилишини яхши биласиз. Агар шу вақтгача сиз бу совунлар билан таниш бўлмасангиз, биз сизни қўлда тайёрланган табиий совунларнинг хушбўй ҳидли оламига таклиф этамиз.

Бунда совунларни тайёрлашда фақат табиий ўсимлик ёғлари, ҳар хил табиий эссенциялар, табиий асал, кофе, кокос ҳамда ўсимлик гулларининг экстрактлари ишлатилади. Ҳеч қандай химикатлар ва буёк моддалари ишлатилмайди.

Табиий совунлар ўсимлик экстрактлари таркибидағи витаминлар ва минераллар ҳисобига терини озиқлантиради ва тери намлигини ушлаб туришга ёрдам беради. Унинг таркибида ҳайвон ёғлари бўлмаганлиги учун аллергик ҳолатларни келтириб чиқармайди. Шунинг учун ўта таъсиран чиқарма олиши билан бирор мумкин. Табиий совунлар ўсмирлар терисида кузатиладиган муаммоларни бартараф эта олиши билан бирор мумкин. Табиий совунларнинг майин тозалаш хусусияти эса аёлларга пардоз воситаларидан тозалаш мақсадида ишлатиш имкониятини беради. Табиий совун таркибига кирадиган ингредиентлар нафақат терига, балки бутун организмга ижобий таъсири қиласди.

БРАСЛЕТ

SDiana браслетлари юқори сифатли, яъни жаррохлик амалиётида қўлланиладиган асбоблар тайёрлашда ишлатиладиган пўлатдан тайёрланган бўлиб, унинг дизайнини кўркам қилиш мақсадида четларига тилла суви югуртирилган. Браслетнинг орқа томонига икки қатор қилиб кўйилган магнитли қотишмалардан тайёрланган тошчалар 4-14 микрон узунлиқдаги инфракизил тўлкинлар тарқатади ва 1 см³ да 800-1000 гача манфий зарядланган кислород ионларини ҳосил қиласди ва организмда 75-80 герцли магнит майдони пайдо бўлади.

SDiana браслетларини доимий равишда тақиб юриш:

- Стрессга бардошлиликни оширади;
- Бош оғригини камайтиради;
- Қоннинг кислород билан тўйинишини оширади;
- Қоннинг токсинглардан тозаланишига ёрдам беради;
- Иммун тизимининг функциясини яхшилайди;
- Ақлий зийракликни оширади;
- Ҳужайра deoerinинг ўтказувчанигини оширади.

КУЛОН

Бугунги кунда SDiana энергетик кулонлари одам энергетикасига ижобий таъсири қилувчи кучли виситалардан бири бўлиб, япон олимларининг нанотехнологик илмий изланишларининг маҳсулидир. Кулон скаляр энергияни кучайтириш хусусиятiga эга бўлганлиги учун одамнинг биомайдонини ҳам кучайтиради. Скаляр энергия ҳар бир инсонни доимий равишда курсаб (ўраб) тураладиган тургун энергияиди. Скаляр энергия одам танаси атрофида ҳимоя майдонини ҳосил қиласди. Бу майдон организмга мобил телефонлари, компьютерлар, ноутбуклар, радио, телевизор, музплатич, дазмол, фен, микротўлкини печлар, электр иситгичлар, кондиционерлар, юқори вольтли кучланишили симлар ва ҳ.к.лардан тараладиган электромагнит тўлкинларни дарҳол танийди ва бу зарарли тўлкинларнинг одам танасига сингиб, унинг иш фаолиятини издан чиқаришига йўл кўймайди. SDiana кулонларини доимий равишда тақиб юриш скаляр энергиянинг доимо нормада бўлишини таъминлайди.

SDiana кулонлари Сизни ҳар см³ да 2000-2500 тагача манфий зарядланган кислород ионлари бўлган ҳаво билан таъминлайди.

Олимлар томонидан ўтказилган илмий изланишлар натижасида манфий зарядланган кислород ионларининг ва скаляр энергиянинг организмга таъсири қуидагилардан иборат эканлиги аниқланди:

- Иммун ва эндокрин системанинг фаолиятини кучайтиради;
- Ҳужайралараро алмашинувни яхшилайди;
- Ҳужайра мемброналарининг ўтказувчанигини оширади;
- Ҳужайралардан организмнинг ҳаёт фаолияти учун зарарли бўлган моддаларнинг чиқиб кетишини кучайтиради;
- Нормал ишлаш функциясини ўқотган ҳужайраларнинг организмни табиий равишда тарк этишини таъминлайди.

Кулон таркибида 70 хилдан ортиқ минерал бўлиб, асосий қисмини турмалин ташкил этади. Турмалин қадимдан севги-муҳаббат тумори ҳисобланади. Уни тақинг, соғлом ва севимли бўлинг!

www.sogdiyana.com Тел.: (+99895) 177-69-36,
Манзил: Тошкент шаҳри, Хуршид кўчаси, 56-йй. "ERA" бизнэс маркази.